

**NATIONAL ASSEMBLY OF
SEYCHELLES**

Wednesday 6th August 2025

The Assembly met at 0901am

National Anthem

Moment of Reflection

Mr Speaker in the Chair

MR SPEAKER

Bonzour Manm Onorab.
Bonzour nou bann zofisye
Lasanble ki pe asiste nou e
bonzour nou piblik ki pe swiv
nou.

Byenveni pour travay
ozordi. Bon nou a prosede avek
lo *Order Paper*. Premye nou
annan Prezantasyon bann
Dokiman. I annan rapor plizyer
Komite.

Madanm Deputy Clerk i a
fer prezantasyon apre parey
nou fer, bann Chairman
oubyen Manm sa Komite ki le
dir en leksplikasyon oubyen en
lentrodiksyon lo son rapor. Zot
a ganny en loportinite pour fer
li. Madanm Deputy Clerk
Prezantasyon Dokiman.

MADAM DEPUTY CLERK

Mersi Mr Speaker. Bonzour Mr
Speaker. Tou bann Manm
Onorab e bann zofisye *National*

Assembly Service e tou manm
piblik a lekout. Prezantasyon
papye i comme swivan:-

*S.I. 50 of 2025 Elections
(Placement of Campaign
Materials) Regulations, 2025*

*S.I. 51 of 2025 Elections
(Conduct of Registered Political
Parties and Candidates During
Election and the Remainder of
the Electoral Cycle) (No.2)
Regulations, 2025*

*S.I. 52 of 2025 Prisons
(Declaration of Prison) Order,
2025*

*The Finance & Public
Accounts Committee Legacy
Report for the years (2020-2025)*

*The Finance & Public
Accounts Committee Special
Report on the Public Hearing of
the Seychelles Ports Authority -
Port Victoria Extension Project*

*The Finance & Public
Accounts Committee Report on
the Findings of the Auditor
General's 2022 Report - Public
Hearings of 2024*

*The Finance & Public
Accounts Committee Report on
the Findings of the Office of the
Auditor General's 2023 Report -
Public Hearings of 2025*

*The Media Youth, Sports
and Culture Committee - Report
on the Visit to Sporting Facilities
for the CJSOI Games, July, 2025*

*The Committee on
Declaration of Assets - Report on*

the Findings and Recommendations of the Hearings of the Committee

The Annual Report of the Committee on Government Assurances for the year 2024

The Defence and Security Committee - Annual Report for the years 2022-2023

The Defence and Security Committee - Annual Report for the years 2024-2025

A (Brief Report, the Nyala RG-12 Armoured Vehicle (Annex 1 of the Annual Report of 2024-2025). Mersi Mr Speaker.

MR SPEAKER

Mersi, mon a repas lo lalis prezan. *Finance and Public Accounts Committee* i annan plizyer rapor. Onorab Chairman ki pour adrese? Onorab Pillay.

HON SEBASTIEN PILLAY

Mersi Mr Speaker. Parey nou'n konstate lo *Order Paper* i annan 3 rapor ki'n ganny prezante an relasyon avek travay Komite Finans e Kont Piblik.

E yer mon ti koz lo bann rapor ki *relate* avek travay Oditer Zeneral. Mon pour pas dan lord, sa trwa rapor ki lo *Order Paper* ozordi. Premye rapor ki nou annan se en *Legacy Report* kot nou'n detay tou bann travay ki *FPAC* in fer. Enkli tou bann *public hearings*

ki nou'n *conduct* pandan lannen. Bann vizit e tou bann travay ki nou'n komanse ki bezwen ganny konplete par *FPAC* ki pour vini dan 8tyenm Lasanble.

Sa ki nou kapab dir se ki an sa ki konsern bann rapor Oditer Zeneral, nou'n konplet tou travay ki relye avek bann Rapor Oditer Zeneral, enkli bann rekomandasyon e nou'n zwenn avek tou bann antite fer bann rekomandasyon neseler.

Sirtou an sa ki konsern *assets management*, bann *internal procedures* ki bezwen ganny met an plas pour fer sir poudir bann depans ki ganny fer i ganny *accounted for*. E osi si oule odit e *monitoring* bann depans ki pase dan sa bann antite.

I enportan pour note Mr Speaker, ki nou'n *conduct* plis ki apepre 100 *public hearing* an tou, ki nou'n fer. E sa i en kantite *public hearing* ki nou'n kapab konplete pandan sa manda ki nou'n ladan. Me nou'n osi fer bann *public hearing* avek bann antite ki pa ti neserman an relasyon avek Rapor Oditer Zeneral.

Mon le note Mr Speaker, ki nou ti fer en *public hearing* e travay *FA4GR*. Ki Minister Finans ti *then* pran an kont pour regard dan bann peyman

ki'n ganny fer an relasyon ek sa *Scheme*. An sa ki ti konsern sipor finansyel pour bann konpannyen, oubyen pour bann diferan lorganizasyon ki ti pe fer fas avek difikilte COVID-19.

Lagreman ki nou ti gannye se Minister Finans pour peryodikman, travay lo sa ki zot bezwen fer e *come back to the Committee*. E sa travay in ganny fer.

Dezyenm keksoz Mr Speaker ki enportan pour note se ki nou'n annan bann *meeting* avek bann diferan antite, bann *stakeholders*, enkli ACCS.

E dan sa konteks Mr Speaker mon le met lo rikord ki nou'n ekrir ACCS an relasyon avek bann diferan rapor ki Oditer Zeneral in prezante devan Lasanble Nasyonal.

Parmi sa bann rapor Mr Speaker, i enportan pour met lo rikord e bann rapor ki Oditer Zeneral ti prezant devan FPAC. Me ki nou ti'n ganny dir par ACCS ki bann *matter* i *sub judice*.

Par egzanp Mr Speaker lo size '*Special report on the entrance fees collection of National Botanical Garden Foundation*' i *sub judice* akòz i pe ganny pran par Komisyon Anti-Koripsyon.

An sa ki konsern bann laranzman bann *land deals* e tranzaksyon ant Gouvernman e *United Seychelles Political Party* dan okenn son bann form ki in egziste oparavan Mr Speaker.

Aprè plizyer repriz ki nou'n kontakte Biro Anti-Koripsyon ki nou'n ganny dir poudir zot pe *investigate* sa *matter*. Nou pa'n zanmen ganny okenn larepons kler e konkret lo kwa ki zot pe fer.

Sa i ava montre poudir nou'n fer- nou'n fer le nesese e atraver Lofis Clerk dan nou Komite, nou'n kontakte sa bann diferan antite pour nou konnen ki pe pase.

Mr Speaker, i reste serten travay pour Komite ki pour vini pour fer. E sa i ava zot ava regarde pour fer li an relasyon avek manda ki zot annan. E si Lasanble i osi i le deside pour *extend* zot manda.

Mon le note Mr Speaker, an relasyon avek sa *Legacy Report* i pour premye *Legacy Report* ki FPAC i prezante. Sirtou detay bann travay ki reste pour ganny fer e osi bann travay ki'n ganny fer par sa FPAC presedan.

Mon le note Mr Speaker, ki nou'n nobou fer en kantite travay an relasyon avek nou bann *oversight*. E la ou a permet mwan Mr Speaker, lo sa

dezyenm rapor ki trouve lo *Order Paper* e sa i konsern lo *Special Report* lo *Victoria Ports Extension Project*.

Mon pour pran sa enn ki la Mr Speaker. Mon pa pour long lo la. Me sa ki reste se ki apre ki nou ti note serten konsern an relasyon avek *management* finansyel, an relasyon ek sa konpanyen nou ti decide *hold a public hearing*.

Nou ti fer menm lapros avek *PUC* me solman ki nou ti fer ek *PUC* nou ti *hold the public hearing in camera*. Akoz ti annan bann travay entern, ki ti bezwen ganny fer bann lenvestigasyon lo bann pert lekipman, ki apre nou'n kapab idantifye kwa ki'n ganny fer.

Nou ti osi *dispatch* en serten Manm Komite pour zot fer bann vizit nesesser e Komite li menm an zeneral ti vizite. Sa ki mon bezwen azoute Mr Speaker, se ki pour enportan pour en relasyon avek Rapor *Port Extension*, ki sa rapor i ganny pran an konsiderasyon par Minister Finans e *PEMC*.

E la mon pe koz lo *Public Enterprise Monitoring Commission*. Akoz? Se akoz sa proze *Port Victoria Extension Project the longer it takes*, i annan ban kou ki Gouvernman pour bezwen peye.

E ti ava nesesser pour nou konnen ki zistans sa proze arive e kan eski zot pour *formally* komans sa proze.

Given lenpak ki sa i annan lo lefikasite e travay *Seychelles Port Authority*. E sirtou son kapasite pour li zener reveni e pey *dividend* Gouvernman.

Dernyen rapor Mr Speaker, ki nou'n prezante se rapor an relasyon avek biro avek rapor Oditer Zeneral. Enn bann keksoz Mr Speaker, ki mon le soulinyen, ki nou'n konstate *throughout*. Enn bann eleman ki en konsern e ki Gouvernman pour bezwen adrese.

E sa i se ki sa size *assets management* dan bann antite i kontinyen vin en konsern sirtou *management of fixed assets*. E ki mannyer bann *assets registered* i ganny *maintained*.

So, i ava nesesser pour Gouvernman decide avek *DICT* ki kalite *module* ki zot pour met an plas, pou asire ki bann diferan antite i kapab fer sir poudir zot annan en sistenm kot zot rikord e *monitor* bann *assets* ki trouve dan sa bann lorganizasyon. Avek sa Mr Speaker mon *submit* sa 3 rapor pour Lasanble. Mersi.

MR SPEAKER

Mersi Onorab. *Next Media Youth Sports and Culture.* Onorab Woodcock.

HON WAVEL WOODCOCK

Bonzour Mr Speaker. Mr Speaker, i fer mwan en gran plezir pour prezant rapor *site visit* pour preparasyon pour *CJSOI,2025*. Ki en konpetisyon vreman enportan pour Sesel.

Vizit ti ganny fer par nou Komite. Komite pour Medya Lazenés Sport ek Kiltir (*MYSCC*). Fodre note ki i katriyenm vizit ki nou Komite i fer dan lespas 3an kot *Roche Caiman Sport Complex*.

E lezot fasilite sport nasyonal lo Mahe. Nou'n osi vizit plizyer fasilite lo Praslin avek La Digue. Vizit ti ganny fer Zedi le 24 Zen, e Komite *MYSCC* ti vizit plizyer lenfrastruktir sportif ki ti dan zot dernyen faz preparasyon pour *CJSOI*.

Zisteman *CJSOI* in fini komanse e i pour ale zika le 10 Out 2025. Delegasyon ti enkli *CEO NSC* Mr Mark Arissol, *senior project officer* Mr Aldo Rose, Sef Komisyoner an Zeneral *CJSOI* Mr Lucas Georges, Mr Georges Lucas, ansanm avek Manm Komite *MYSCC*.

Mwan menm koman Chairman, Vice-Chair Onorab Philip Arissol, Onorab Georges

Romain, Onorab Gerard Bijoux, ek Onorab Valdana Sultan. Onorab Gabriel ek Onorab Tamboo ti absan avek leskiz.

Obzektif vizit ti pour evalye travay renovasyon lo bann fasilite e preparasyon an zeneral pour sa zwe. Premye vizit ti *La Promenade Gymnasium Ex-School Meal Center English River*.

E nou ti war ki travay in ganny fer lo twatir, lo plafon, nouvo *ventilators* in ganny enstale, nouvo sistenm lalimyer, *score board* ti pe ganny *set up*. Travay ti'n ariv lo staz final pour met nouvo mat *flooring* avan le 31 Zilyet. Kou proze in ariv R3milyon.

Nou'n osi vizit *Victoria Gymnasium*, kot nouvo *flooring* nouvo *plastic modular* in ganny enstale pour *basketball* ki lo en standar enternasyonal. E nou ti ganny bon *feedback* avek bann atlet ki ti pe servi, ki ti la prezan.

Sa proze an zeneral pour *Victoria Gymnasium* in kout R956mil e sa *flooring* in kout R160mil.

Trwazyenmman nou'n fer en vizit kot *Palais Dee Sport Roche Caiman*, ki pour ganny servi pour *volleyball*. Nou'n observe ki nouvo *PA system* in ganny enstale, nouvo *system* vantilasyon, *netting* pour anpes

pizon in ganny enstale, travay in ganny fer lo lasal ek *retractable sitting*.

Kou proze renovasyon *Palais Des Sport* in ariv R7milyon, ki enkli bann lezot travay ki'n fini konplete, parey twatir ek *flooring*, *score board* provizwar ti'n ganny enstale.

Nouvo *score board* e *set ring basketball* in ganny retar pour arive par bato, sanmenm ki zot in bezwen enstal en *score board* provizwar.

Katriyenm Mr Speaker, nou ti vizit kot sa *Sport Village*, ki fer akomodasyon pour 704 atlet ek *staff*. E bann *container housing unit* in ganny enstale, sak *unit* i pran 6 dimoun, zot ekipe avek *aircon* i annan provizyon pour *locker shower*, ek *toilet facilities*. Tou i vreman lo en standar vreman o.

LWMA i responsab pour zardinaz e lapropte. *Housekeeping* pe ganny fer par *Seychelles Tourism Academy*. Sa bann *container housing unit* in kout R11.5milyon. E kou total e kou total pour sa vilaz e lezot fasilite in kout anviron R48milyon.

Nou'n osi vizit *swimming pool*, ki'n ganny repenn en renovasyon in ganny fer lo twatir, toilet ek *vestiare*. E *touch board* in ganny aranze.

Avan dernyen Mr Speaker, nou'n vizit *Dojo arena* ki pour servi pour *weightlifting* ek laboks, nouvo *ventilation* fan, nouvo mat pour *Dojo*, renovasyon zeneral lo *Dojo* e twatir in ganny fer.

E Komite i vreman satisfè avek bann progre ki'n ganny fer lo sa *Dojo*. *NSC Hall* Mr Speaker, in ganny *repurpose* pour - ki ti avan pe ganny servi pour *Beach Soccer Arena*, in ganny *repurpose* pour *CJSOI*. Ki pe ganny servi koman biro sekretarya *CJSOI*, e nou ti vizit sa *dining hall* ti'n preski pare e netwayaz ti'n fini komanse pour met tou keksoz annord.

Finalman Mr Speaker, nou'n vizit Stad Linite. E travay kosmetik ti pe ganny fer lo stad apre konpetisyon atletik, pour met li annord pour *CJSOI*. Nouvo ban pour bann atlet in ganny enstale e travay ti pe kontinyen lo graden.

An konklizyon Mr Speaker, Komite i vreman satisfè avek travay lo tou bann fasilite, bann renovasyon i montre langazman Gouvernman Sesel, pour met nou bann fasilite sportif lo en pli o standar lo en nivo enternasyonal.

MYSCC i rekonnet bann defi ki *NSC* e Gouvernman in fer fas avek. I ankor pe fer fas avek

sirtou kot i konsern kontrakter e retar pour bann materyo e lekipman ki zot in *order* aletranze pour ariv Sesel sirtou par bato.

Me zeneralman travay lo tou bann fasilite i alaoter. Avek sa de mo mon prezant en kopi nou rapor avek ou Mr Speaker. Mersi bokou.

MR SPEAKER

Mersi Onorab. *Committee on Declaration of Assets*, Onorab Naidu.

HON SATHYA NAIDU

Mersi Mr Speaker. Bonzour tou koleg Onorab e piblik ki pe swiv travay Lasanble ozordi. Lo lapar *Committee* koman Vice-Chair dan labsans Onorab Andre mon pe prezant rapor.

An relasyon avek travay ki sa Komite in ganny mandate pour fer, atraver Lasanble Nasyonal swivan en Mosyon. Kot Mosyon ti pe lans en lapel pour en Komite ganny etabli pour fer en travay pandan en dirasyon 30 zour e prezant rapor avek Lasanble.

Komite pe opere atraver Lartik 104 nou Konstitisyon, nou *Standing Orders* e *Privileges Powers and Immunities Act 2011*. Komite in ganny sa responsabilite pour somonn okenn endividi,

egzamin rikord e fer bann rekomandasyon.

Konpozisyon Komite i annan 5 Manm lo parti, lo kote Parti *LDS*, e in annan alokasyon pour syez in annan 2 syez pour bann Manm dan Lopozisyon. Selman atraver Lasanble zot in eksprim zot lentansyon pour pa partisip dan sa prosesis.

An relasyon avek size ki relye avek somonn e laparans bann Manm. I al konm swivan; anba *Order 88(3)*, nou ti'n *issue* bann somonn pour demann ou menm ou Mr Speaker, Onorab Gervais Henrie, Onorab Johan Loze, Onorab Egbert Aglae. E Madanm May De Silva dan son kapasite koman Komisyoner ACCS.

Atraver sa bann somonn ki'n ganny soumet in annan en repons sorti kot Onorab Aglae, Onorab Loze kot zot in konteste laspe legal sa somonn.

E par lao sa in annan Onorab Conrad Gabriel, malgre ki en somonn pa'n ganny donner avek li. Li osi i ti'n pran sa loportinite pour reponn a lapel ki nou ti'n fer resorti atraver bann somonn ver Onorab Aglae ek Onorab Loze.

Tou larestan Manm apard bann Manm ki mon'n fek mansyonnen in aparet devan Komite apre ki nou'n swiv *Order 88(3)*.

Apré pli tar baze lo repons ki sa bann endividi in donn nou, nou ti'n *issue* en lot seri somonn. Le 26 Zilyet 2025, anba Lartik 104(3) nou Konstitisyon, pour asire ki nou pe sey adres bann konsern ki relye avek prosedir.

Bann endividi ki ti'n ganny somonn se Onorab Bernard Georges dan son kapasite koman *Leader Government Business*. Onorab Sebastien Pillay dan son kapasite koman *Leader of the Opposition*, Onorab Sandy Arissol dan son kapasite koman *Chief Whip LDS*, Onorab Sylvanne Lemiel dan son kapasite koman *Chief Whip US*. Onorab Gabriel e *Honorable Clerk* Madanm Tania Isaac.

Tou bann reprezantan ki afilye avek *LDS* in aparet devan Komite. E lo lapar Lasanble, Onorab Clerk in vin devan e in donn tou korperasyon nesaser.

Napa okenn Manm lo kote *US*, ki'n asiste sa bann seri *meeting* ki Komite ti anvizaze fer. Sa i enkli Onorab *Leader* Lopozisyon enkli Onorab *Chief Whip* pour Parti *US* Onorab Sylvanne Lemiel.

An relasyon avek bann *findings*, nou'n rekonnet poudir i annan *non-compliance*. Kot in annan bann Manm isi dan Lasanble Onorab Egbert Aglae

avek Onorab Loze, ki'n dir ouvertman e lo verbatim kot zot pa'n deklar zot byen.

Onorab Conrad Gabriel nou kapab konsider li koman *suspected third non-compliant member*. Lo baz ki i ti'n reponn a en somonn ki pa ti'n ganny *issue* avek li. An relasyon avek obzeksyon an term prosedir bann Manm in konteste *order 88(3)* kot zot in santi i dwatet aplik zis pour serten Komite.

E apre an partikilye an referans avek *FPAC*. Apre nou ti'n *issue* anba Lartik 104, parey mon'n fek fer resorti, me selman zot ti'n dir konmkwa sa napa okenn valideite aköz se sekreter e non pa *Chairperson* ki'n sinyen.

E Komite in konfirman ki sekreter i annan lotorite pour siny somonn lo lapar *Chairperson*. Vi ki i en pratik ki konsistan avek bann lezot Komite lo baz Parلمانter.

In annan retar, Komite in note ki tou bann Manm lo kote *US* pa ti'n reponn e Komite in santi ki an relasyon avek laspe prosedir nou, nou fer resorti poudir i mank respe pour travay Komite.

Komite in osi egalman santi ki baze lo bann retar, kekfwa zot ti pe sey rod en fason pour pa permet Komite fer son

travay, prenon kont limitasyon an term letan.

Rol ACCS. ACCS in konfirman poudir in annan Manm ki pa ti *compliant* e in annan 3 Manm ki'n reste *noncompliant* malgre ki'n annan zefor pour fer bann *follow up*.

In osi annan lerer administrative, tel ki lenklizyon defen Onorab Bistoquet, RosIE Bistoquet dan *non-compliant list* ki pa ti korek.

ACCS, in rekonnet poudir i annan serten limitasyon vizavi Prozedlwa anba ki i opere e in santi poudir i annan anbigite. E alors i pour fer le nesese pour antreprann serten reform Lezislativ.

Nou'n osi angaz dan *virtual hearing*, kot nou'n *issue* en somonn avek Madanm Clerk e i ti'n aparet vertyelman, kot in montre sa lavolonte pour angaz avek Komite.

Kot in konfirman poudir in annan kominikasyon ant ACCS avek bann Manm enkli bann *Leaders* bann *Caucus*. E se pour sa rezon ki nou'n anmenn tou le de bann *Chief Whip on board* pour nou kapab ganny lenformasyon.

Vizavi *public accountability*. Nou santi ki Speaker dan ou kapasite Onorab Henrie, Onorab *Leader* Gouvernman Biznes, enkli

Chief Whip LDS, in aparet devan Komite. E zot in donn nou en nide kler lo ki mannyer keksoz ti'n deroule pour nou kapab tonm lo serten konklizyon, pour kapab ed travay ki sa Komite i annan pour fer.

Komite in santi ki i annan nesese pour asire ki i annan en laspe rann kont. E zisteman anliny avek sa, in propoz bann rekomandasyon swivan.

Nou pe propoze pou dir ki *Standing Orders* i bezwen ganny ranforsi.

Asire ki i annan bann provizyon kler, ki relye avek bann deklarasyon bann byen.

E bann sanksyon ki pour ganny enpoze dan bann lenstans ki bann Manm i pa tonm an konformite avek bann regilasyon ki ACCS i annan an plas.

Donn pouvwar Speaker, pour pran aksyon disipliner ler i annan notifikasyon sorti kot ACCS.

Entrodwir en Kod Kondwit, e klasifye bann lofans ki dwatet ganny swiv dan bann lenstans ki le nesese pa ganny fer par bann Manm kot i pour annan en provizyon e pour li konm swivan dan *Standing Orders* otan ki Komite i pran sa o serye;

"A member of the National Assembly shall abide by every

rule, law and regulation of the country”.

An plis ki sa nou'n fer resorti poudir i bezwen annan *compliance procedures*. Kot bann Manm i bezwen donn zistifikasyon an ekrir pour bann retar. I pour osi asire ki i annan en rezis kot bann Manm i kapab fer antre ler ki zot pe soumet zot bann deklarasyon bann byen, pour ki i ava dan rikord Lasanble e pour osi ed piblik pran note.

In osi fer resorti poudir lo baz kominikasyon i en, i bezwen annan protokol en pe pli kler. Etabli *timeline* ki ACCS i notifie bann Manm vizavi *non-compliance*.

Asire ki tou notifikasyon i ganny donner avek Lofis *Speaker* e Madanm Clerk i osi ganny egalman enformen.

An menm tan i enportan pour nou klarifye rol Lasanble dan sa lenstans. Vi ki i annan *non-compliance*, lo lapar bann Manm. Boul i dan kare ACCS, pour kapab fer le neser.

E baze lo enteraksyon ki'n annan nou'n ganny enformen poudir i annan en lenvestigasyon ki'n komanse.

Pour konklir mon le rekonnet korperasyon tou bann parti prenan neser enkli Chairperson – *I mean* – Madanm May De Silva komann

Commissioner, enkli tou bann Manm ki'n ganny kestyonnen pandan sa proses, ki'n fer nou koman sa Komite anmenn devan bann propozisyon ki valab, ki pour anmenn Lasanble lo sa standar ki merit ete.

E pour konklir pour dernyen bout ki mon bezwen fer resorti se bann Manm ki'n form par sa Komite. Onorab Andre koman *Chairperson*, Onorab Georges Romain koman en Manm, Onorab Regina Esparon koman en lot Manm, e enkli Onorab Philip Arissol, an menm tan nou annan nou annan nou bann *support staff mademoiselle* Michelle Cupidon e *mademoiselle* Genevive Daniel.

Pour sa letan ki zot, zot in donner, kot nou'n fer sa travay dan mwens ki 14 zour, nou'n zwenn kan in annan enn nesite pour nou zwenn, nou'n met nou bann travay distrik an retar dan en serten sans.

Nou'n war sa koman en travay ki annan son lenportans, tou bann Manm ki'n travay lo sa Komite pa'n ganny peye pour sa travay ki nou'n fer. Nou'n fer li avek en lentansyon ki in ganny eksprimen par loter Mosyon Onorab Henrie.

E mon remersye tou bann Manm pour zot korperasyon

avek sa mon le soumet sa rapor
avek Lasanble. Mersi.

MR SPEAKER

Mersi Onorab. Onorab Pillay in
demann mwan en *matter of
privilege* an relasyon avek sa
rapor, ki mon pour permet li.
Me selman i pour napa okenn
lot deba oubyen komanter.

Selman mon le dir, Manm
ki santi li konsernen sa rapor
pour ganny soumet avek
Speaker. Okenn Manm ki le fer
en prezantasyon avek Speaker
fer li an ekrir e anvoy kot
Speaker.

Onorab Pillay, ou a *state*
ou *matter of privilege* silvouple.

HON SEBASTIEN PILLAY

Mersi Mr Speaker. Bonzour Mr
Speaker, bonzour tou koleg
Onorab. E bonzour tou dimoun
ki a lekout Mr Speaker.

Mr Speaker, mon *matter of
privilege* i an relasyon avek en
statement, ki'n ganny fer dan sa
rapor. Kot in ganny dir poudir
bann Manm *United Seychelles*
ki pa'n aparet devan sa Komite
in fer sa avek lentansyon pour
pa permet sa Komite fer son
travay.

Mr Speaker, mon *refute* sa
alegasyon. E mon santi poudir
sa i en *imputation of improper
motives*, lo sa bann baz swivan
akoz mon santi poudir privelez

Lasanble in ganny afekte dan 2
fason.

1) mon privelez koman en
Manm Lasanble e

2) privelez Lasanble. E
mon pour met sa lo rikord
Lasanble, pour nou kapab
konpran.

Premyerman Mr Speaker,
mon ti resevwar en somonn,
well bann Manm lo mon kote
latab ti resevwar en somonn an
relasyon avek pour zot konparet
devan sa Komite, ki date le 24
Zilyet - ki ti date le 24 Zilyet.

E sa somonn ti ganny
issued anba *Order 88(3)*. Mr
Speaker nou *Standing Order*, i
kler, e Konstitisyon osi i kler lo
sa size.

Sel Komite ki annan drwa
order issue en somonn anba
88(3) se bann *Standing
Committees* enkli – e la nou pe
koz spesifikman pour *the
Finance and Public Accounts
Committee*.

Alors ki nou ti fer ki sa
bann Manm swivan ti fer, bann
Manm ki'n ganny sa alegasyon
in ganny fer kont zot. Zot ti
reekrir sa Komite dan sa fason
swivan.

E zot ti ekrir koumsa. Zot
ti dir ki “zot *acknowledge
receipt of a summon dated* le 24
Zilyet, zot *acknowledge* ki zot in
war e resevwar en somonn date
le 24 Zilyet 2025.

Sa somonn ki parey in ganny *state* ladan, in ganny *issue* avek *Order 88(3) Standing Order* ki pa korek. *Order 88(3)* i donn Komite Finans e Kont Piblik ki li en *Standing* Komite pour li somonn, egzamin bann dimoun lo rikord e pran levidans.

Sa lord pa aplikab pour *Declaration of Assets Committee* ki li i en *Select Committee*.

Apre sa Mr Speaker, en lot somonn ti ganny *reissued*. So a sa moman la, malgre ki annan de avoka lo Komite *Declaration of Assets*. Zot in *still issue en summon the wrong provisions of the law, in this case the Standing Order*.

Apre sa zot ti *issue*, re-*issue* en somonn anba Lartik 104 nou Konstitisyon. Mr Speaker, ler sa somonn anba Lartik 104 Konstitisyon ti ganny servi, ti ganny servi *by email*, sinyen par Miss Genevieve Daniel ki li i sekreter sa Komite.

Prezan mon le anmenn ou Mr Speaker, dan *National Assembly Privileges and Immunities Act* seksyon 11. E mon pour lir ki lir konm swivan:-

“En lord pour vin devan en Komite oubyen prodwi dokiman devan Lasanble, oubyen en lot Komite otorize par Lasanble.

Safwasi parey Konstitisyon in prevwar, *ok*. Sa dimoun - i devret ganny notifie lo sa dimoun ki sipoze vin devan Komite pour prodwir sa bann dokiman. E i devret ganny sinyen par enn Clerk Lasanble Nasyonal, oubyen par Chairman sa Komite anba direksyon Speaker.

Mr Speaker sa privez, i kler. Miss Daniel, dan tou bonn fwa ti napa lotorite pour *issue en summons* pour okenn Manm Lasanble pour konparet devan sa Komite.

Seksyon 11 nou *National Assembly Privileges and Immunities Act* i kler. “*An order to attend, give evidence or to produce documents before the Assembly or an authorized Committee shall be notified to the person required.*”

“*Shall be notified a summon*”, Mr Speaker, i devret ganny servi lo sa dimoun ki sipoze konparet devan sa Komite.

Bann *summons* ki ti'n ganny *issued* avek Manm sa Komite ti ganny anwaye *by email*. E non pa ganny servi lo bann Manm sa Komite.

Dezyenmman, sa bann *summons* i bezwen ganny sinyen parey sa provizyon Lalwa i dir, seksyon 11 i dir klerman, “*under the hand of the*

Clerk issued by the direction of the Speaker or Chairperson of the committee”.

Mr Speaker, sa somonn ti'n devret ganny sinyen par Clerk oubyen *Chairperson* sa Komite. I malere pour vwar ki ankor enn fwa de avoka lo sa Komite pa'n vwar sa *misstep* legal.

Ki sa i kree Mr Speaker? I kree de keksoz, enn mon privez koman en Manm Lasanble, in ganny afekte par lefe ki sa Komite in *issue* mwan *a summons wrongly*.

I pa'n servi provizyon legal ki sipoze ganny fer. E apre akiz mwan - akiz mwan Mr Speaker pour pa permet Komite fer zot travay.

Dezyenmman Mr Speaker. Lot privez ki ganny afekte se privez sa Lasanble, Mr Speaker. Okenn Komite ki'n ganny detaye pour en travay spesifik, sirtou en *Select Committee* i kapab dir in konplet son travay. Si selman apre ki'n kapab fer tou dimoun ki sipoze donn levidans devan sa Komite konparet devan sa Komite.

Mr Speaker, nou ti ekrir par kourtwazi a tou repriz ki bann somonn in ganny *issued*, pour fer ki bann provizyon legal i ganny swiv. Akoz par referans, bann eleman ki sorti dan bann

Komite i kapab ganny admet koman levidans si en *case* i ganny fer kont okenn endividi.

MR SPEAKER

Mersi Onorab. Ok...

HON SEBASTIEN PILLAY

So ou a konpran Mr Speaker, alor akoz ki ti neser pour ki bann provizyon legal i ganny swiv. So mon soumet avek ou Mr Speaker, par lefe ki nou privez in ganny afekte par mansyon ki'n ganny fer.

Provizyon legal pa'n ganny swiv, sa Komite in fel dan son manda pour li onor son lobligasyon, son prop *Term of Reference*, devan nou Lasanble Nasyonal. E sa i demontre Mr Speaker, *all along* sa ki nou ti pe dir...

MR SPEAKER

Mersi.

HON SEBASTIEN PILLAY

...ki travay sa Komite ti vize ver atak bann Manm lo sa kote latab. Mersi Mr Speaker.

MR SPEAKER

Mersi Onorab. Onorab Naidu. Mon'n konpran, mon'n konpran ou *statement of privilege*. Onorab, mon pour menm envit ou pour *submit* sa *privilege* an ekrir silvouple. Koumsa i kapab

ganny enkli ansanm avek rapor dan mon konsiderasyon.

HON SEBASTIEN PILLAY

(Off-Mic)

MR SPEAKER

Pour napa lot deba. Non mon pa pe pran. Mon'n ekout *matter of privilege*. Mon pa ankor *rule* lo la. Si lezot Manm i annan okenn lezot komantr pou fer. Zot kapab fer en prezantasyon avek Speaker. Mersi.

Swivan *Committee on Governance Assurances. Committee on Governance Assurances* napa rapor? Ale.

HON NORBERT LOIZEAU

Mersi Mr Speaker. Vice Chair. Mr Speaker.

MR SPEAKER

Vice Chair. Wi Onorab Loizeau.

HON NORBERT LOIZEAU

Mersi Mr Speaker.

MR SPEAKER

Vice-Chair. Hon Loizeau.

HON NORBERT LOIZEAU

Avek laprouvasyon mon Chairman Onorab Lemiel ki pa ek nou ozordi pou rezon medikal. Mon'n ganny demande pou prezant rapor COGA. Mr Speaker, parey zot konnen

COGA i en Komite ki get tou bann lasirans ki ganny arive dan nou Lasanble par bann lotorite Minis, bann CEOs, e lezot.

E an relasyon avek tou bann lasirans ki nou gannyen, ki nou vwar i en lasirans nou koman bann travay ki nou fer nou *conduct* bann *meetings*, nou osi fer bann *public hearings* avek diferan Minister e antite. Me osi dan nou travay i annan bann *field visits* ki nou osi fer.

Me pandan bann *field visits* i annan bokou bann *challenges* ki sa bann departman parfwa i dir ek nou e nou koman en Komite, nou fer sir ki i annan bann rekomandasyon ki nou ganny fer. E sa i annan dan nou rapor. E osi Mr Speaker, pa bliye ki COGA in osi en premye Komite ki'n osi fer en gran legzibisyon isi kot Lasanble Nasyonal.

E la Mr Speaker, permet mwan pou mwan entrodwir bann Manm lo sa Komite. Lo nou Komite i annan koman *Chairman* Hon Lemiel parey ki mon'n dir i pou rezon medikal i pa kapab avek nou. E nou lo non Komite Lasanble nou swet li en bon rekiperasyon. I annan mwan menm koman *Vice-Chair*, nou annan Onorab Desheila Bastienne *Member*. Nou annan Onorab Cosgrow i lo la aköz sa

rapor i rapor pou 2024, alor li osi i form parti. Nou annan Onorab Philip Monthy. Nou annan Onorab Rocky Uranie. E nou annan Onorab Richard Labrosse.

E nou osi annan bann sekreter ki'n akonpany nou, ki'n travay tre dir lo nou Komite nou annan nou *First Secretary* Ms Thelma Joseph. Nou annan Ms Linda Gerry e Mrs Ghislain Thelermont. Mr Speaker. Avek sa 2 mo mon anvi lo lapar Komite COGA soumet nou rapor avek Lasanble.

(APPLAUSE)

MR SPEAKER

Mersi Onorab. *Defence and Security Committee*. Onorab Adelaide.

HON FRANCOIS ADELAIDE

Mersi Mr Speaker. Bonzour Mr Speaker. Bonzour tou Manm Onorab. Tou sekretarya e tou piblik a lekout. Mr Speaker, mon pe prezant rapor Komite Sekirite ek avek Defans pou Lasanble Nasyonal, lo lapar Onorab Andre ki pa avek nou ozordi. Mon a komanse pou nou kapab vreman donn en pti detay lo nou Komite.

Nou Komite i responsab pou *oversight* tou bann keksoz ki annan pou fer avek sekirite

avek ladefans ki vin kot Lasanble. E nou travay etrwatman avek tou bann lazans avek tou bann departman ki donn sekirite e defans nou pei. E lo nou Komite i annan Onorab Andre, Clifford Andre koman Chairman sa Komite.

Mwan mon reprezant *Vice-Chairman* sa Komite. Apre lezot Manm nou annan Onorab Sandy Arissol. Onorab Churchill Gill, Onorab Audrey Vidot, Onorab Doyace Porice, Onorab Michel Roucou. Apre nou annan 2 *supporting staff* ki Mrs Gillian Samson e lot se Mrs Donatienne Chetty. Nou anvi tou dabor remersi nou 2 *staff* sekretarya pou sa bann zefor ki zot in mete, pou nou kapab konklir sa 3 rapor ki Madanm Clerk in nonmen dan Lasanble Nasyonal.

Annefe nou annan premye rapor i nou bann travay ki nou'n fer depi 2022 ziska 2023. Apre lot rapor nou annan sa enn 2024 ziska 2025. Sa bann rapor i donn detay Lasanble, tou lezot dimoun ki pou ganny akse avek sa bann dokiman ki sa Komite in fer pandan sa bann letan ki zot in dan 7enm Lasanble Nasyonal. E zot pou trouve poudir sa Komite i en Komite ki'n travay ekstrememan bokou.

E atraver sa bann rapor zot ava vwar tou nou bann demars ki nou'n fer. E esperon sa Komite i ava enn ki reste pou Lannen ki pe vini. E apre osi dan nou travay Mr Speaker, i byen note ki nou ti annan en lenvestigasyon lo sa famez *Nyala*. E koman sa Komite nou'n travay, nou'n debourye pou nou kapab ganny en finalite. Me ou konnen letan osi pa ti dan nou faver. Akoz vi ki i annan bann dokiman ki nou bezwen serse, i pa zis vreman fasil.

So, nou ava kit sa dokiman la avek 8enm Lasanble Nasyonal ki pe vini. Esperon ki zot ava ganny bann lenformasyon ladan. E zot ava debourye kontinyen pou nou kapab *at least* war en repons lo sa famez transpor ki parti minoriter in fer nou krwar i responsabilite LDS. Me nou, nou konnen poudir sa ti ganny fer depi avan LDS ti vini.

So, rapor i ava kontinyen e byensir laverite i ava sorti, nou ava konnen pou ki rezon sa transpor ti vini. Avek sa Mr Speaker, mon vreman kontan pou mwan soumet sa rapor avek ou, e avek Lasanble Nasyonal pou *future reference*. *Thank you*.

(APPLAUSE)

MR SPEAKER

Mersi Onorab. Bon a lafen prezantasyon rapor ki osi reprezant lafen travay Komite pou sa term. Mon oule remersi bann Komite pou zot travay. E mon oule osi felisit zot pou ki zot in deserve sa fonksyon tre enportan dan nou Lasanble Nasyonal. Mersi bokou pou zot rapor. Wi, IAC ou ti lo lalis pou yer. So, mon a zis demann ou pou zis soumet ou rapor Clerk pran. Mersi.

Bon nou ava avanse lo nou *Order Paper*. E nou annan *Public Bills*. Madanm Deputy Clerk, ou a fer *reading First Reading Public Bills* ki lo *Order Paper*.

MADAM DEPUTY CLERK

Mersi Mr Speaker. *This Act may be cited as the Beneficial Ownership (Amendment) Bill, 2025*. Mersi.

MR SPEAKER

Mersi. Parey zot in remarke sa *Beneficial Ownership* in ariv lo *Order paper* la an se moman. Mon'n aksepte pou met li lo *Order Paper* lo demann Minister Finans dan leksplikasyon ki i irzan e *time sensitive*. E mon'n regard sa *Bill* i vreman senp. So, mon krwar i pa en gran difikilte pou nou kapab pran li dan *First*

Reading. E osi swiv avek Second Reading.

Nou pou komans avek sa *Bill* dan *Second Reading*. Me premye mon bezwen demann Manm pou fer Mosyon pou nou *waive 7 days notice*, dan konsierasyon sa *Bill*. Donk, si Manm i dakor avek sa, nou a kapab prosede. Onorab Georges.

HON BERNARD GEORGES

Mersi Mr Speaker. Mr Speaker, anba *Order 97(1)* nou *Standing Orders*, mon pe demann ou permisyon pou anmenn en Mosyon pou *waive Order 69(1)* pou fer ki malgre ki sa 7 zour ki dere pase ant *First Reading* ek *Second Reading* pa ankor terminen ki nou kapab pran *Second Reading* sa *Bill* ki devan nou ozordi *the Beneficial Ownership (Amendment) Bill, 2025* en Dezyenm Fwa. Mon bezwen donn en rezon anba *Order 97(2)* aköz ki mon pe fer sa demann.

Parey ou'n dir Minister Finans in demande ki sa *Bill* i pase aköz i annan en *time sensitivity about it*. E aköz sa amannman i bezwen ganny fer nou pa kapab esper 8enm Lasanble pou fer li pase. Se pou sa rezon donk ki mon pe demann ou permisyon pou mwan ganny *leave to bring this*

Bill pou *Second Reading* ozordi, malgre ki 7 zour pa ankor pase. Mersi.

MR SPEAKER

Mersi. Mon a ganny segonnman pou sa Mosyon. Onorab Sandy Arissol.

HON SANDY ARISSOL

Mersi Mr Speaker. Bonzour Mr Speaker. Bonzour tou Manm Onorab, tou dimoun ki a lekout. Mosyon Onorab Georges i ganny segonde. Mersi.

MR SPEAKER

Mersi. Manm a vot lo sa Mosyon. Manm ki an faver lev lanmen? Mersi. Manm ki kont? Lo Mosyon pou *suspend Standing Order 69* pou permet *Second Reading Beneficial Ownership (Amendment) Bill*. 17 Manm in vot pour. 8 Manm in vot kont. 1 Manm in *abstain*. Lasanble in aprouve sa Mosyon. E nou a kapab prosede avek *Second Reading* sa *Bill*. Madanm Raporter i a fer antre Minis e son delegasyon pou sa *Bill*.

Bonzour e byenveni Vis-Prezidan Ahmed Afif. Ms Odile Vidot Direkter Zeneral *Financial Services Development Division* dan Minister Finans. Madanm Valerie Zarine *Senior Policy Analyst* dan sa Minister. Ms

Amelie Nourrice *Senior Council* dan *AGs Office*. Byenveni zot tou pou partisipasyon dan sa *Bill*. Vis-Prezidan ou a fer ou prezantasyon sa *Bill* pou Lasanble. *Oops, sorry*. Wi nou pa ankor pran Mosyon pou fer *Second Reading*. Mon a ganny Mosyon pou fer *Second Reading*.

HON BERNARD GEORGES

Mersi Mr Speaker. Bonzour Vis-Prezidan avek ou delegasyon. Bonzour tou bann Manm koleg Onorab e tou dimoun ki pe swiv nou. Mr Speaker, anba *Order 69 (2)* nou *Standing Orders* mon *move* ki *the Beneficial Ownership (Amendment) Bill, 2025* i ganny lir en Dezyenm Fwa. Mersi.

MR SPEAKER

Mon a ganny segonnman pou sa Mosyon, Onorab Arissol?

HON SANDY ARRISOL

Bonzour *VP* avek ou *panel*. Mr Speaker, ankor enn fwa bonzour. Mosyon i ganny segonde. Mersi.

MR SPEAKER

Vis-Prezidan ou prezantasyon.

VICE-PRESIDENT AHMED AFIF

Mersi bokou Mr Speaker. Bonzour Mr Speaker. Bonzour *Leader Biznes Gouvernman. Leader* Lopoziyon. Tou bann Manm Onorab e tou dimoun a lekout. Mr Speaker, sa Prozedlwa ki mon pe prezant devan Lasanble Nasyonal ozordi i konsern Lalwa lo *Beneficial Ownership Act 2020*.

Parey zot konnen sa Lalwa *Beneficial Ownership Act 2020* i enn ki obliz bann antite ki anrezistre Sesel pou zot deklar zot vre propriyeter. Sa i kouver bann antite anrezistre Sesel tel ki bann lakonpannyen lokal, bann lasosyasyon bann lakonpannyen *offshore IDC*. Bann lakonpannyen selil proteze *protect itself*, lakonpannyen ek *license* spesyal bann partenarya anba Kod Sivil e dernyerman bann fondasyon.

Alors, tou sa bann antite ki mon'n nonmen zot oblize deklar zot vre propriyeter anba nou Lalwa. Nou pa omisyon sa lalis pa kouver en antite ki li osi i fer biznes Sesel. E sa antite alors pa bezwen deklar son vre propriyeter.

Sa Mr Speaker, i kre en mankman aköz i permet en laport ouver pou sa kalite antite pou fer biznes Sesel san ki lotorite i konnen lekel son propriyeter sa antite ki ozordi i

pa oblize deklar son vre propriyeter.

Se en partenarya ki anrezistre aletranze me ki pe fer biznes Sesel. Pou rezourd sa anba seksyon 2 nou pe azout li ek sa lalis ki mon'n lir pli boner, ki zot tou zot bezwen fer zot deklarasyon.

Dezyenmman lamannman i konsern sa ki nou apel bann *resident agent* oubyen an Kreol azan rezidan. Kisisa en azan rezidan? Se en reprezantan en antite. E dan nou Lalwa *Beneficial Ownership Act* i kouver konm swivan;

Sekreter en lakonpannyen. Sa ki responsab en lasosyasyon. Reprezantan lokal bann lakonpannyen *offshore*. Azan en fondasyon, azan en kirater oubyen en *trustee*. En partener anba Lalwa partener linite oubyen en partenarya formen anba Sivil Kod. Tou sa bann ki mon'n nonmen zot apel bann azan rezidan. Me ankore enn fwa par omisyon, i annan en azan nou'n manke dan Lalwa, e sa se en partner lokal dan en partenarya ki'n ganny formen an deor Sesel.

E vi ki sa partner lokal i pa ganny konsidere koman en azan rezidan teknikman pa raport ek lotorite koman regilater anba *BO Act* -

Beneficial Ownership Act. Alors lamannman se pou tret sa bann partener lokal bann partenarya ki'n an rezistre andeor Sesel koman zot osi azan rezidan isi. Alors, zot osi zot pou tonm anba ziridiksyon Sesel.

Finalman anba dernyen amannman nou spesifye ki sa bann azan rezidan bann partenarya ki'n anrezistre aletranze, zot osi zot pou tonm anba kontrol *FIU*. E sa nou fer li koman nou met zot anba premye *annex* oubyen *schedule* dan Lalwa *Beneficial Ownership Act*.

An gro, se sa bann lamannman ki nou pe anmennen bomaten. I enportan pou nou adres sa bann omisyon lepase dan Lalwa ozordi, aköz si non nou kit en laport ouver pou serten antite fer biznes Sesel, san ki nou konnen lekel ki par deryer sa bann loperasyon atraver nou pei.

E sa i pou montre kominote enternasyonal nou bann patener e regilater ki nou koman en pei nou serye pou promouvwar latransparans konbat bann krim finansyel, ranforsi sirveyans apropiye, ranforsi bonn gouvernans e osi promouvwar latransparans *tax*.

E an plis, satisfere nou bann standar enternasyonal.

San sa nou kit en lespas pou serten vilnerabilite tel ki blansisaz larzan, mank konformite *tax* e mankman dan korperasyon enternasyonal e lesanz lenformasyon.

Sa i kapab fer nou perdi kredibilite lo lasenn enternasyonal. Mr Speaker, atraver led teknik ki nou'n gannyen par lorganizasyon pou korperasyon ekonomik ek devlopman *OECD*, zot ti souliny klèman ki sa i en defayans dan nou kad legal. E zot ti rekomande ki nou annan Lalwa pou kouper partenarya etranze ki pe fer biznes Sesel.

Mr Speaker, atraver sa bann lamannman tou partenarya enkli bann aletranze ki fer biznes Sesel i garde i ganny enkli dan rezis *Beneficial Ownership*. Sa rezis i reste avek enn parmi zot partner ki baze Sesel. E sa reprezantan lo lapar sa partenarya i annan lobligasyon pou fer antre lenformasyon lo *Beneficial Ownership* dan rezis *Beneficial Ownership* ki ganny mentenir par *FIU* Sesel.

E pou kapab fer sa laplikasyon efektiv, nou pou osi amann form lenstriksyon partenarya kot Komisyon reveni Sesel pou enkli en seksyon kot partenarya i devre ganny

deklare si zot an partenarya aletranze.

En legzersis in fini komanse pou ganny plis lenformasyon lo bann partenarya etranze ki egziste atraver bann kestonner, pou ede idantifye sa popilasyon e fer preparasyon pou zot vin anba sirveyans apre ki lamannman i vin an plas.

Avek sa Mr Speaker, mon demann Lasanble pou donn sipor sa Prozedlwa. E permet nou pei pou kontinyelman fer progre dan kad bonn gouvèrnans konformite legal e latransparans taks avek sa bann ki nesese i pou ede protez osi nou lentere finansyel e nou repitasyon koman en pei. Mersi bokou Mr Speaker.

MR SPEAKER

Mersi Vis-Prezidan. *Bill* i prezan devan Lasanble pou deba. Manm ki oule entervenir? Onorab Georges?

HON BERNARD GEORGES

Mersi Mr Speaker. Mr Speaker, mon zis anvi zis dir 2 pti mo lo sa *Bill*. E enn sete en diskisyon ki mon'n annan avek Minister Finans, me mon krwar i enportan pou ki nou tou nou konpran sa pti lenkyetid ki mon annan me ki'n ganny rezourd prezan. Zot ava vwar *clause 2*, e

clause 2 prensipalman ki nou dir la *it's a partnership* anba *the Civil Code of Seychelles*. E okenn avoka ki pou lir sa *clause* i pou imedyatman dir be i annan *partnership* ki nou apel bann *commercial partnerships* ki egziste anba *Commercial Code of Seychelles*.

E eski donk nou pe fer en *carve-out* pou sa bann? E larepons senp se non. Tou *partnership including Civil Partnerships e Commercial Partnerships* anba *Commercial Code* i ganny enkorpo anba Kod Sivil, se pou sa rezon in limite avek Kod Sivil. E sa i en pwen ki mon krwar i enportan pou nou dir, aköz zis pou nou met lo rikord ki pli tar si sa problemn lenterpretasyon i al devan Lakour, zot ava regard zot *travail préparatoire*. E zot ava vwar ki nou ti konsyan sa diferans ler nou ti pas sa *Bill*.

E ki nou to anvi ki i kouven non selman *Civil Partnership*, me osi *Commercial Partnership*. Donk, i mon devwar koman en lezislater pou met sa lo rikord in *case* en problemn i *arise* en pe pli tar dan lavi sa *Bill*.

Dezyenm keksoz ki mon ti anvi koz lo la bomaten, se en *partnership*. Annefe napa bokou *partnership* aköz pou - *well let me roll that back*.

I kapab annan plis ki nou krwar, me etandonnen ki i telman senp anba nou Lalwa Sesel anba nou *Companies Act* pou kre pou enkorpo en lakonpanni. Lamazorite dimoun ki fer biznes i fer li atraver swa en *domestic company* anba *Companies Act*, swa anba *International Companies Act* en *International Business Company*, aköz i senp. I senp i pa kout bokou, e i ase fasil pou *manage*.

Partnership i en keksoz ki en pti pe pli konplike aköz ou bezwen fer en *partnership agreement*. E ou bezwen *distenge* ant en *partnership again which is a partnership* ki pa *for gain* ki en normal *Civil Partnership* 2 dimoun i oule aste en later ansanm par egzantp i kapab konstitye en *partnership* - 2 dimoun i komans en biznes.

E bokou dimoun ki pa fer en *partnership* isi Sesel me ki senpleman *register* en *business name* anba *Registration of Business Names Act*. Me ki met 2 dimoun koman dan sa biznes otomatikman zot in fer en *partnership* malgre ki zot pa'n annan okenn nosyon Kod Sivil kot komersyal or *whatever*. 2 dimoun i *get together* e i fer en garaz zot apel li *A and B Garage*

boom, zot in fini fer en partnership.

Rezon mon pe *raise* sa se otomatikman tou le de i vin *beneficial owners*. Tou le de sa 2 dimoun i *beneficial owners*, akòz zot tou lede zot annan par egal sakenn i annan 50 pòrsan dan sa *partnership*. A mwen ki zot fer en *partnership deed* ki parey mon dir mwens ki 1 pòrsan dimoun i fer ki stipile ki i pa en 50/50 *partnership*.

So, dan sa ka e mon'n *raise* sa la dan sa i pou lobligasyon tou lede *partners* tou le 3 oubyen tou le 4 menm enkli 10 ziska maksimòm *partnership*, ki mon krwar isi Sesel si mon pa tronpe i 10 dimoun – i - zot tou zot bezwen fer zot deklarasyon *as beneficial as beneficial others*.

E zis dan ka en *foreign partnership*, enn ki'n ganny enkorpoze dan deor me ki fer biznes isi Sesel kot i ava annan en dimoun responsab isi Sesel. E se sa, sa provizyon dan *clause 3*, e ki ale pou *subject to* avek ou permisyon en aplikasyon pou en lamannman.

Se zis dan sa ka kot sa *partnership* i travay Sesel, enn in ganny formen *elsewhere* la ki zot annan en dimoun isi Sesel ki pou responsab pou fer deklarasyon *beneficial owner*.

Apard sa Mr Speaker, leksplikasyon VP lo sa *Bill* i kler. E mon napa pli gran keksoz pou dir. Mon remersi ou.

MR SPEAKER

Mersi Onorab. Onorab Pillay.

HON SEBASTIEN PILLAY

Mersi Mr Speaker. Mr Speaker, mwan mon annan serten konsern vizavi sa Prozedlwa ki'n ganny prezante devan Lasanble. Mon oule selman neamwen remersi bann zofisye ki lo *panel* pou zot travay. E lefe ki nou annan en lot Lalwa ki pe amann Lalwa *Beneficial Ownership* i montre ou poudir Gouvènmàn i konsyan nesesite pou kontinyen travay amelyor kad legal ki asosye avek *Beneficial Ownership*.

Ceci dit Mr Speaker, mon pa konvenki poudir nou sityasyon *as it stands* la *as it relates to Beneficial Ownership* nou dan nou'n kapab *apply* sa Lalwa parey nou devret fer. Ou a rapel Mr Speaker, ki *FIU* ti enform Lasanble Nasyonal traver bann deba ki nou ti pe gannye lo bann kestyonn lo son biznes ki i pa ti ankor kapab fini *update BO register*. E ki ti annan bokou problem, e pa ti pe annan bann dimoun. Sanmenm sa nou ti *extend, extend, extend*.

E la an se moman Mr Speaker, sa ki *panel* pa'n dir nou se eski an relasyon avek *BO register* ki pe ganny *maintained by FIU how much has it been...* Ki poursantaz of sa *BO Register* in ganny *populated already*. I enportan pou Lasanble Nasyonal konn sa lenformasyon Speaker, *as* ki la nou pe azout en lot lobligasyon an sa ki konsern *partnership* pou ki i *subject to* provizyon deklarasyon anba sa Lalwa. Sa ki mon pe dir napa naryen pou fer ek sa Lalwa ki'n ganny prezante.

E i annan pou fer avek laplikasyon *BO Register as it relates to* travay ki *FIU* i deza pe fer. E ou a note Mr Speaker, ki sa Lasanble Nasyonal in osi pas Lalwa pou pa zis *extend deadline*, en an relasyon avek bann *fin*es ki sipoze ganny enpoze for *non-compliance towards the BO Register*.

Ankor enn fwa Mr Speaker, nou napa okenn lenformasyon ki'n vin devan pou montre nou poudir sa laspe *compliance has been realised*. E *FIU* i dan en pozisyon ozordi pou dir nou poudir son *BO Register* in *98 percent complete or 99 percent complete*.

Prezan ler nou azout en lot lobligasyon ankor la nou *taking away nothing from* sa Lalwa.

Problenm se ki mannyer prezan nou pou kapab asire poudir sa lenplimantasyon pou ganny fer dan en fason ki i pou ganny fer *within* en *timeframe* ki permet nou kapab vwar sa lenformasyon ganny kolekte, e kapab ganny servi dan sironstans ki i bezwen ganny servi swa legal, swa an relasyon avek *enforcement* en Lalwa or *anything else*.

Sa i en konsern genuine ki Lasanble Nasyonal i bezwen adrese ozordi bomaten. E i pa akoz Gouvernman in vini ozordi bomaten e demann nou pou *suspend Standing Order*, pou li kapab *move* sa lamannman ki nou devret zis *blindly* les tou keksoz pase *without* kestyonn Gouvernman lo son lentansyon e son kapasite pou fer laplikasyon sa Lalwa, ki *as it stands* la, napa levidans pou montre poudir Gouvernman in kapab fer laplikasyon sa Lalwa parey bann provizyon sa Lalwa i demande pou li fer. Sa i mon premye pwen Mr speaker.

Mon dezyenm pwen Mr Speaker, mon pou dezagree avek *Leader* Biznes Gouvernman lo sa ki in dir an relasyon avek *Commercial Code*. Rezon mon dir sa Mr Speaker, se akoz sa Lalwa pe prevwar pou rekonnet en *partnership* an relasyon avek

Civil Code. Be ler nou regard *commercial code* spesifikman Mr Speaker, Lartik 47 *Commercial Code* i recognise 4 diferan kalite *legal persons* premye en konpannyen, dezyenm en lasosyasyon, 3enm en *partnership* anba lartik 232 e 73 *Civil Code* ki'n ganny sanze apre lamannman *Civil Code*.

Me i osi recognise en 4enm group of *legal person* e sa se en *Commercial Partnership of no more than 10 persons, the object of which is the acquisition of gain*. Prezan Mr Speaker, i pa dir ou poudir zot ganny pran parey sa *partnership* i ganny kree anba *Civil Code*. I dir ou zot pou annan menm *rules* ki sa bann *partnership* anba *Civil Code*.

So, akoz pou fer as an *abundance of caution*, akoz nou pa ti enkli *partnerships from Article 47 of the Commercial Code* parey in ganny ekrir dan Lalwa? E mon pa krwar Mr Speaker, e mon konnen Onorab i en avoka. Me lenterpretasyon Lezislasyon se ki i bezwen kler. Ou pa kapab fer Lezislasyon e dir poudir demen si en *challenge* i ganny raised ou pou go back to nou bann *notes* poudir nou lentansyon dan sa Lalwa sete fer sa.

I pa koumsa ki en Lalwa i devret marse. En Lalwa i devret

kler dan son lentansyon akoz sa bann *notes* an relasyon ek prodiksyon sa Lalwa pa relevan letan sa Lalwa pou ganny aplike dan sa sirkonstans ki pou ganny aplike. So, mon krwar i neserer Mr Speaker, pou *panel* dir nou ki mannyer zot pou deside zot pou adres sa sityasyon.

Akoz mon krwar problem ki arive se ki si mon'n ekout byen *Leader Zafer* Gouvernman li i ti a prefere ki i annan sa enklizyon. Me i konnen kote problem i vini, problem i vin lo lefe ki Gouvernman napa 72 erdtan pou *move* en *substantial amendment* i pa kapab alors propoz en lamannman *unless* ou les li propoz en lamannman ki *in this case* i *substantial*.

E sa i montre Mr Speaker, ki mannyer Lasanble Nasyonal pe fonksyonnen. Kan nou war en *obvious* lackin dan Lalwa, dan plas dir akoz i nou loblighasyon, e ou annan sa kapasite Onorab Georges pou dir i en keksoz ki manke dan Lalwa.

Dan plas dir sa ou dir ler pou annan en *challenge* ou a refer to *notes* ki dan sa Lalwa. Mr Speaker, me sa i en mansonz devan sa Lasanble sa i en mansonz. Akoz napa en case kot ou pou al refer to *notes* ek lentansyon en Lalwa.

En *case* ki al devan lakour i ganny pran a sa lenterpretasyon sa Lalwa. Ou pa kapab al *refer to notes* ler ou ti pe prodwir Lalwa i dir ou konnen ler nou ti pe prodwir sa Lalwa nou lentansyon sete fer sa, alors sanmenm sa nou'n ekri li koumsa. Me ou pe vyol, ou pe vyol Mr Speaker, drwa sa dimoun ki sa Lalwa pe ganny aplike kont li. I vin en vyolasyon Konstitisyonnel, *whether* nou pa agree ou dezagree lala kot problem i ete.

So, Mr Speaker, sa ki nou bezwen fer se ki nou bezwen ganny li kler. *Now*, Lasanble avek son mazorite i kapab pas sa Lalwa avek son mazorite. I kapab pas sa Lalwa, akòz Gouvènmman pou ganny sipor kote mazoriter, napa problem. Be nou pa kapab an bonn fwa Mr Speaker, si i annan en mankman pa adres sa mankman. E si nou mal *we will be prepared to say we're wrong*.

Be si nou'n ekout byen Mr Speaker, *Leader* Zafer Gouvènmman bomaten i realize poudir i annan en mankman. I realize poudir i kapab annan en *challenge*. E rezon akòz pa'n kapab annan en lamannman ki'n ganny move pou koriz sa Mr Speaker, *Leader* Zafer Gouvènmman in fer en keksoz ki i fer tre byen. E sa se ki in

mislead Lasanble, e *mislead* Lepep Seselwa deor ki poudir nou ava *go back to the notes*. E sa bann *notes* i ava *refer* pou dir nou kwa ki ganny fer.

Senp keksoz ki bezwen ganny fer Mr Speaker, dan sa bann sironstans koumsa se ganny *buy in* tou lede kote latab. Nou tou le de kote latab nou le war ki *everybody* ki fer biznes Sesel i *compliant* ek bann Lalwa. Akòz? Akòz sa i asire ki nou ziridiksyon i annan en repitasyon ki toultan alaoter.

Me dan labsans Mr Speaker, dan labsans fer keksoz ki sa Lasanble i devret fer, nou war nou dan en sityasyon zis akòz nou bezwen sipor Gouvènmman, sipor li akòz in anmenn en Lalwa devan Lasanble.

Now, parey mon'n dir Mr Speaker, *I stand to be correct*. Me ler mon pe gete Mr Speaker, sa ki mon pe gete la i kler ki poudir in fer 2 derogasyon i annan 2 derogasyon anba. E sa i an relasyon avek Lartik 47 *Civil Code* I mean *commercial code* i dir ou klerman Mr Speaker. E se pou sa rezon ki mon krwar sa ti'n devret ganny pran konsiderasyon.

Mon pa krwar i en omisyon lo lapar *panel*. Mon krwar panel in pran sa ki zot in gannnen *from the Cabinet note*,

e zot in travay lo la *and that is normal*. Me nou annan en lekspektasyon Mr Speaker, nou annan en lobligasyon Konstitisyonnel koman en Lasanble Nasyonal pou fer sir ki nou pas en Lalwa ki dan son lenterpretasyon i kler.

E si pou annan en *challenge* lo lenterpretasyon i pou kler osi. Akoz sa konteks ki nou pe dil ladan la Mr Speaker, an relasyon avek *partnership*, an relasyon avek sa bann keksoz ankor mon dir *I stand to be corrected*. Si nou pa *get it right*, i fer li difisil pou nou koman en ziridiksyon pou nou aplik nou Lalwa.

E problemm avek sa se ki apre nou menm nou ganny war toultan koman en ziridiksyon ki *non-compliant*. Nou tande poudir *OECD* pe dir nou fer sa, lot pe dir nou fer sa.

So, merit sa *Bill* Mr Speaker i la, i byen e mon felisit *drafter* ki zot in draft sa *Bill* byen *according* to sa ki zot in ganny demande pou fer. Me mon santi poudir lentansyon Gouvernman petet i en omisyon, ou petet zot pa'n konsider lezot laspe ki zot ti devret konsidere. E si nou onnet pou nou dir nou pa'n konsidere, *then* Lasanble i merit fer *what has...* kwa ki bezwen ganny fer.

Me selman Mr Speaker, nou pa kapab nou a *go back to* bann notes ler nou ti pe prepar Lalwa, e dir lala lentansyon. *That is not fair to the people out there*. I pa *fair* pou Lepep Seselwa ki pe ekout nou. So, Mr Speaker, mon rezerv mon lentervansyon lo sa 2 pwen. Akoz s ai sa 2 pwen ki konsern mwan.

E so i *panel* Vis-Prezidan dan sa konteks i santi i pare pou li donn sa lenformasyon pou nou konnen kote nou ete ek sa *BO Register* ki difikilte ki nou santi nou pe gannyen pou nou enplimant *BO Register* e ki nou bezwen sey fer koman en pei pa koman en Gouvernman me koman en pei pou aplik sa Lalwa an sa ki konsern *Beneficial Ownership Register* i nesaser fer.

Mon a konklir lo sa *note* Mr Speaker. Petet pou bokou dimoun la deor nou pa pe konpran petet i annan dimoun pa ava konpran ki nou pe *mean* par *beneficial owner*. E souvandfwa Mr Speaker, enn bann deba ki nou'n gannyen dan lepase e Vis-Prezidan i ava rapel nou'n deza ganny sa deba avek li ki li i pa ti nesaserman en dimoun ki krwar dan annan en deklarasyon *beneficial owner* a en moman donner.

Now, rezon akoz nou pe koz lo *beneficial owner* se pou nou konnen lekel sa dimoun ki anfen kont i benefisye avek sa aktivite biznes. E alors i anpese ki sa dimoun ki anfen kont benefisye sa biznes pa lo non en lot dimoun, alors ki benefisye par deryer pou anpese Mr Speaker, ki sa dimoun ki li i benefisye si demen i annan en *compliance* ki bezwen fer devan Lalwa swa taks, swa lezot Lalwa sa bann Lalwa i kapab aplike pou li.

Me si nou napa sa lenformasyon dan sa deklarasyon, *then* i difisil pou ou konnen lo ki ou pou servi sa deklarasyon. E mon konpran problemm bann antite Mr Speaker. Par fwa bann *resident agents* i annan ki lokal wi, me i annan ki enternasyonal. E pou ou al dil ek en antite ki baze *La Swiss* ou ki baze dan en lot landrwa avan ki ou ganny lenformasyon i vin en problemm.

So, Mr Speaker, nou annan tout en seri bann zenn profesyonnel e profesyonnel an zeneral ki pe travay dan sa sekter, zot in fer tre, tre byen ekstrememan byen ziska la, pou nou ariv ziska la. E i pou toultan annan mankman, mankman pa pou zanmen fini ou pou toultan pe sey amelyore,

sey aranze. I zis normal dan sirkonstans kot nou war en keksoz ki mal, nou koz fran onnetman ki e nou dir kwa ki mal. E apre si i kapab ganny aranze i aranze.

Si i pa mal *then* nou ensiste poudir i byen, e nou *move forward* dan sa fason. *Either way* Mr Speaker, sa ki Lasanble Nasyonal i bezwen fer se ki nou donn en meyer Lalwa pli bon Lalwa, sa dimoun, sa pep ki nou reprezante la deor. Mersi Mr Speaker.

(APPLAUSE)

MR SPEAKER

Mersi Onorab. Onorab Pillay, mon bezwen eksprim en obzeksyon ki ou'n kalifye komanter Onorab Georges koman mansonz. E ki ou pe dir in *mislead* Lasanble. E se pou sa rezon ki mon'n deza fer en *ruling* ki zot devret evite mansonz. Parski dan sa ka sa ki evidan i se ki ou annan en lopinyon lo ki mannyer li i marse. E li i annan en lot lopinyon.

Personnelman mon a dir pou dir mwan personnelman, mon'n ganny dir an relasyon avek en ka konstitisyonnel ki en lakour i kapab get dan lentansyon bann Lezislater

letan zot konsider en ka. Mwan mon'n ganny dir sa. Mon pa pe *assert*, mon pa pe *assert* ki i byen. Mon pa pe soz, me selman i annan sa lenpresyon. Donk, mon pou demande ki nou evite dan sa ka apel sa ki en lot Manm i dir koman mansonz oubyen koman ...

Mon'n aksepte sa referans mansonz an relasyon avek bann prononsman politik, parey letan en Manm i dir sa ki sa parti in dir mansonz. Sa i en lot zafer, me sa ki nou pe konsidere la i en lot sa. Mon ti a prefer kontinyen, *ok* Onorab Georges in ganny mansyonnen.

Mon pa kapab pa donn li laparol. Me selman mon poudir Onorab Pillay ou'n fer ou pwen, mon pa pe persiste avek sa largiman. Onorab Georges, si ou annan keksoz pou dir an plis ki sa ki mon'n dir mon bezwen don nou laparol.

HON BERNARD GEORGES

Wi. Mersi Mr Speaker. Mon ti pou demann parey ou'n remarke mon ti pou demann en *point of order*, aköz i annan en lakizasyon direk ki'n ganny fer ki mon pe *mislead* Lasanble. Taler mon ava *raise* en *matter of privilege* lo lekel ki pe *mislead* Lasanble lo en lot kestyon ki'n leve. Me i pa mon lentansyon pou fer li la, mon pa bezwen

reponn en keksoz imedyatman sa ki mon oule dir Mr Speaker. Se ki Onorab Pillay i pa konpran Lalwa, e mon bezwen fer sa kler.

In dir ki mon'n *mislead* Lasanble pou 2 rezon. In dir premyerman mon ti anvi anmenn en lamannman, me etandonnen ki mon napa 72erdtan mon pa'n fer li. *Panel* i ava konnen ki mon pa'n enterakte avek sa *Bill* ozordi mwan. I annan plizyer zour mon pe enterakte avek sa *Bill* menm avan in al dan *Committee Stage*. Se pou sa rezon ki mon'n anti li mon devwar ozordi pe fer sa leksplikasyon.

Dezyenmman, Lartik 47 Kod Komers pa kree 2 kalite *partnership*, i deklare ki i annan 2. Tou *partnership* parey mon'n dir taler, e mwan mon en avoka Mr Speaker. Alor mon pa *mislead* person mwan, mon vin dir keksoz mannier i ete. Tou *partnership including* sa 2 ki ganny deklare anba Lartik 47 Kod Komers i ganny kree anba Kod Sivil. Se pou sa rezon ki mon'n fer sa pwen ozordi.

Si Onorab Pillay, ti anvi ekoute oubyen zis reazir e blanm dimoun, i ti ava'n konpran ki si sa Lalwa.

MR SPEAKER

Ok. Ou'n fer ou pwen. Mersi.

HON BERNARD GEORGES

Mersi.

HON SEBASTIEN PILLAY

(Off-Mic)

MR SPEAKER

Onorab Pillay, nou pa pe antre dan en largiman. Onorab Loze, ou annan laparol. Onorab Pillay, silans.

HON JOHAN LOZE

Mersi.

HON SEBASTIEN PILLAY

(loud comments off-mic)

MR SPEAKER

Onorab Pillay, mon pe demann ou gard silans imedyatman. Onorab Pillay. Onorab Loze, ou annan laparol.

HON SEBASTIEN PILLAY

(loud comments off-mic)

Ki manner i kapab...

MR SPEAKER

Onorab Pillay, ou a sorti dan lasal pou sa peryod. Ou a sorti dan lasal. Mon kapab... *Deputy Sargeant*, ou a ed Onorab Pillay sorti dan lasal. Onorab Pillay, i a reste an deor lasal pou larestan konsiderasyon sa Lalwa. Mersi.

Mon pa kapab aksepte ki en Man mi reponn Speaker dan sa fason ki Onorab Pillay in fer. Mersi. Onorab Loze, ou annan laparol lo sa *Bill*.

HON JOHAN LOZE

Mersi Mr Speaker. Mr Speaker, mon annan zis en pwen ki mon anvi touse otour sa size. E mon oule profit la a sa moman ki Lasanble pe al lo tanto. E ki Minis Finans i prezan dan Lasanble Nasyonal pou mwan poz en kestyon. Mon pe poz en kestyon pa neseserman aköz mon konnen ki Minis Finans in vin parey e prepare avek larepons.

Me plito aköz mon santi ki ler in arive pou sesit en refleksyon lo lapar Gouvernman. E mon kestyon i tre senp. Konbyen eski i koute sa *entire legal framework* e *MLCFT* konbyen i koute? Konbyen i kout nou pei? Mwan koman en lezislater, ki pe pas Lalwa mon konsernen par sa. E nou vwar o kour en lannen defwa en 15enm en 20enm fwa nou pe adres bann Lalwa ki tourn otour sa kad legal e *AML/CFT*. Yer menm nou travay in otour sa, aköz lamannman *tax* ki nou'n fer yer i pa pou benefis lokal.

Sa i aköz lobligasyon ki nou annan pou reponn anterm

OECD. Bann lobligasyon ki nou annan pou reponn anver bann rekomandasyon *FATF* e *ESAAMLG*. *Now*, si nou annan sa kantite mon konnen Minister Finans zot depase par sa zot menm, aköz zot toultan dan negosyasyon, toultan dan *assessment*, toultan pe vwar e revwar. E toultan i annan Lalwa pou amande e re-amande.

Be sa bann lamannman, i toultan annan bann donne lo la. I toultan annan bann lot legzizans ki ganny mete lo la. E ladministrasyon gouvènmantal Sesel, sak fwa sa bann lezislasyon i pase zot bezwen pe war zot pou met zot an *compliance* avek Lalwa ki nou'n pase ouswa ki nou'n ganny forse pase.

Now unless ki nou pe zis nou koman Lezislater, nou pe zis pas bann *shelf Legislation*. *Then*, i bezwen annan en kou, i bezwen annan en kou lo sa bann diferan lotorite, lo Minister Finans li menm. Lo ladministrasyon gouvènmantal an zeneral.

Now, koman en lezislater, mon anvi konnen evantyelman nou pou bezwen konnen konbyen eski sa *framework* legal *AML/CFT* i kout nou koman en pei.

E pou etre fran, pou koz fran pou dir fran. Sa bann

Lalwa la i pa pe servi nou, i pa ganny met la koman benefis koman en pep. i ganny met la aköz *La France*, bann lezot *G20 countries*. Zot, zot pe tay deryer lemorazi profi son bann biznes lemorazi, profi zot bann bilyonner ki pe tay partou atraver lemonn e ki zot, zot bezwen kolekte koman taks. E nou, nou trouv nou dan en sityasyon aprezan kot nou forse met an plas ankadre sa bann kad legal ki benefisye sa bann gran pei *G20*.

So, mon kestyon tre senp. Konbyen i kout nou koman en pei si Minis Finans ti ava anvi petet eksprimen de lapar Minister Finans ki evantyelman ti a byen ki Minister Finans i fer en bon revi en lodit. E gete administrativman konbyen i kout nou koman en pei. Atas en sif avek, ki Lasanble i ava konnen, Lepep Seselwa ava konnen bon nou pe fer nou zefor pou et *bonne enfants* koman en pei alors i kout nou tan.

Aküz toultan sel keksoz ki nou ganny dir, nou a perdi *corresponding banking*. Nou pa pou kapab servi nou kart ler nou al aletranze. So, *basically* i annan en *stick*, napa okenn karot ladan pou nou koman en pep. Ki i normal aköz nou pli fay dan sa demars. Nou pli fay dan

sa demars, sa ki pli for, sa ki pli byen pase, sa ki pli gro i pran son baton i dir ou fer sa *or else* ki normal.

Be ler nou pe *comply*, nou pe fer *bonne enfant* nou pe fer sa *or else*. Konbyen eski i kout lanasyon Seselwa? Mersi Mr Speaker.

MR SPEAKER

Mersi Onorab. Vis-Prezidan, mon napa lot entervenans. Mon apel ou pou don nou repons lo deba.

VICE-PRESIDENT AHMED AFIF

Mersi bokou Mr Speaker. Bonzour ankore tou bann Manm Onorab. E mersi bokou pou tou bann ki'n fer bann lentervansyon bomaten lo sa *Bill*. Mr Speaker, i paret mwan ki enn bann pwen pli kontansye dan *Bill* sete lo sa kestyon partenarya komersyal. E si li i pe ganny kouver anba sa Lalwa, e ki mannyer Lalwa i tret sa.

Lafason ki mwan mon vwar li i 2, enn premyerman se parey Onorab Georges in eksplike anba nou *Civil Code* i rekonnet en partenarya komersyal, anba ki li i ganny mete anba Kod Komersyal. Me sa parske li sa Kod Komersyal li menm i sorti anba Kod Sivil. Alor, i kler ki poudir lo premye

lye lefe ki nou, nou pe rekonnet bann partenarya dan sa Lalwa sa lamannman li menm pa konsern bann partenarya ki deza egziste. E nou'n liste li anba sa Lalwa.

Me mon krwar Onorab Georges in fer sorti le pwen ki nou bezwen an menm tan parske nou pe anmenn en lamannman pou nou montre poudir nou serye pou kouver tou bann antite ki devret fer zot deklarasyon ki nou osi nou lentansyon se pou kouver, bann partenarya komersyal. E li i ti oule fer sa pwen mon antyerman dakor avek li.

Me mon krwar i enportan pou note ki sa bann leksplikasyon ki ganny fer pandan deb ai relevan, pou nenport ki ka ki devlope demen oubyen ki anmenn devan en lakour. Parske toultan lakour pa anvi konnen ki ti lentansyon lezislater, akòz ler ou pe enterpret sa Lalwa ki pou ganny anmenn devan en Ziz demen devan Zidisyer. E ler zot pe enterpret sa Lalwa zot pa anvi konnen sa lezislater ki ti pe pas li ki i ti pe mazin en ler i ti ekrir sa bann diferan *clause*.

E pou li konnen ki i ti pe mazin, zot pou al dan bann verbatim zot pou al gete ki Lezislater ti pe mazin. E sa ki Onorab Georges in eksplike

bomaten, e ki mon dakor avek i antyerman korek. E se sa lentansyon se kouver, tou sa bann partenarya swa i formen anba *Civil Code*. Swa i formen anba Kod Komersyal, tou lede i ganny kouver.

Mon dezyenm pwen lo la i se ki ler nou ti fer sa revi, par *OECD* kan zot ti regarde pou sey rode kote bann trou i ete. Zot osi zot ti tonm dakor poudir pou komersyal i deza ganny kouver anba *Civil Code* parski lentansyon se sa. Zot osi zot ti rekonnet sa, e zot pa'n lev sa koman en pwen enportan ki nou, nou bezwen konble dan sa lamannman ki nou pe fer ozordi.

Alor, sa pou mwan i mwan mon satisfè personnelman ki nou pe fer le neser pou nou pa les sa bann laport ouver ler nou pe fer sa lamannman ozordi. Lot kestyon ki ti ganny demande, se eski nou kapab endik avek Lasanble ki degre travay ki'n ganny fer pou fer sir ki nou konnen lo bann antite ki deza pe zer zot loperasyon Sesel. Ki kantite lenformasyon nou'n anmase lo bann vre propriyeter sa bann antite.

E larepons se anviron 86 pousan, ziska ozordi. Alor, i an gran parti nou pe anmase i annan detrwa ki zot pa ankore reisi fer li. I annan plizyer rezon

akoz zot pa reisi fer li, me en gran zefor in ganny fer. E mon krwar si en revi i ganny fer lo Sesel zot pou dir Lalwa in vin an egzistans an 2020. Me i annan en gran zefor par Sesel pros pou ariv lo 80.

Annefe parmi bann antite i annan ki score pli o ki larestan. Par egzanp bann antite *offshore* i dan 90 an montan. Me selman par mwayenn nou pe koz 86 pousan. E mon krwar sa i demontre en travay ase serye ki pe ganny fer par *FIU* en lotorite Seselwa lo la. Lot kestyon ki'n ganny monte se konbyen sa lankadremman ki nou pe fer *AML/CFT* pe kout pei.

Eski nou pe al dan en bon direksyon lekel ki pe benefisye atraver sa bann lamannman. E i korek poudir en kantite sa bann lamannman ki nou pe fer ozordi i annan pou fer avek lefe ki nou bezwen annan kredibilite. Lemonn i nepli parey i ti ete 10an pase oubyen 15an pase parski ozordi nou ep viv dan en vilaz global.

Me kot bokou tranzaksyon bann antite an deor pe ganny fer dan plizyer pei enkli Sesel. Me pareyman bokou bann lakonpannyen ki pe fer biznes Sesel pe osi fer tranzaksyon an deor Sesel. Me ki annan pou fer ek Sesel. E ki nou osi nou

bezwen okouran. E nou bezwen kapab touzour azour avek sa ki zot pe fer. E se pou sa rezon ki sa kolaborasyon i mars de fason li. Mon'n tann plizyer fwa menm dan sa Lasanble kot bann Manm ler i konsern bann kestyon taks bann Manm i demann bann kestyon.

Par egzantp zot dir be eski nou pe vreman benefisye avek en tel sekter? E enn souvandfwa ki mon'n tann koz lo la, se Sekter Tourizm kot zot koz lo bann gro lotel eksetera. Zot dir eski zot pe vreman benefisye oubyen eski sa bann dimoun i gard tou zot larzan aletranze? Eski Sesel i vreman konnen ki pe pase an sa ki konsern sa bann sekter?

Me larepons i seki si ou napa en koneksyon avek bann lezot pei sirtou Elopeen. Parski 2 tyer nou bann touris i sorti Lerop. Si ou napa en koneksyon dan sa bann pei kot ou osi ou pe demann zot lenformasyon lo sa ki pe pase. Be ou pa pou kapab zanmen reponn ou bann kestyon, ou pa pou kapab zanmen fer ou bann travay pou asire ki reveni nesaser i antre dan Sesel.

E pareyman ler sa bann pei i demann ou tranzaksyon ki konsern bann antite ki anrezistre isi me ki kapab pe fer biznes isi oubyen i pa anrezistre

isi. Me i pe fer biznes Sesel. E se pou sa rezon ki nou atraver sa bann lamannman nou pe fer sir poudir nou azour avek tou bann bezwen bann diferan lorganizasyon. Konbyen i pe kout pei?

Me Mr Speaker, byensir i pou kout plis ki sa ti pe kout nou 10an, 15an pase. Akoz? *FIU* par egzantp i pou bezwen anploy plis dimoun ki pou fer *beneficial ownership*. Mon napa sof egzakt konbyen, son biznes pou bezwen monte. Pareyman *FSA* son Bidze pou bezwen monte parski pou annan plis zofisye ki pou al fer odit oubyen sa ki nou apel *compliance checks* dan bann santenn *FCSP* dan bann santenn *Bill CSP* bann *Corporate Service Provider* ki egziste zot baze isi, zot annan en biro, zot annan en sekreter, zot annan direkter ki fer *Board Meeting* isi.

FSA i bezwen al kot zot pou al asire ki zot pe gard tou bann rikord nesaser lo bann lakonpannyen ki anrezistre isi. Par fwa zot fer biznes isi. Me an gran parti zot pe fer biznes aletranze. I koute pou fer tou sa bann keksoz. Me lekel ki pou envestir larzan dan en keksoz si napa en rannman? E mwan mon kapab dir zot ozordi *FSA* pe fer ase byen, i pe fer tre byen annefe.

E sa sekter akòz i annan kredibilite i pe permet ki ou annan bokou bann founniser servis dan pei. E sirtou la ozordi nou pe al dan *crypto*, nou pe al dan bann *Virtual Assets*. Nou pe al dan bann *securities industry* nou apel li. E sa bann lendistri se sanmenm sa bann ki anmenn si nou poudir i pe kout nou de dizenn de milyon rounpi par an pou fer plis *compliance* pou rod plis lenformasyon.

Be rannman ki zot pe anmenn i pa dizenn de milyon rounpi. I desantenn de milyon rounpi. Si ou pa kas dizenn, ou pa pou kapab fer lonmnet. E mwan mon regard li koumsa mwan. E ou pou bezwen, ou pou bezwen fer en sakrifis. Me selman an retou ou pou vwar son benefis. E mwan se sa lafason mon pe get li. Ozordi letan nou pe fer sa bann lamannman, nou pe montre *OECD* nou pe montre lemonn.

E parey Onorab in dir nou bezwen lemonn pou nou sirviv ozordi, non selman akòz *correspondence account*. Me akòz tou keksoz i konekte ek kanmarad ozordi, tou tranzaksyon i konekte. Nou pou bezwen form parti sa kominote enternasyonal. Alor Mr Speaker, zis pou rezimen sa lamannman i senp nou pe fer sir ki tou bann partenarya ki

anrezistre aletranze e ki pe fer biznes Sesel i ganny kouver anba Lalwa *Beneficial Ownership* ki vedir zot bezwen deklare lekel zot vre propriyeter.

Dezyenmmman, nou pe fer sir poudir sa ki nou apel bann azan rezidan anba lalis bann azan rezidan nou osi met sa partener ki enn bann partener rezidan Sesel pou en partenarya ki anrezistre andero Sesel. Trwazyenmmman nou pe dir poudir tou sa bann partenarya, e a bann partener ladan ki zot anrezistre an deor Sesel si zot pe fer biznes Sesel zot bezwen tonm anba *annex* ki vedir zot raport avek *FIU* tou zot lenformasyon. E zot swiv tou bann direktiv Ki *FIU* koman regilater pou zot aktivite Sesel i demann zot.

Se sa, sa bann lamannman, mon krwar son benefis pou Sesel se ki pou fer nou annan kredibilite nou montre nou serye dan sa lalit kont blansisaz. E nou montre latransparans, nou montre poudir nou, nou pare parey nenport ki pei pou nou esanz lenformasyon. E an retou nou osi nou kapab ganny lenformasyon lo bann aktivite ki baze Sesel, en ki tranzaksyon i pas aletranze.

Alor, vwala Mr Speaker, avek sa mon espere nou a

kapab pas sa *Bill* ozordi. E mon remersye tou bann Manm pou zot sipor. Mersi bokou.

MR SPEAKER

Mersi Vis-Prezidan.

(APPLAUSE)

MR SPEAKER

Manm i aprezan vot lo sa *Bill* lo *general merit* dan *Second Reading*. Manm ki vot an faver lev lanmen silvouple. Mersi. Manm ki vot kont? Lo *general merit Beneficial Ownership (Amendment) Bill*, 2025 dan *Second Reading* 19 Manm in vot pour. 0 kont. 6 in *abstain*. Nou'n aprouv *Bill* dan *Second Reading*. Madanm Clerk a fer *Second Reading*.

MADAM DEPUTY CLERK

Mersi Mr Speaker. *A Bill for an Act to amend the Beneficial Ownership Act, 2020*. Mersi.

MR SPEAKER

Mersi. Mon war i annan en pti amannman. Nou a pas dan staz komite pou nou konsidere. Korek Onorab Hoareau? Wi. Onorab Hoareau, ou a prezant amannman.

HON JOHN HOAREAU

Mersi Mr Speaker. Mr Chair, anvi ki sa *Bill* i *time sensitive* e

nou annan sa lobligasyon ver *OECD* parey in ganny fer resorti. E si anvi ki travay lo sa *Bill* in ganny fer yer. E nou'n vwar ki i nesaser annan en lamannman enportan pou anmenn klarite a en provizyon sa *Bill*. Mon pe demann ou anba *97(1) leave of the Speaker*, pou kapab *relax Standing Order 72(1) in favor of emergency Bills* ki sa lamannman ki napa 72erdtan i kapab pase. Mersi.

MR SPEAKER

Mersi. Wi, mon pou akord sa, mon war sa lamannman *although* i en lamannman ki annan en signifkans. I pa en lamannman ki difisil pou konpran i ase facil. So, ou a prosede Onorab.

HON JOHN HOAREAU

Mersi Mr Chair. Mr Chair, sel lamannman dan sa *Bill* i ganny trouve lo paz 5, *clause 3 (3)(h)*. E *after the word "a"* nou pe retir "*resident partner of a*". E nou pe met "*representative pursuant to paragraph (c) and (h) of Section 38(1) of the Revenue Administration Act in relation to a*" apre i kontinyen "*partnership form*" *whatever* ki in ekrir la.

Mr Speaker, i nesaser pou fer realize ki nou ti pe *struggle* avek sa mo "*resident partner*" aköz i pa ganny *define* dan *BO*

Act. Alor “*resident agent*” i ganny define “*me resident partner*” pa ganny defini. Alor, pou nou anmenn klarite a sa provizyon nou’n bezwen refer li avek sa “*Revenue*” avek “38(1)(c)” ki kouver “*partnership which is resident partnership as well*”.

So, sa mo *representative* li menm i kouver sa mon “*partnership*” “*resident partner or otherwise*”. So, se sa ki mon’n anmenn sa lamannman. E mon prezant sa lamannman pou zot akseptans. Mersi.

MR SPEAKER

Mersi Onorab. Mon konpran panel in deza dakor avek sa lamannman. Vice-Prezidan?

VICE-PRESIDENT AHMED AFIF

Mersi bokou Mr Chair. Mr Chair, nou dakor avek sa lamannman. Mon krwar sa ki i pe propoze i senpleman donn en pe plis klarite lo ki savedir en *resident partner*. E vi ki menm dan sa BO i pa ganny defini menm dan *Revenue Administration* i pa defini. Me selman i met li an konteks kisisa *resident partner* sirtou ler i koz lo paragaf (c) avek (h).

E an plis ki sa vi ki *Revenue Administration* in an egzistans depi 2009/2010 nou

annan leksperyans, zot annan bann ka kot zot in tret sa. So, i fer sa definisyon en *resident partner* vin bokou pli kler. E alor nou aksepte li aköz i donn plis klarite avek sa *Bill*. Mersi bokou.

MR SPEAKER

Mersi. Manm i aksepte sa? Ok, nou napa okenn obzeksyon. Nou ava aksepte sa lamannman. Nou a retourn dan Staz Lasanble, pou pran Mosyon pou *Third Reading*. Onorab Georges?

HON BERNARD GEORGES

Mersi Mr Speaker. Mr Speaker, annakor avek *Order 76* nou *Standing Orders*, mon move ki *the Beneficial Ownership (Amendment) Bill, 2025 as amended* i ganny lir en Trwazyenm Fwa. Mersi.

MR SPEAKER

Mersi. Mon a ganny segonnman pou Mosyon. Onorab Arissol?

HON SANDY ARISSOL

Mersi Mr Speaker. Mosyon i ganny *seconded as amended this time*. Mersi bokou.

MR SPEAKER

Mersi. Manm a vot lo *Bill* dan *Third Reading*. Manm ki an faver lev lanmen silvouple.

Manm ki kont? Lo *Third Reading Beneficial Ownership (Amendment) Bill, 2025* 19 Manm in vot pour, 0 kont, 6 *abstain*. *Bill* in aprouve par Lasanble. Madanm Clerk a fer *Third Reading*.

MADAM DEPUTY CLERK

Mersi Mr Speaker. *This Act may be cited as the Beneficial Ownership (Amendment) Act, 2025*. Mersi.

MR SPEAKER

Thank you. Bill is passed. Mon a remersye Vis-Prezidan e son delegasyon ofisyel pou zot partisipasyon. Mon remersye bann Manm pou zot kontribisyon lo *Bill*. Mon swet bann zofisye bon depar e bonn kontinyasyon dan zot travay. E mersi osi pou tou bann enteraksyon ki zot in annan pandan sa term Lasanble. Mersi. Nou a pran en poz la. E Lasanble i a repran 11.10. Mersi.

(BREAK)

MR SPEAKER

Nou re pran Lasanble avek en lot *Bill* pou *Second Reading*, e sa se *Children (Amendment) Bill, 2025*. E sa in gannyen son 7 zour *notice*.

Madanm *Hansard* Raporter i ava apel Minis, e son delegasyon pou nou konsider sa *Bill*.

Bonzour Minis Patricia Francourt Minis pou Lanplwa e Zafer Sosyal. E bonzour Madanm Linda William Melanie Sekreter Prensipal pou *Social Affairs*, Madanm Audrey Nanon *Executive Director* dan *secretariat* Minis, e Dr Deepthika Kulasena, ki *Principal Legislative Draftsperson* dan *AG's Office*.

Byenveni zot tou pou partisip avek nou dan *Children (Amendment) Bill, 2025*. Konsiderasyon par Lasanble. Nou a pran Mosyon pou *Second Reading*. Onorab Arissol.

HON SANDY AERISSOL

Mersi Mr Speaker. Bonzour Minis avek ou lekip, e bonzour ankor enn fwa tou dimoun ki pe ekout nou. Mr Speaker, anba *Order 69(2)* mon le *move* ki *Bill, Children (Amendment) Bill, 2025*, i ganny lir en Dezyenm Fwa. Mersi.

MR SPEAKER

Mersi. Onorab Esparon, pou segonde.

HON REGINA ESPARON

Mersi Mr Speaker. Bonzour Minis ek ou delegasyon. Mr

Speaker, Mosyon i ganny segonde pou ki *the Children (Amendment) Bill, 2025*. I ganny lir en Dezyenm Fwa. Mersi.

MR SPEAKER

Mersi. Minis, silvouple ou prezantasyon lo sa *Bill*.

MINISTER PATRICIA FRANCOURT

Mersi Mr Speaker. Bonzour Mr Speaker, bonzour *Leader* Zafer Gouvernman, bonzour *Leader* Lopoziyon, bonzour tou Manm Lasanble, bonzour tou dimoun a lekout.

Mr Speaker, Tribinal Lafanmir ti ganny met an plas anba seksyon 77 *Children Act*, an 1998, depi sa letan, pa'n annan bokou amannman avek sa seksyon Lalwa kot i konsern fonksyon Tribinal Lafanmir.

O firamezir ki letan in pase, Tribinal Lafanmir in santi ki annan sa nesesite pou fer serten lamannman dan *Children Act*, pou fer li azour avek nouvo larealite pou protez drwa, e byennet zanfana.

Sef Ziz, ti konmisyen en revyi travay Tribinal Lafanmir pou lannen 2021-2023, apre sa revyi, i ti konstate ki annan serten defi administratif e legal ki pe afekte performans Tribinal Lafanmir dan servis ki i delivre

pou donn rekour bann dimoun ki depan lo sa *service*.

Mr Speaker, Tribinal Lafanmir i sa Lakour pli okipe dan sistenm Zidisyer, ki pe *deal* avek diferans e divers laplikasyon pou bann ka konsernan zanfana, tel ki *custody, maintenance, ek access*, bann laplikasyon pou rod rekour akòz lord Tribinal, spesyalman pou *maintenance*, e *access* ki pa'n ganny swiv e osi bann laplikasyon pou lord, proteksyon kont vyolans dan fanmir.

Tribinal i pran bann ka trwa zour plen Lendi, Merkrede, e dan Vandredi. Sesyon i komans 8 er edmi bomaten ziska 4 er.

E *Board* Tribinal i ekoute, e fer revyi anviron 40 ka par sesyon, e annan de fwa zot bezwen rod zour adisyonnèl pou ekout bann ka.

Sa kantite ka i met bokou presyon lo resous Tribinal Lafanmir, e parfwa dimoun i vwar ki zot ka, devan Tribinal i tarde.

Mr Speaker, mon asire ki bokou Manm Onorab, i konn serten ka, kot zot *constituents* in anmenn sa konsern kot zot, swa ki en paran pa'n pey *maintenance* pou son zanfana pou plizyer mwan.

Ouswa kot en paran pa oule les en lot paran ganny akse avek son zanfan, oubyen en dimoun ki kontinyelman fer vyolans menm si annan en lord proteksyon pou sa viktim.

Lalis i *long* Mr Speaker, mon osi mon ganny bokou konplent ki ganny raporte kot mon lofis, konsernan bann breach lord Tribinal, ki koz bokou soufrans pou sa bann paran, e zanfan ki vin en viktim akòz en dimoun i deside pou li met o defi lord ki Tribinal Lafanmir i fer.

Alor Mr Speaker, in ariv pou redres sa sityasyon, e anmenn serten provizyon *Children Act*, pou Tribinal Lafanmir kapab anfers son bann lord atraver bann mezir apropiye pou asir byennet bann zanfan, dapre lespri e lentansyon *Children Act*.

Sa i a fer ki Tribinal Lafanmir, a vin pli efikas pou asir e kit abilite ek lazistis pour nou sitwayen, sirtou nou bann zanfan.

Mr Speaker, bann lamannman *Bill*, i konm swivan. Premyerman, *amend* seksyon 6, sou seksyon 2, sa Lalwa pou transfer pouvwar administratif avek Tribinal, pou permet li determin lakantite larzan ki devret ganny peye par en paran pou mentenir son

zanfan, ki an sa moman dapre Lalwa sa pouvwar in ganny donner avek Minis pou determin kontribisyon *minimum* par zanfan.

Lot lamannman se pou retir *repeal* seksyon 3, Lalwa orizinal, e ranplas li avek en nouvo sou seksyon parey in ganny lir dan *Bill*. Sa provizyon i pou redwi standar laprev ki aktyelman i lo nivo standar kriminel, pou vin o standar sivil.

E transfer responsabilite lo sa paran ki an defo pou montre rezon, akòz i pa'n swiv lord Tribinal. Dan ka kot Tribinal, i war ki napa okenn rezon valab pou dan konformite, i kapab anfersi son lord par enpoz en *fine* ouswa en term lanprizonman.

Tou bann provizyon ki detay bann sanksyon pou pa swiv lord Tribinal, in ganny met an liny pou asir liniformite. Par konsekans baryer legal pou lanprizonman sivil, in ganny ranverse anba sa lamannman.

Dezyenman Mr Speaker, lord lamannman i seksyon 8, pou entrodwi de nouvo provizyon sou seksyon 5, ek 6 ki pou permet Tribinal pas bann santans otomatik.

An sa ki konsern bann lord *maintenance* pou zanfan, ki

pou ede anforsi konformite avek sa bann lord.

Trwazyenmman, pou *amend* seksyon 19, sa Lalwa pou retir sou seksyon 5 ki ti anpese ki lanprizonman sivil i ganny enpoze.

Katriyenmman lot lamannman i seksyon 77, sou seksyon 1 pou fer provizyon pou en *Vis-Chairman* adisyonnèl pou vin trwa, e ogmant lakantite manm Tribinal.

Sa bann lamannman ki pe ganny propoze i pou ogmant kapasite, e konpozisyon Tribinal pou zer logmantasyon lakantite ka, e asire ki desizyon i ganny pran pli vitman.

Sou seksyon 3, pou tir omwen 1 e ranplas avek omwen 2. Apre sou seksyon 6, pou annan en nouvo pou annan en nouvo sou seksyon 7 pou fer provizyon pou *allowances* pou *Board* Tribinal Lafanmir.

Sa *allowance* pou anliny avek *policy* aktyel pou *fees* bann *Board*. Senkyenmman Mr Speaker, seksyon 78, pou ganny amande pou met en nouvo sou seksyon 9 ki pou permet Tribinal pou refer bann ka pou medyasyon a tou staz bann prose, avek bi promouvwar rezolisyon bann konfli dan en fason amikal.

Sizyenmman Mr Speaker, seksyon 78(A) sou seksyon 7, pou ranplas bann mo *inverted commas* i koupab pou en lofans ziska i ganny en *fine* R20,000 avek sa bann mo swivan.

I koupab ki in mank respe pou Tribinal e kapab ganny anprizonnen pou en term ki pa plis ki 3 an, oubyen en *fine* R30,000 oubyen tou lede en *fine* avek en term lanprizonman.

Sa i a met anliny bann prosedir pou egzekt, lord dan bann lenstans kot lord Tribinal pa ganny obeir.

E setyenmman Mr Speaker, sa *Bill* pe propoz konsekaman pou *amend* seksyon 18 Lalwa Vyolans Domestik 2020, pou senplifye prosedir pou anforsi bann lord proteksyon donnen par Tribinal.

Sa provizyon i donn detay lo bann konsekans kas lord proteksyon. Pou premye lofans en *fine* pa plis ki R30,000 oubyen lanprizonman pou en term pa plis ki 3 an oubyen tou lede.

Dezyenm lofans en *fine* pa plis R50,000 oubyen lanprizonman pou pa plis 5 an oubyen tou lede. En provizyon (A) in osi ganny azoute, pou donn pouvwar Sef Ziz pou fer bann lareg pou regilariz bann

prose pou ranforsi bann lord proteksyon ki Tribinal i fer.

Sa pou anmenn li anliny avek bann lamannman ki'n ganny propoze dan seksyon 6(8) e 19 dan Lalwa Zanford, *Children Act*. Savedir Tribinal Lafanmir i a annan pouvwar pou ekout bann ka kot en laplikasyon i ganny fer, e aplikan i anmenn levidans ki prouve ki apre ki en lord proteksyon in ganny fer, e sa defandan konsernen dan sa ka in kas sa bann kondisyon sa lord.

Par egzamp, sa defandan pa pou vin kot lakaz, oubyen pa pou provok sa aplikan, oubyen pa apros li pou okenn rezon. Tribinal i kapab desid lo pinisyon apropiye olye ki sa aksyon kas kondisyon en lord proteksyon i ganny re fer koman en lofans ki pou bezwen al atraver en lot prosedir pou ganny zize dan en lot Lakour.

Sa nouvo provizyon pou donn sa viktim rekour enn pe pli vit. Mr Speaker, avek sa lentrodiksyon mon soumet sa *Bill*, pou *amend Children Act* pou konsiderasyon Lasanble Nasyonal. Mersi Mr Speaker.

MR SPEAKER

Mersi Minis, pou prezantasyon. *Bill* i a prezan devan Lasanble

pou deba. Onorab Samynadin, i kapab komanse.

HON KELLY SAMYNADIN

Mersi Mr Speaker. Bonzour Mr Speaker, Minis avek ou *panel*, mon bann kolek Onorab, e tou dimoun a lekout. Mr Speaker, zanford i form parti kous pli vilnerab dan sosyete, aköz zot depan antyerman lo adilt pou zot sirvi devlopman e proteksyon.

San okenn proteksyon legal zot kapab fasilman vin viktim bann diferan form labi, neglizans, leksplwatasyon oubyen diskriminasyon.

E sete egzakteman sa ki *Children (Amendment) Bill*, pe demande pou fer. pou ranforsi kad legal pou soutenir proteksyon, byennet ek drwa bann zanford dan larepublik Sesel.

Koman bann lezislater, nou annan en responsabilite sakre pou asire ki nou bann sitwayen pli vilnerab, nou bann zanford pa zis ganny proteze anba Lalwa, me zot osi ganny aprovizyonnen avek bann mekanizm ki efikas, aksesib e zis an aplikasyon.

Bann lamannman ki pe ganny propoze dan sa *Bill*, i tre pertinan e tre nesesser. Leker sa lezislasyon i konsantre lo

ranforsisman Lotorite ek lefikasite Tribinal Lafanmir.

En lenstitisyon kle, ki annan manda pou sofgard drwa bann zanfan, e osi asire ki bann responsabilite famiyal i ganny respekste, e akonpli.

Enn bann laspe pli remarkab dan sa *Bill*, an sa ki konsern *non-compliance* avek lord Tribinal, se ki aprezan i pou sorti lo standar kriminel pou vin lo standar sivil.

Sa i en pa progresiv, e pratik. Standar kriminel in pandan bokou letan kre bann baryer i nesaser anver lazistis, letan ki bann prosedir aplikasyon i vin pli realizab, sa *Bill* pe anmenn nou avek en sistenm ki priyoritiz byennet bann zanfan par lao tou.

Lamannman lo seksyon 6, ki pe donn plis pouvwar Tribinal Lafanmir pou determin bann sonm *child maintenance* dan plas depans selman lo preskripsyon Ministeryel.

Parey Minis in fer referans lo la pli boner, i reflekte son komitman pou desantraliz prosesis desizyonnel, e permet en lapros pli fleksib, e spesifik.

Deplis lenklizyon default *sentencing* pou *maintenance orders* dan seksyon 8, i azout plis ledan dan bann mekanizm aplikasyon Lalwa.

Dezormen personn pa pou kapab neglize, met retar oubyen inyor zot lobligasyon avek en pinite. Mr Speaker, en lot mezir kritik ki pe ganny pran se sipresyon seksyon 19(5) sa pe anvoy en mesaz kler, ki *non-compliance* avek lord an relasyon ek zanfan i en size serye.

I plas latransparans dan son plas apropiye, lo zepol bann ki evit zot devwar moral e legal anver zot zanfan. Deplis sa *Bill* pe osi sers pou ogmant lakantite manm Tribinal Lafanmir anba seksyon 77, sa i en solisyon pratik anver bann retar kontinyel, ensi ki bann *backlogs* ki enkonvenyans lazistis rapid.

Par ogmant kapasite nou pe amelyor lefikasite ek aksesibilite, anver bann rezolisyon dan en dele letan ki konvenab.

Mr Speaker, otonomizasyon Tribinal pou re fer bann ka medyasyon, parey in ganny propoze anba seksyon 78, i ankor en lot devlopman pozitiv.

Medyasyon i kapab redwi konfli, prezerv bann relasyon, e promot bann rezilta ki santre otour zanfan. Sa i aliny byen avek prensip *the best interest of the child*, ki sa difil lor ki devret

pe dekou l dan tou lezislasyon proteksyon zanfan.

Finalman Mr Speaker, sa *Bill* pe asir koerans ek alinyman ant *Children's Act* avek *Domestic Act, Domestic Violence Act 2020*, ki pe demontre langazman kontinyel nou Gouvernman anver lapros legal entegre, e global kot lazistis famiyal i konsernen.

An konklizyon sa lamannman i plis ki en mizazour teknik, i en evolisyon odasye, e nesaser nou komitman legal anver nou bann zanfan.

I reflekte en sistenm ki pli zis e reaktif, enn ki pli byen reflekte larealite ki bann fanmir i fer fas avek, e ki met zanfan premye.

Mon ti a voudre remersye Minister Lanplwa ek Zafer Sosyal, pou zot travay ki zot pe fer pou ki Sesel i reste en pei ki kontinyelman pe asire ki okenn zanfan pa ganny kir deryer, ki zot ganny proteze, e kot sak zanfan i ganny loportinite pou kontinyen grandi dan en lanvironnman kot zot pe ganny pran swen avek, enn ki stab, e kot i annan lazistis. Avek sa Mr Speaker, mon remersye ou, e mon konfirm sipor pou sa *Bill*.

(APPLAUSE)

MR SPEAKER

Mersi Onorab. Onorab Esparon, ou annan laparol.

HON REGINA ESPARON

Mersi Mr Speaker. Mr Speaker, sa Prozedlwa ki devan nou Lasanble pe fer provizyon pou amann de Prozedlwa.

Se Lalwa Tribinal Lafanmir, pou fer ki vin pli morde, e ranforsi son kapasite, an sa ki konsern bann kliyan ki p[a respekté zizman, e lord Lakour lo kote *maintenance* zanfan.

E lot se la vyolans domestik seksyon 18, pou fer ki kondannasyon e lanmann i ogmante, e vin pli sever. Mr Speaker, Lalwa proteksyon pou zanfan i la prensipalman pou protez en zanfan sirtou enn ki anba laz depi son nesans ziska ki ganny laz mazer.

E i devret responsabilite sosyete, e osi sak paran pou fer ki okenn zanfan ki ganny met dan sa monn pa ganny neglize, me ki ganny tou sa proteksyon kont keksoz mal ki kapab enpakte lo son lavi si ganny ekspoze avek.

E osi fer sir i grandi dan en lanvironnman ki sen, e sof. E parey Konstitisyon i fer provizyon sa zanfan osi i annan menm drwa ek proteksyon anba Lalwa ki en adilt.

Mr Speaker, lartik 31 nou Konstitisyon i spesifye ki letan i rekonnet drwa bann zanfan, e drwa bann zenn dimoun pou ganny proteze espesyalman miner, akòz zot imatir e par lefe ki zot pli vilnerab.

E pou asir legzersis efektiv sa drwa, letan i angaze pou fer provizyon ki laz miner pou travay i 15 an lo en baz parsyel, e lo louvraz leze.

E sa se pou asire proteksyon kont leksplwatasyon sosyal, e ekonomik, danze fizik, e moral lo sa zanfan.

Lartik 31(2) Konstitisyon, i dir ki leta i bezwen asire sof dan bann sirkonstans eksepsyonnel, e Zidisyer ki en zanfan pa ganny separe ek son paran.

Mr Speaker, dan ka kot sa i arive kot Lakour oubyen Tribinal i oblize retir sa zanfan ek son paran swa i annan-oubyen- swa enn oubyen tou lede sa i pa vedir ki responsabilite sa endividi koman en paran i ganny efase.

E dan bann ka kot Tribinal Lafanmir i donn en lord pou ki en zanfan i ganny met anba responsabilite en paran, sa pa vedir ki sa lot paran li i lav son lanmen, e les sa responsabilite fer grandi e

sonny sa zanfan ek sa lot paran tousel ki'n ganny *custody*.

Malgre bann sirkonstans i reste en lobligasyon pou sakenn sa paran fer son kontribisyon anver sa zanfan, ki dan bokou ka i annan ki swazir pou pa fer pou diferan rezon.

San realize ki zot pe pini sa zanfan, e non pa sa lot paran dan ka kot i annan sa separasyon. Mr Speaker, kot sa paran i dir ou pa pe fer kontribisyon akòz i pa ganny sans war sa zanfan.

Malgre ki Tribinal in fer en lord, dan ka kot i en papa sa manman parfwa pa les li ganny akse avek sa zanfan. Bokou largiman, e leskiz i ganny donnen parey si sa madanm in ganny en lot *partner* ki sa enn i dir fer li sonnyen in pran bef i bezwen pran responsabilite son korn tou.

Oubyen parfwa ou vwar kot sa zanfan i ganny kit ek granmanman ki li i bezwen sonny sa zanfan ek sa pti larzan sekirite, ki ti devret pe servi pou li viv dan digenite dan son letan retret.

Mr Speaker, i annan bann ka kot senpleman sa dimoun napa sa volonte, oubyen ki li menm li ki napa en lanplwa formel, e sa i aplik pou swa manman ou sa papa, selman mazorite ka i bann zonm.

Swa zot lo *ghetto* pe pike, e napa okenn reveni stab pou li al anver *maintenance* sa zanfan, swa i fer zis zournen e sa ki gannyen i zis pou son lekor, e son sibstans.

Sa bann tel dimoun zot sel metye ler zot leve se ravaz tou pye fri dan vwazinaz pou gete ki sousouri in kite, pou li kapab vole pou al vann, e sa pa anmenn en reveni ki stab Mr Speaker.

E dan sa bann ka koumsa si sa dimoun i ganny en lord Lakour pou kontribye pou alimoni i napa, e sa lamannman dan sa Prozedlwa, e fer ki pou fer sa paran vin pli responsab, e kot i pa pe kontribye atraver depans son zanfan pinisyon pou vin pli sever.

E mon pou poz mon lekor de kestyon, eski enpoz en lamannman pli sever pou fer sa bann kategori dimoun pran zot responsabilite? Oubyen i annan ki pou dir ou tanpi, e les li mon prizon e i a ganny en lasyet manze toulezour kot i pa bezwen fer gran zefor?

Oubyen petet menm ler i dan prizon, met li lo sa programm travay, e sa saler ki gannyen i a kontribye anver sa alimoni sa zanfan.

I enportan Mr Speaker, ki nou get son lot kote malgre ki nou pe fer sa lamannman. Mr

Speaker, an sa ki konsern amannman dan Lalwa Vyolans Domestik sorti pou ki i sorti 2 an pou vin *not exceeding 3 years* pou premye lofans, mon pou dir Minis ki sa ti kapab ogmante pou menm vin en pe pli o.

E pou sa 2 an lofans-dezyenm lofans ou ti kapab monte menm pou dir *not exceeding 7 years*, pou dekouraz ... vyolans e repetisyon pou menm lofans.

Parski bann viktim ki pas atraver vyolans i annan ki ganny marke pou lavi, sirtou kan i ankor en zanfan. E mon krwar en pinisyon pli sever pou sa abizer i a osi ede pou dekouraz sa kiltir vyolans, e fer ki sa a menm ede pour ki lezot a mazin de fwa avan komet en *act* ki andomaz oubyen enpakte lo lavi en lot dimoun oubyen en zanfan.

Mr Speaker, mon dakor ki sa Prozedlwa pou etabli en standar kontribisyon, pou ki annan en liniformite lo sonm ki bann kliyan i peye, aköz an se moman petet i napa sa standar, e sakenn i deside mwan mon a donn R300 lot a donn 500.

E i annan ki pou finalman pa donn ditou. Avek sa detrwa mo Mr Speaker, mon pou donn mon sipor sa Prozedlwa. Mersi.

(APPLAUSE)

MR SPEAKER

Mersi Onorab. Laparol pou Onorab Egbert Aglae.

HON EGBERT AGLAE

Mersi Mr Speaker. mon a dir bonzour Minis, *PS* and *your panel*, e bonzour tou bann Manm ki a lekout.

Mr Speaker, sa Lalwa ki devan nou *Children (Amendment) Bill*, i swiv e parey Minis in dir boner dan son lentervansyon, i swivi osi avek en lamannman ki nou ti fer osi ki mon rapel Me 2020, kot ti annan en lamannman ki ti ganny fer avek *Children's Act* li menm li.

Kot nou ti fer labolisyon pinisyon korporel ki Lasanble ti amande, ki *tie in* avek Konvansyon Enternasyonal nou bann zanfan.

Me la ozordi nou pe war en lamannman kot i pe anmenn serten mon pou dir lord, me selman atase avek serten severite.

Mon dir li koumsa aköz bann lamannman ki mon pe regarde la, kot i annan logmantasyon bann *fees* kot santans osi pe ganny ogmante, e osi konpozisyon ki *Board* Tribinal pou annan pou ed zot

kapab desarz zot responsabilite.

E Minis ou'n dir poudir sa Tribinal i enn ki travay en kantite, ki annan en kantite ki bezwen *deal* avek, e nou konpran sa koman en sosyete.

Mon komans koumsa par dir ki mwan santi mon konsernen ozordi dan lasosyete par lefe ki nou annan en Tribinal avek bann ka ki relye avek bann problem ki annan pou fer avek lafanmir, ek zanfan, ek paran.

E dan en konteks mon pou dir poudir nou bezwen rod fason ki mannyer nou kapab anpes serten sa bann kalite pratik kontinyen, en zanfan i en inosan, *ok?*

I pa'n ganny demande pou met lo later, me selman in arive kot de dimoun en mal ek en femel in zwenn byensir in bezwen annan konsantman nesaser.

Me apre letan zanfan i ne, nou war pou dir i kapab annan separasyon, e zanfan i war li dan en milye, *ok?* Tou bann *MNA* bann ki annan distrik.

E mon krwar nou tou Manm Onorab, a en pwen nou'n resevwar konplent, nou'n resevwar paran ki swa msye ouswa madanm ki'n vin ver nou pe vin rod serten led ouswa

gidans lo ki fason i pou fer pou li kapab *maintain* son zanfan.

Sirtou letan in annan bann *adherence* ouswa separasyon. E problemn i vin pli grav parfwa letan ou annan ou de ou trwa zanfan plis.

Letan ou annan enn, petet ou kapab *cope*, be letan ou annan ou detrwa zanfan sirtou si i pa menm manman ouswa menm papa, byensir ozordi zot rod sipor.

E en keksoz ki mwan mon'n war, mon bezwen dir li koumsa, se parfwa letan ou pe refer sa bann paran avek serten lazans pou ganny sipor, en kantite kestyon zot bezwen reponn zot sa paran, *ok*.

Par egzanp, si ou al kot *Welfare Agency* pou al rod en sipor zot pou dir ou be al rod papa sa zanfan ouswa manman sa zanfan, ki i normal zot demande sa kalite kestyon.

Me parkont i annan serten sironstans lavi ki menm si bann zefor i ganny fer pou al ver sa ki responsab, sa i sa papa ouswa sa manman nou war pou dir bann demars i pa abouti.

E se la kot ou al *end up* devan en lenstitisyon legal ki Tribinal pou annan medyasyon, dan sa konteks mon santi ki koman en sosyete nou bezwen nesesit serten refleksyon.

Mon war sa *Bill* in vini, me mwan santi pou dir osi ti kapab annan en deba ase elarzi pa zis lo nivo Lasanble, petet lo nivo nasyonal, pou regard en pti git panse lasosyete, popilasyon.

E osi bann mezir ki kapab ganny pran, aköz letan mon pe get serten sa bann mezir ki ladan mwan santi pou dir i plito pinitiv.

Ou pey lanmann, ou pa peye ou pou fer prizon. Eski sa i ase? Parski letan sa endividi li ki pa'n pran son responsabilite, enn bann rezon petet i dir ou i pa dan en lanplwa nou war i pa dan en lanplwa ki vedir i napa en *income*, i napa en larzan.

Otomatikman apre bann desizyon Tribinal ki'n ganny fer i pa pou ni *adhere* i pa ni pou peye i pou al *end up* prizon li.

Sa zanfan i la deor li, i pa pe ganny nanryen okenn kontribisyon. Petet nou bezwen komans vwar ki mannyer nou anmenn serten pinisyon, petet dan en fason en pti pe pli korporel an term kominoter si fodre.

Si fodre nou amann serten Lalwa ki si fodre fors ou pou ou fer sa travay avek bi ganny en reveni, pou ou kapab sonny sa zanfan.

Akoz ki nou war? Letan Lalwa avek *existing* Lalwa ki egzistan ozordi, i annan ki

kondann R5,000 i ale ziska R10,000 e zot fer 3 mwan a 6 mwan prizon.

Mon annan dimoun ki mon konnen *incarcerated* dan prizon, aköz pa'n pey Tribinal, pa'n pey sa bann *dues* ki sipoze donn son zanfan.

Be i annan ki fer 3 mwan, 3 mwan i pas vit i sorti pou li i *ok*. I retourn lo menm serk, i pa peye ankor, i pa le al travay, i pa le kontribye.

E la bann zofisye sosyal pou bezwen retourn menm proses, sa paran pou retournen, be in sorti i pa pe peye, pa pe fer nanryen, ki mon pou fer prezan? I vin parey en serk visye sa.

So se sa ki mon dir, nou bezwen petet kapab war bann lezot alternativ, ki i ava kapab *tie in* en responsabilite korporel avek sa dimoun pou li kapab fer en kontribisyon, aköz li ki'n met sa zanfan lo later, e i bezwen annan en responsabilite pou li pran.

Lot pwen ki mon anvi site, se bann medyasyon ki Tribinal i bezwen ganny fer, e nou tou, petet mwan mon ti a dir dan en fason mwan pou mon pou, mwan lopinyon pou mon si bann medyasyon ti kapab ganny fer lo en baz ki nou pa bezwen al devan en Lakour.

Akoz si nou'n dir Minis dan Lalwa sirtou anba Lalwa *Domestic Violence* i annan bann *case* ki kapab al Ankour.

E letan ou pe al Ankour pou bann keksoz ki ti kapab ganny lo en baz konsansis, negosye, negosyasyon ganny fer pou pa gat letan Lakour lo size en zanfan ki pa pe ganny *maintain*.

I ti pou pli bon pou nou menm nou lasosyete pou nou sistenm Zidisyer, e zot ava annan plis letan pou *deal* avek bann ka ki pli enportan pou pei, mon kapab dir.

So, eski i annan bann posibilite pou fer bann medyasyon en pti pe pli *in depth*, mon kapab dir, avan ki nou al dan sa laliny Lakour le menm? Ki fer ki i ava annan sa bann lobligasyon tou parti prenan.

Lot pwen, e mon remarke ladan se kot i konsern lafanmir li menm *ok*, sa zanfan pa tousel li, sa paran osi i pa li tousel *ok*.

E dan lamannman ki zot in fer, zot in fer referans avek bann manm fanmir, *ok*. Mon krwar i enportan sa bout kot manm fanmir, aköz dan mon distrik nou annan en Vilaz Prezidan, *ok*.

E letan ou pe regarde sa bann zanfan ki *end up* ladan se ki zot in ganny neglize, e

abandonnen dan en sans. E si zot in *end up* dan lenstitisyon, se akòz okenn manm fanmir pa'n pare pou pran responsabilite menm si sa zanfan sa paran in *fail*, *ok*.

So, mon krwar i annan en lenportans pou nou regarde lo ki manner osi, e fer li dan en fason ki, mon konnen i annan bann prosedir legal ki bezwen swiv an term *custody*, bann keksoz koumsa.

Ki parfwa i en pti pe biyokratik, me selman dan en fason senplifikasyon, ki manner nou kapab donn responsabilite pou osi manm serten manm fanmir? Ki nou war pou dir ki sa paran i pe negliz son zanfan.

Eski sa manm fanmir i pare pou li kapab pran sa responsabilite dan en fason, pou ede *maintain* sa zanfan? E dayer letan en zanfan i batize, bann ki kretyen nou rod paren ek marenn osi.

E nou dir laba dan legliz ou vin parey dezyenm manman, ou vin parey sa dezyenm papa pou sipòrt sa zanfan.

So, se sa ki letan mon pe koz lo medyasyon ou bezwen annan sa bann group sipòrt ki dan lafanmir pou sey regarde, pou anpese ki sa paran, sa papa ouswa manman i al *end*

up dan prizon akòz i pa'n kapab kontribye.

Me byensir i pa kapab vin en palto fann deryer osi pou ou ki'n fer ou aksyon pou fer ou zanfan, larg ou fardo lo ou kanmarad. Byensir, nou pa kapab tolere sa.

Me selman i bezwen annan en fason fer ki pour mwan, met dan prizon i pa en opsyon ki pou rann zistis zanfan.

Dernyen pwen ki mon anvistous lo la se *the custody* ek *maintenance*, nou war pou dir parfwa Tribinal i donn en lord li, *ok*. E pa ganny respektè letan zot in donn bann lord *custody*, sepa en *weekend* pou kot ou lot *weekend* sa semenn pou kot ou, sa semenn pou kot lot.

E souvandfwa letan in annan bann separasyon, sa de parti i ganny ankouraze, petet in ariv vyolans dan lafanmir tou ki zot in bezwen separe. Sa de parti pa konekte ek kanmarad souvandfwa, *ok*.

E la i bezwen annan entemedyer ki Tribinal i apwente pou kapab vin sa pon komunikasyon, *ok*. E nou annan problem osi ki arive kot bann lekòl parfwa ki paran ki dapre lord Tribinal, i pa sipòze vin pran zanfan, in arive mon annan *cases* i li in ale.

So, ki manner nou bezwen, petet vwar lo bann medyasyon kot i konsern *custody* ki pa ganny respekte? E la ou'n dir la, i osi annan son bann lanprizonman ek son bann *fine* ki ganny met avek, *ok*.

Letan ou regard bann *issue custody* mwan menm mwan mon'n pas, mon'n fer fas avek dan bann ka ki'n vin devan mwan i bann senp parfwa mank konprenezon.

Mank konprenezon ouswa bann larogans, ki parfwa i devlope dan sa bann paran ki zot pran bann desizyon zis mon pou fer parey mwan mon anvi fer, mon pa pe ekout lord, i en problem la.

E zanfani war li dan en milye konfli, ki se sa ki apre an gran disan nou war bann zanfani grandi dan en fason en pti pe tord, mon kapab dir.

E zot, zot *end up* dan bann sityasyon sosyal si napa sipor, e i annan en kantite legzanp la deor nou war sa.

So, avek lamannman ki mon santi Lalwa pe fer i kapab anmenn serten redres. Me selman mon keston se, eski nou kapab fer pli byen? Mon santi wi, ki nou kapab fer pli byen.

Mon pa anvi larg tou fardo lo servis sosyal mwan, me

selman i annan en serten responsabilite osi lasosyete, lafanmir ki bezwen pran pou kapab osi parey dikton i dir i pran ne lakominote pou *raise* en zanfani, me selman mon pa war sa pe sitan aplike, *ok*.

E dernyen son kote *maintenance*, bann kantite larzan ki ou bezwen peye. Mon krwar dan bann ka ki mwan mon'n *come across*, se parfwa desizyon ki Tribinal i pran se baze lo mwayen ki ou annan, *ok*.

Si ou pe ganny 5,000 si ou pe ganny 10,000 si ou pe ganny 15,000 tousala i annan serten desizyon ki ganny pran lo *the rate itself*.

Me selman nou konpran konteks lavi ozordi, mon krwar *the basic needs of the child* i vin avek en pri ki menm si ou pou donn sa enn ki annan son saler *minimum* en *rate*, e sa ki pli o en lot *rate* son bann basic i reste parey li, ki i bezwen pou en zanfani sirviv leve al lekòl, ganny en *breakfast*, met en pe lenz lo li bann keksoz koumsa.

Mwan mon santi petet annou fer en sistenm en pe parey ASP i servi bann *rates* ki ava kapab dir poudir vwala sa i basic ki sa zanfani i kapab viv lo la, *the bare minimum*.

E si paran i eze byensir, i kapab donn plis sa pa en

problenm. Me selman nou pa kapab war ki egziste ozordi, i annan paran pe pey 300, 400, R500 pou en zanfán par mwan.

Mon pa anvi lans en lakizasyon lo personn mwan. Me selman, eski ou kapab sonny en zanfán ek 300, R400, R500 par mwan? Non, *it's impossible*, se sa ki man mon pe met sa pwen devan, e se sa ki mon'n dir boner petet ti a dan en fason ki ti annan en *wide stages* kot nou ti ava envit piblik osi donn zot lopinyon lo sa size.

Sirtou sa bann reminerasyon *maintenance* ki devan nou la ozordi, pou konpran en pti git magnitud lanplè sa problem an term, ki manner nou *tackle* sa size kontribisyon *maintenance* pou bann zanfán.

E Mr Speaker, mon konnen sa pou pa bokou sa ki pe ekout nou Lalwa pou pase taler, e apre sa parey labitud nou konnen pou annan bann deba lo rezo sosyal, nou riske war sa.

Pou komans koze, pou komans dir lo la, annou pa fer sa en fet akonpli sa ki nou pe fer ozordi. Me pou konsider osi lopinyon nou nasyon, nou piblik lo sa size kot i konsern *custody*, *maintenance* bann *fines*, lanprizonman en

manner ki nou ava kapab anmenn en balans lo sa ki Minister ki *custody* sa Lalwa i kapab enplimant li dan en fason *fair, fair* e zis. Mersi Mr Speaker.

(APPLAUSE)

MR SPEAKER

Mersi Onorab. Laparol pou Onorab Audrey Vidot.

HON AUDREY VIDOT

Mersi Mr Speaker. Bonzour Mr Speaker, Minis avek ou delegasyon tou Manm Onorab, e en bonzour spesyal pou zabitan Roche Caiman.

Mr Speaker, mon lentervansyon lo sa Prozedlwa ki amande devan nou Lasanble ozordi, premyerman mon pou dir plito tar ki zanmen.

I enportan ki mon apresye ki la nou sesyon travay i annan en Prozedlwa ki devan nou, ki tous en kous nou pa dir en kous i tous nou popilasyon zeneral, e i annan son lenportans i annan son merit.

E byensir pe enport ki diferans lopinyon sakenn de nou Manm ki repran en parti politik dan sa sesyon Lasanble, ozordi nou kapab dir kot i tous size byennet nou bann zanfán Seselwa definitivman nou pou siporte.

E kot nou kapab aport serten soutyen bann paran ki pe leve debourye, ki pe fer tou posib pou li kapab donn proteksyon son zanfan pou li kapab sonny son zanfan, definitivman nou bezwen siporte nou bezwen promote.

E lo sa pwen mon ti ava profit sa moman pou mon felisit tou dimoun ki'n en fason ou en lot ki'n kontribye, pou ki sa Lalwa i ganny revize.

E byensir mon felisit tou bann paran dan nou sosyete ozordi Sesel ki pe pran son responsabilite pou li okip son zanfan, pou donn li son swen neser pa zis an term son bezwen debaz, me sa lanmour, lafeksyon, e proteksyon kont tou bann risk ek danze ki egziste dan nou sosyete ozordi.

Parkont rezondet ki Lalwa pe ganny amande, se byensir pou nou adres bann defi ki nou sosyete, nou pep i pas atraver, e kot nou vwar ki annan paran ki swa en manman, ki swa en papa, ki swa en granmanman, ou en granpapa, en tonton, ou en tantin ki'n pran en responsabilite pou li aksepte en zanfan e donn li son proteksyon neser.

Me parkont dan parkour i annan enn ki pa'n onor son langazman, ki pa'n onor son loblighasyon pou li kapab donn

sa swen sa, sa proteksyon e sa zanfan.

Se pou sa rezon ki Lalwa i devan nou pou nou aport sipor pou son lamannman, epou ki kapab ganny met anfors pou adres serten sa bann defi.

Nou konnen pou dir menm si parfwa nou koman bann lezislater Lalwa i ganny amande i ganny pase, me pa neserman toultan i mars san pousan sa i realis, nou konpran sa.

Akoz i vin avek serten resours ki bezwen ganny met an plas fer sir ki permet ki sa bann Lalwa, bann regilasyon i ganny enplimante parey lespri in ganny pase.

Mr Speaker, en kantite mon ban Manm ki'n koze avan mwan in tous lo lenportans responsabilite, ki byensir sak paran i annan, e osi bann ki dan bann distrik ki'n ganny elekte dan bann distrik i konpran, e mon Roche Caiman i pa en leksepsyon.

Mon'n vwar plizyer paran ki swa papa, ki swa manman ou granmanman ki pe okip en zanfan ki enn dan paran pa'n pran responsabilite pou okipe.

Mon annan menm zabitan ki malerezman, aköz i pa'n aport serten sipor a son zanfan in al prizon, e byensir i vin en kou ankor lo Gouvernman kot

sa paran ki li anba responsabilite zanfán, e si manman ou papa i prizon se li ki parfwa menm si i pe sey fer de bout zwenn pa ase.

I vwar li pe tap laport kot lazans proteksyon sosyal, pou sey aport serten soutyen oubyen bann lezot lorganizasyon ki kapab antre pou ede pour ki sa zanfán i ganny sa sipor, e swen nesesser pou li grandi e devlope.

Mr Speaker, bann lamannman byensir ki'n ganny propoze pou fer dan sa Lalwa revizyon sonm definitivman avek sityasyon lavi ozordi i annan en nesessit pou revwar sa *maintenance* ki ganny kontribye pou ki i bezwen annan en standar omwen ki permet sa paran ki li pe santi li tousel i bezwen sipor pou li kapab okip son zanfán, e ki sa lot ki pe neglize i pran son responsabilite.

Me parkont i pa anpese osi menm si i annan en *set* standar ki donnen pou en kontribisyon lo *maintenance* zanfán, i pa anpes en paran ki'n separe avek kanmarad pou donn en kontribisyon an plis kot i war i kapab kontribye, a lafen dizour se son zanfán.

Pe enport si ti'n prepare, pa'n prepare pou sa zanfán ne, me i responsabilite de adilt ki

ler sa zanfán i ne i bezwen pran son responsabilite.

Si pa ti anvi zanfán byensir, i annan ban mezir ki deza la an plas kot i kapab annan proteksyon, e anpese ki en bann sityasyon parey.

Me lefe i reste parey mon dir zanfán in ne, i pa'n demann son nesans in arive, e i responsabilite sakenn de zot pou zot sonny zot zanfán parey mon dir, la nou pa vin get *gender* ki swa i madanm, ki swa en msye sakenn dan son sosyete i annan son responsabilite pou li fer li.

Mon le tous lo sa laspe program kot, byensir i enn bann diskisyon ki parfwa bann paran i met devan i dir.

“Be regarde Onorab, si i bezwen annan kek mekanizm an plas ki permet ozordi kot si en dimoun li pe pey son *loan* kot son landrwa travay, zize ki tir lo son saler pou li peye tou le mwan pou li fer sir i onor son lobligasyon.”

Akoz donk ki pa kapab ki sa papa oubyen sa manman ki travay i anploye, e i son lobligasyon pou sonny son zanfán, e i kapab annan en serten mekanizm an plas ki permet li kapab tire pou ki kontribye, e byensir pou li si pa anvi vin direkteman pou vin depoz sa larzan *maintenance*.

Me i annan en fason ki kapab fer li kot i pe kontribye, e montre son lobligasyon, an menm tan osi mon apresye lefe ki met lanfaz lo pa zis anvoy zot prizon.

Ki wi, nou ki a lafen dizour ki travay ki kontribye dan lekonomi, nou ki travay kontribye anver Gouvernman pou ki *maintenance* sa bann paran ki pa kontribye pou zot zanfann Seselwa ki bezwen byensir *maintain* zot dan prizon.

Pou swadizan zot pinisyon pou lapenn zot pa'n kontribye, e la ou vwar kot Gouvernman lasosyete nou pe kontribye pou pa zis sa zanfann ki pa'n ganny *maintain*, e nou pe *maintain* sa paran osi ki pa'n kontribye pour sa zanfann.

So, i enportan ki i bezwen annan byen senkronizasyon dan lafason keksoz i ganny fer ki letan Lalwa i vin an plas pou ki nou tant pou adres sa bann defi.

I enportan ki nou annan en lankadreman kot, byensir i permet zot leve debourye, e bann lezot lorgan- Gouvernman i bezwen pe travay avek sa Minister, byensir ki pou met anfors sa Lalwa.

Akoz mon dir sa? Akoz Gouvernman byensir i osi annan en rol pou zwe kot i

bezwen vwar bann defi sosyete ozordi kot parey Onorab, mon'n tann mon koleg Onorab Esparon, fer resorti kot nou annan bokou bann paran ki dan sibstans zot anvi, i annan ki anvi kontribye, i annan ki anvi travay pa zot tou ki zis tonbe, tonbe pa rod led.

Me i annan ki anvi bouze, me zot bezwen serten soutyen zot bezwen sipor kot byensir i annan serten program, serten landrwa ki kapab reabilit zot, ed zot kapab zot osi zwe zot par kontinyen leve travay pou sonny zot zanfann kontribye parey nou'n dir sibstans i-adiksyon i en maladi ki bezwen ganny trete, i bezwen ganny swiv.

Me ed zot pou zot kapab vin for, donn zot loportinite. Me si nou, nou pa fer li ditou se zot pou toultan war en leskiz.

Be omwen ki nou, nou kapab vwar koman en sosyete, i bezwen vwar koman en Gouvernman ki osi responsab pou li war ki mannyer i kapab aport serten soutyen, kot sa ki tonbe pou li releve, travay kontribye pou li permet pou li kapab sonny son zanfann i osi, leve debourye dan sa lasosyete ki nou la.

E Mr Speaker, parey mon'n dir sa Prozedlwa ki devan nou, i enn ki annan son

lenportans, e byensir mwan mon pou aport mon sipor pou sa Prozedlwa ki devan nou.

E mon swet, mon le tous dernyerman lo sa laspe proteksyon kot nou konnen pou dir i pe fer serten lamannman ki tous lo kote *Domestic Violence Act*.

So i enportan kot parey nou'n dir proteksyon nou zanfana si nou konnen en lord in ganny donnen, nou konnen pou dir i annan ka vyolans domestik kot en lakour, nou bezwen mazin lentere sa zanfana pli enportan.

E byensir bann viktim pou anpese ki i annan en krim, oubyen en sityasyon li grav. Me an menm tan, mon le osi tous en pwen ki mon konnen mon annan sityasyon dan mon distrik ki mon'n rankontre kot i annan paran ki annan *full custody* zanfana, me ankor sa lot paran ki anvi vwar son zanfana i pe kontribye li, pe fer zefor pe kontribye pou son zanfana ki i napa *custody* son zanfana.

Me i ti ava voudre vwar son zanfana, pas en moman i bezwen annan striktir an plas ki permet li, e anpese ki li koman en paran ki pare pou li donn son lanmour, donn son lafeksyon son zanfana i pa pe zis kontribye.

Me i kapab fer li, i napa okenn baryer, be byensir si fodre met, i bezwen annan prezans en *social worker* prezan dan depandan *case* byensir sa dimoun, sa i bezwen ganny fer.

Akoz parey nou dir lesansyel nou bezwen tou lanmour posib pou ki sa zanfana i santi li *secure*, i pa'n ganny neglize par okenn son paran, e i annan dimoun ki otour li ki'n pe protez li ki pe donn li sa lanmour pou li grandi pou vin en bon sitwayen demen.

E pou i osi en zour ki ler i a vin en paran i ava annan bann bon memwar an term lanmour ek lafeksyon ki kapab gannyen, avek sa ki'n okip li dan son letan lanfans.

So, lo sa pwen Mr Speaker, mon a dir mersi pou tou bann ki'n ekout mon, e mon pou aport mon soutyen pou sa Lalwa, mersi.

(APPLAUSE)

MR SPEAKER

Mersi Onorab. Onorab Pillay, ou annan laparol.

HON SEBASTIEN PILLAY

Mersi Mr Speaker. Premyerman, les mwan swet la byenveni Minis avek son *panel*, e i en *panel* ase spesyal aköz i annan PS Linda William-

Melanie, la ki soule Direkter Zeneral pou bann Zanfan anba Lalwa, enn bann dimoun enportan an relasyon avek *deal* ek zanfan mannyer Lalwa ti'n ganny konsevwar dan lannen avan sa.

E nou annan Madanm Nanon, *as well* la byensir Minis ki reprezant Departman Servis Sosyal. Mr Speaker, sa Lalwa i enn ki ekstrememan, ekstrememan, ekstrememan enportan pou nou ozordi komans par apre midi la.

E mon ti a kontan si nou kapab fokaliz lo son merit li menm, mon krwar sa ki'n ganny dir napa gran dout ki annan keksoz ki bezwen ganny fer, e mon kapab dir poudir Minis pou ganny nou sipor pou sa Prozedlwa.

Me selman nou annan serten konsern ki bezwen ganny adrese, akòz ki nou pe vwar? Nou pe vwar ki annan en lapros pou al ver soule met lanfaz lo sa laspe Onorab Aglae, in koz laspe pinitiv, e mon konpran.

Mon konpran akòz i bezwen annan en *deterrent* pou anpese ki en keksoz i kontinyen repete, e i pa vin en *norm* en sosyete ki i normal pou ou annan en zanfan e ou pa sonnyen.

Leta li menm i bezwen parey Konstitisyon i prevwar leta i bezwen fer en fason pour li protez bann zanfan. Sa i en lekspektasyon konstitisyonnel,

E ki mannyer letan i fer sa? Se atraver bann mekanizm ki met an plas, diferan *policy* ki pou enkli formilasyon bann diferan striktir, bann bor eksetera.

Me i osi fer sa atraver bann Lalwa ki donn sa bann *Board* zouti, e ledan pou travay avek. Nou konnen pou dir i anna travay ki'n ganny fer lo sa proses sa soule etabli en *vetting process* pou dimoun ki travay ek zanfan.

Me letan nou pe koz son lot laspe sa nou pe koz son laspe lafanmir, e son laspe lafanmir la ki nou pe koz lo la se ki nou pe dir poudir en paran ki pa reste ek en zanfan ki son zanfan i annan en lekspektasyon legal ki kapab mentenir sa zanfan dapre ne determinasyon Tribinal, sa nou konpran tre byen.

Kestyon, premye kestyon petet ki Minis, petet i devret reponn e reasir bann dimoun ki pe ekout Lasanble bomaten nou deza annan en kad legal ki fer ki ou annan en laspe pinisyon deza.

Me, eski sa pe marse ozordi par rapor a lakantite

paran ki *actually comply* avek en desizyon Tribinal, e pa rapor avek la kantite paran ki pa *comply* avek en desizyon Tribinal?

Akoz sa pou donn nou en lendikasyon *whether or not* si koman Lasanble nou pas sa Lalwa, *i mean* nou pou pas sa Lalwa ki i pou kapab ganny enplimante dan en fason efektiv, e i pou kapab annan sa rezilta ki nou ti a kontan i annan.

Akoz si annan en keksoz ki nou tou nou agree dan nou sosyete Seselwa, se ki en zanfann inosan, i pa ti demann nesans li.

Me pa aköz i pa ti demann nesans, e pa kapab defann son lekor ki leta oubyen sosyete pa devret rod en fason pou defann li, pou protez li, e mon krwar se sa ki sa Lalwa pe propoze pou fer.

Me selman mon konsernen, ki petet dan nou kad legal mannyer nou *deal* avek kriminalite, e ki mannyer nou *deal* avek bann sityasyon ki annan pou fer avek en *non-compliance* avek Lalwa i pou fer ki nou kre kondisyon ki dan plas ede, nou riske pe kre en lot group kriminel.

Les mwan eksplike aköz mon pe dir sa koumsa. Ozordi pou annan paran ki pa pou

zanmen kapab pey sa *maintenance* pou zanfann, ou deza annan.

E zot pa sipoze vin dan *norm*, me sa kantite zot ki annan i pa vèdir ki i normal pou annan sa, me zot la ou pa kapab *get rid of* zot, zot la.

E prezan si nou pou regard laspe pinitiv sa Lalwa, e sa *fine* ki annan R30,000 eksetera, i pou toultan annan, e pou bezwen toultan annan en posibilite pou annan en negosyasyon dan proses ki sa dimoun pou bezwen re pey sa *fine*.

Oubyen bann lapros kot i pou bezwen ganny pini anvoy prizon 3 an, e ler ou anvoy li prizon 3 an pou pa sonny son zanfann i al aprann avek bann lezot kriminel dan prizon ler i sorti probableman i pou sonny son zanfann, be selman i pou fer en aktivite kriminel pou sonny son zanfann.

Mon pa dir tou dimoun i fer sa, me selman i kapab annan sa lekspektasyon ki sa i arive. So, ler nou regard provizyon Lalwa ki pe dir nou par egzannp, en paran ki san en leskiz en *lawful excuse*, san en leskiz legal e ki annan laprev ki sa paran pa'n pey *maintenance* parey in ganny spesifye par Tribinal, oubyen pa'n *comply* avek en lord afilyasyon i kapab

al dan prizon pou en letan *not exceeding 3 years*.

Savedir i kapab 6 mwan, i kapab 3 mwan, i kapab 2 mwan. Me osi i kapab ganny kondannen pou en *fine*, i pa vedir pou dir sa pou ganny aplike par Tribinal.

Me selman nou bezwen la regard lenterpretasyon ki pou ganny fer par Tribinal li menm, e nou tou nou pa kapab dir ki Tribinal pou fer.

Alors Minis, eski ou annan en *fallback position*? Admeton ki *ok*, nou met sa Lalwa, nou sanz konteks Tribinal, nou met plis dimoun lo Tribinal eksetera.

Eski nou annan en *fallback position* si nou war pou dir dan plas ede, sa Lalwa pa pe anmenn okenn rezilta? Mon pa konnen si Minis in ganny sanz diskrit ek son bann-

Anmenn sa devan ki nou pa'n propoz ki nou annan en sistenm *community service*, kot en dimoun ki pa'n *comply* ek en lord Tribinal, dan plas ki nou anvi li dan prizon i travay lo en travay kominoter ki ganny en saler, e apre ki ganny sa saler *part of* sa saler i al ver *maintenance* son zanfann sa *dues* ki sipoze annan anba Tribinal.

Akoz i en lord Tribinal pou li ganny anvoye dan prizon,

mon konnen nou annan en ramifikasyon legal pou nou etabli sa.

Me annou zis mazinen ozordi, pa ki mon pe sorti lo sa Lalwa, me en dimoun i vol pa konnen en *crate*, en *crate* labyer *right*, e i ganny kondannen pou al dan prizon pou sa *crate* labyer.

Now, i pa pou zanmen kapab re pey sa *crate* labyer, me i al dan prizon e i devlop en lot kapasite pou vin en kriminel pli for.

Dan plas ki si par egzamp Mr Speaker, nou ti pe dir be *ok*, mon pa konnen mon nou annan en program kot nou annan bokou lalyann anvaisan partou.

Nou annan en program Gouvernman, ki sa bann dimoun i ganny en mon pa konnen si ou apel sa en *Community Service Programme* kot zot ganny peye, al travay koup sa bann lalyann *whatever* kot sa bann landrwa i ete.

Zot ganny peye, e *part of* sa lapey i *maintain* oubyen re pey sa lofans ki zot in fer, si en *crate* i pe rann larzan pou sa *crate* i rann atraver sa larzan ki gannnen, si en zanfann ki pa pe *maintain* son zanfann, i ganny *maintain* atraver sa larzan.

Sa dimoun pe anploye, i pe kontribye dan en fason ou en

lot, akòz i pe ede avek proteksyon nou lanvironnman, e dezyennman i pe satisfè son bann lobligasyon legal pou li pey sa ki dwa.

Akòz mon konnen i annan difikilte pou etabli sa, be si nou ti'n al lo sa premiz osi, e enkli sa as en posibilite pou Tribinal, konpran? I ti ava donn Tribinal en lot zouti alternativ pou vwar si avan dernyen rekour ki mon kapab annan, mon'n donn ou *community service*, mon'n donn ou sa sans.

Dernyen rekour se *ok lala*, prezan ou 3 mwan ou *still* pa le *comply*. Konnen i ava donn nou en progresyon dan plas ki nou annan finalite pinitiv direktman.

Akòz fòdre admet Mr Speaker, ki koman politisyen bokou nou souvandfwa nou zwenn bann *single parents*, kot enn bann keksoz ki ou ganny dir se ki sa paran pa pe kapab *cope* avek tou sa zanfàn, si annan trwa zanfàn i pa pe kapab *cope*.

Akòz de ladan papa pa pe *maintain* pa pe ede pou *maintain* sa zanfàn, e Tribinal in anvoy li dan prizon oubyen i deza dan prizon eksetera.

So mon krwar i enportan pou nou pa elwanye posibilite sa solisyon dan nou panse,

fòdre pa ki nou tir li konpletman.

E fokaliz zis lo sa bann zouti legal ki Lalwa i permet nou annan ozordi olye sey rod bann zouti alternativ ki Lalwa pa neserman permet nou. Me ki nou ti a kapab annan pou propoz en lot solisyon an relasyon avek sa ki nou pe dir Mr Speaker.

Mon dernyen pwen Mr Speaker, e la mon vin lo sa pwen kot nou pe koz lo Tribinal li menm, avan sa mon ti pe koz lo sa pinisyon ki nou pe koz lo la, e i annan deba ki'n ganny fer lo la, e mon'n fokaliz lo i napa sa alternativ ki nou kapab propoze.

An se ki konsern Tribinal li menm, i pou annan son "*Chairperson three Vice-Chairperson and such number of members as a Chief Justice, may consider necessary for the discharge of the functions of the Tribunal.*"

"*That the Chief Justice may consider necessary*", sa i en problem pou mwan Mr Speaker. Sef Ziz i a konsidere kwa ki neser pou Tribinal, e nou le donn Tribinal en lot pouvwar, mwan mon ti ava ekspekte ki nou kapab propoz en *gamit* - konpozisyon ki donn sa Tribinal kapasite pou li fer sa travay.

Mon konnen i en Tribinal, i en *Statutory Court*, ki tonm anba sipoze tonm anba ziridiksyon rol Sef Ziz dan sa konteks. Me mon santi pou dir par fer keksoz dan sa fason nou limit posibilite pou Tribinal ganny ase *staff* pou delivre lo son louvraz.

E mon krwar se sa kot mon largiman i vini la Minis ek son delegasyon, se ki ler nou pe regarde nou pe propoz en konpozisyon en *Chairperson*, trwa *Vice-Chairperson*, e lezot manm.

Be ler nou regard Bidze li menm ki nou met a dispozisyon Tribinal li menm, petet Minis mon pa konnen si nou pou difere lo la, me mon pa santi pou dir sa Bidze i ase pou Tribinal kapab desarz son fonksyon ou menm annan *staff* a dekwa pou desarz sa fonksyon.

Akoz ler nou gete Tribinal i travay etrwatman avek Departman Servis Sosyal, ki deza annan en kantite travay pou fer.

Me selman dan li menm Tribinal i bezwen sa dimoun pou ed sa bann manm, e sa bann dimoun ki pe *chair* Tribinal pou zot kapab ganny lenformasyon lo sa ka, e kapab *deal* ek sa ka dan en fason apropiye en fason vit.

E mon santi pou dir sa i annan en mankman lo sa kote ki nou devret rod en fason pou petet nou pa ti ava al ver Sef Ziz, pou sa nou ti ava sey konsider en lot alternativ lo ki mannier nou pou konpoz sa Tribinal li menm.

Sa petet ti ava en meyer pozisyon Mr Speaker, pou nou kapab soule etabli en Tribinal ki pou fonksyonnen.

So, an konklizyon Mr Speaker, en Lalwa ki konsern byennet zanfann i enn ki toultan pou ganny en regar diferan avek lezot Lalwa.

Akoz la nou pe koz lo proteksyon zenerasyon ki pe vini, e nou bezwen fer sir pou dir dan sa proteksyon dan sirkonstans kot i annan bann dimoun ki *fall by the wayside*, e pa pe pran zot responsabilite anver zot zanfann, leta i fer sa ki Konstitisyon i obliz li pou fer, *that is* protez lentere sa zanfann, e tou desizyon i bezwen ganny fer dan lentere sa zanfann.

Me se si dir Mr Speaker, ler mon pe konklir i pa vedir pou dir i napa konsern dan bann desizyon ki'n ganny pran par Tribinal, e se pou sa rezon ki nou bezwen fer sir ki annan resours a dekwa pou ki si pe fer en desizyon, i pa fer li dan labsans lenformasyon, me i fer li dan prezans annan tou bann

fe, e konesans lo sa ki pe diskite.

E se sa pou mwan ki ekstrememan enportan Mr Speaker. Alors Mr Speaker, mon krwar pou dir petet Minis ti a bon i ava loportinite pou koman Lasanble pou nou, vi ki nou pe termin nou, nou pe apros nou bann dernyen *sitting*.

E nou pe nou annan sa Lalwa la, e ti ava en loportinite pou Minis koze, e eksplike ki Lasanble pe fer ozordi, akòz nou bezwen annan sa Lalwa, e akòz i neseser pou annan en sipor inanim pou en tel Lalwa dan Lasanble Nasyonal.

Akòz sa i al ver soule montre ki koman en lenstitisyon ozordi nou reste fokalize lo proteksyon drwa bann zanfan, nou reste fokalize lo proteksyon sa ki bann zanfan i bezwen meyer dan en sosyete.

I pa vedir selman Mr Speaker, ler mon fini pou dir ki nou pa pe regard drwa sa dimoun osi ki li drwa Tribinal, li osi i annan son drwa egalman.

Me selman si ou annan en lobligasyon, e ou annan en zanfan, e nou annan responsabilite anver en zanfan, ou devret rod en fason, e asire ki ou kapab pran ou responsabilite, e *maintain* ou zanfan.

Koumsa ki en sosyete i grandi ler ou annan dimoun ki pran zot responsabilite. Avek sa Mr Speaker, mon pou termin la, e mon kapab dir sa resitasyon e rezervasyon ki mon pou donn mon sipor sa Prozedlwa, mersi.

(APPLAUSE)

MR SPEAKER

Mersi Onorab. Mon pou apel pou en *pause* la, nou a repran deba apre midi. Mon annan 6 Manm ki'n donn zot non, mon pou envit lezot Manm pou konsidere deklare ler nou retournen, zis pou mwan pa ganny tro sirpriz a lafen pou kapab *manage* letan byen.

So mon pa pe met okenn restriksyon pou le moman, zis mon ti ava apresye si zot deklare, e mon profite pou remind bann Manm *Assembly Business Committee*, ki nou'n apel pou en *meeting* ler abitye 1 er kenz, ki mon asir zot i pa pou long. Mersi, nou a pran *pause*, e nou a repran 2er.

(BREAK)

MR SPEAKER

Bonn apre midi tou dimoun. Nou Manm e nou *panel* e nou zofisye. Nou a kontinyen lo deba. Parey mon ti dir mon annan 6 Manm ki in deza

endike zot pour adrese. Mon ti a kontan konnen si i annan okenn lot Manm?

Pour mwan kapab *manage* letan byen. Manm ki pour adrese. Onorab Georges ek Onorab Sultan. Setou. Mersi bokou ek Onorab Adelaide. *Ok*.

Mon pour demann bann Manm gard zot lentervansyon pour 10minit e sa i letan ki preski tou Manm in servi dan deba ziska konmela.

So mon krwar sa i ase sifizan pour zot. Mersi bokou. Onorab Arissol ou annan laparol.

HON SANDY ARISSOL

Mersi Mr Speaker. Bonn apre midi Mr Speaker. Bonn apre midi Minis avek ou lekip. Mr Speaker, mon ti a kontan mon osi koman en papa, koman en zonn responsab, ki pe travay e ki pe sonny mon zanfan.

Mon ti a kontan dir de mo, mo osi lo sa Proze Lalwa ki devan nou. Mon ti a kontan selman komanse par dir mon enkyet. Mon enkyet parske si nou pe amann Lalwa pour fer bann sif e bann *fine* e bann santans ogmante.

Sa pe dir nou en keksoz. Savedir bann dimoun pa pe onor, oubyen obeir Tribinal. Dezyenmman, ler i konsern Tribinal i konsern *maintenance*

zanfan. Se souvandfwa bann papa ki ganny targete.

Mon ti a kontan alor demann *panel* eski ozordi ler nou pe koze, le 6 Out 2025, si zot annan bann sif pour dir ek nou poudir 15an pase Onorab Arissol. Bann papa zot sif ti o, e ozordi ler nou pe koze 2025 bann manman ki zot sif i o?

Akoz mon dir sa? Parske nou bezwen osi rekonnet Mr Speaker, poudir nou annan en kantite papa responsab dan nou pei. Kantite papa responsab e ozordi ler ou al dan bann lekol, letan nou ganny envite koman bann paran.

Nou vwar plizyer papa pe pran zot responsabilite, li ki vin asiste *meeting*, li ki vin sers son zanfan. Li ki vin bann aktivite, li ki lo *PTA*. Li ki dan bomaten ler nou pe vin kot Lasanble nou war li pe anmenn son zanfan kot Klinik La Rivyer Anglez.

So nou annan en pe sa dekalaz, kot alors en zour bann papa Sesel pa ti neseserman pe okip zanfan. Alor mwan i reste dan mon pti lespri poudir letan nou pe koze ozordi, i pa neseserman menm sif oubyen le ka ki ti egziste 15an 20an pase.

Alor dan lespri pour siport bann zonn laba deor, mon anvi ki *panel* zot donn nou en sif. Si sa ki mon pe dir i korek, oubyen

si mon fo, avek sa ki mon pe dir?

An relasyon avek bann papa letan nou konsern sa ki nou apel *maintenance* bann zanfan.

Be i annan en lot size ki mon ti a kontan koz lo la parske letan mon get *panel* devan. *Panel* devan i zis bann madanm. Letan zot pe anmenn lamannman pour protez bann zanfan an relasyon ek *maintenance*.

Mon war *panel* i zis bann madanm. Alor mon ti a kontan demande anvi ki lamannman lo seksyon 77 i koz.

“There shall be a Family Tribunal consisting of a Chairperson, three Vice-Chairpersons and 11 other members for the discharge of the functions of the Tribunal.”

Be sa 11 lezot dimoun la, ki lo sa Tribinal la, konbyen zonn nou annan konbyen fanm nou annan? Pour ki zot pa pe get bann dimoun ki vin devan Tribinal avek en lizye en madanm.

Me nou annan en balans dan reaksyon e bann desizyon ki ganny pran an relasyon avek bann dimoun ki pa responsab, ki pour kapab okip zot zanfan.

Sa osi mon ti a kontan Mr Speaker. E mon ti a kontan konnen ki mannyer sa bann

dimoun i ganny swazir? E konbyen zonn konbyen fanm nou annan?

Zisteman pour ki nou annan sa balans dan bann reaksyon e bann desizyon ki ganny pran an relasyon avek *maintenance* bann zanfan parey Lalwa pe demann nou.

Apre mon'n war i annan *fines* ki'n ogmante parey mon'n dir. Dan seksyon 8(3)(5) ki koz 30mil oubyen 3an prizon. Eski Minis avek ou delegasyon ou kapab dir ek nou, eski ozordi i pli fezab ki en papa oubyen en manman ki pa pey *maintenance* son zanfan, i *end up Montagne Posée* pour 3an?

Oubyen eski i pli fezab pour sa papa oubyen sa manman annan en plas travay menm forse si fodre, pour nou kapab ganny en larzan ek li pour li pey oubyen met sa kontribisyon pour sa zanfan?

Parske tou fason letan i asiz prizon. Nou bezwen fer sir i ganny en lanmok dite, i ganny en dezennen, i ganny son dinen, i pran son *shower*, i ganny liniform. Si i malad nou bezwen desann ek li Klinik Anse Boileau. E menm parfwa la mon asire i osi pe get *CJSOI*.

So alor mon ti a kontan ki *panel* zot dir ek nou, si zot krwar i pli fezab ozordi dan sa *monde* kot nou'n arive 2025,

pour ki tou bann dimoun papa ouswa son manman, ki pa pey zot *maintenance* zot zanfan.

I pli *ok* pour zot al prizon, pour zot olye fer sir ki zot kapab ganny sa posibilite pour zot letan zot laba kekfw, antre dan en lanplwa ki ganny *monitor*. E zot kapab fer sa kontribisyon lo faver kou, ki al pour zot zanfan.

Lot konsern ki mon annan Mr Speaker, ki mon ti a kontan *panel* i adrese. Se pour provizyon ki anba seksyon 78(6)(10) ki koz *maintenance* zisteman.

Be mon ti a kontan demann avek *panel*, konparezon nou annan dan lakour kot manman oubyen papa tou lede i dan sibstans pa pe okip zanfan. Me nou annan en granmanman, ki souvandfwa ozordi i en norm sa. Ozordi i en norm kot nou annan plizyer bann granmanman, granpapa menm ki pe okip enn son pti zanfan, zisteman parske swa papa i dan sibstans, swa manman i dan sibstans.

Eski sa granparan swa en gran frer, swa en ser, swa en tantin en tonton i gannyen li, sa *maintenance* sa zanfan? Pour li kapab zisteman *cater* pour sa zanfan. Oubyen Lalwa i fer provizyon zis papa, swa manman parey Lakour in dir

kote sa zanfan i ale, an relasyon avek *maintenance* pour sa zanfan.

Mon lot konsern ki mon annan ki mon ti a kontan *panel* i adrese Mr Speaker. Sa *maintenance* la kote sa papa, swa sa manman i peye? Eski i al pey kot Lakour, i met dan karnen laboutik letan i pey konmisyon, i donn sa manman apre travay 4er - la mon larzan mon zanfan e apre manman i dir avek sa papa non be sa ti larzan soz lot fwa sa.

Sa pa tonm dan zanfan sa, ou *still* ou drwa mwan larzan zanfan. Konmsi kote eski sa larzan i ganny peye pour nou asire poudir vre i pe al pour sa zanfan.

Mon lot konsern ki mon annan Mr Speaker, se kestyon 78. *Best interest of the child*. Mon anvi demande letan sa *maintenance* in ganny peye avek manman ouswa papa. Lekel ki *supervise* pour asire poudir larzan ki Sandy Arissol in kite pour Jayden gannyen - wi se Jayden ki pe benefisye.

Me nou pa pe war manman pe al *Dubai* avek larzan zanfan. Manman pe al get *show*, pe asiz dan *VIP* avek larzan zanfan. Oubyen manman i pas son letan Grand Kaz parske i annan *Happy Hour*. *Buy one get one free* avek

larzan zanfan ki sa papa in peye.

Mr Speaker, mon krwar i enportan sa bann kestyon parske parey mon'n dir Sesel se souvandfwa bann papa ki ganny targete.

So mon anvi ki *panel*, dan sa diskisyon ki nou pe fer. Nou, nou pe koz *maintenance* sa zanfan, e nou, nou pe koz byennet sa zanfan, me selman par kont letan bann zonm i ganny gete dan en fason kot pa pe pey *maintenance*. Nou bezwen osi pran kont ki nou annan plizyer bann zenn fiy e bann manman iresponsab. Akoz mon dir sa?

Parske ozordi en zenn fiy oubyen en manman pa kapab fer zanfan avek nenport ki dimoun ki i zwenn. Akoz mon'n al disko alor mon fer en zanfan dan disko. Si mon'n al *Regatta* mon fer enn dan *Regatta*.

Apre tousala i retourn kot *MNA*. Parske apre sa madanm i vini i dir ek ou be ou konnen papa pa ankor donn sa pti larzan. Prezan dan lakour napa nanryen. E *MNA* ki ganny sa bann konsern.

Alor letan nou pe osi blanm tou bann msye ki mon dakor - be mon krwar i enportan pour nou bann zenn fiy ki pe ekoute ek bann

madanm ki pe ekoute pour zot osi pran zot responsabilite.

Si premyerman ou'n ganny en zanfan, ou pa konn papa oubyen papa pa pe donn *maintenance* pour sa enn, silvouple okip sa enn, pa bezwen al rod en dezyenm.

Oubyen si ou annan en dezyenm, asire ki sa dimoun ki fer sa zanfan avek ou i pare pour reste avek ou, i pare pour soutenir ou. E i pare pour okip ou, pour ki ou pa war ou pe monte desann dan ler travay, akoz dan ler travay osi ou pour ganny problemm parske parey Minis in eksplike. Tribinal zot preski en zournen zot travay. Alor ou pour war ou laba, pe monte desann zisteman pour rod sa.

Alor Mr Speaker, avek sa detrwa leklersisman ki mon ti a kontan, mon ti a kontan lans en lapel kler avek tou bann zonm deor, pour nou kontinyen zwe nou rol responsab, pour kontinyen okip nou zanfan.

E bann manman asire ki nou konnen lekel papa nou zanfan, e pour nou annan bann dimoun responsab dan nou lavi.

Parske i vin en pilye lafanmir pour ki nou bann zanfan pa ganny vwar dan limbo zot tousel. E pa konnen

vreman lekel ki asiste zot dan moman ki pli difisil dan zot lavi.

E letan zot in vin lo later inosaman san konnen aköz zot la. Me zot in ganny fer dan lanmour ant de dimoun me letan pour okip zot sakenn i ris son kote.

Alor Mr Speaker, mon ava aret la pour donn sans lezot dimoun. Me mon ti a kontan Minis kekfwā dan son *summing up* avek son bann teknisyen profesyonnel, zot a kapab adres enn de pti konsern ki mwan mon leve. Mersi bokou Mr Speaker.

MR SPEAKER

Mersi Onorab. Laparol i pour Onorab Labrosse.

HON RICHARD LABROSSE

Mersi Mr Speaker. Mr Speaker, mon ti a dir bonn apre midi Minis avek ou delegasyon. Tou bann dimoun ki a lekout tou bann ser frer koleg isi dan Lasanble ek bann travayer.

Mr Speaker, bokou in ganny dir bomaten lo sa *Bill* enportan ki devan nou ozordi. Sa byensir ankor i vin bann travay ki nou'n war dan Lasanble pandan sa 4an, kot i annan bann Lalwa ki'n ganny anmennen isi pour fer zot vin en pe modernite avek larealite ozordi ki nou pe viv.

Ozordi Lalwa *Bill* ki devan nou ozordi ki nou pe koz lo la parey in ganny dir, i sa Lalwa *Children Act*. Ki dan li menm i pe ranforsi pouvwar Tribinal Lafanmir, ki'n ganny etabli anba seksyon 77 sa Lalwa.

E ler mon pe get li, sa i en demars stratejik dan direksyon proteksyon e promosyon drwa e byennet nou bann zanfan Seselwa ozordi.

Mr Speaker, ozordi dan sa modernite ki nou pe koz lo la dan lannen 2025 ki nou pe koz lo la. Nou'n bezwen war nou pe anmenn en tel Lalwa parey, dan en sel direksyon. Se pour fer sir ki nou bann zanfan i ganny sa san poursan. Sirtou ler i konsern sa bout lafanmir.

Parey nou konnen klima nou nasyon parey nou ete, pa tou fanmir ki annan manman papa ki reste avek. E souvandfwā nou vwar en paran tousel, swa nou war en manman tousel ki pe fer grandi son zanfan. Ouswa menm konmela osi nou annan plizyer papa osi ki pe fer en tel travay parey.

Mr Speaker, ler nou pe koz lo sa *Bill* ozordi, en keksoz ki'n atrakte mon latansyon, me selman mon pa'n tann kekfwā lezot koleg koz lo la. Ler nou pe al vot pour sa Lalwa ozordi, i bann travayer osi nou bezwen

mazin zot ozordi, ki pe al travay avek sa *Bill* apre ki nou pou'n fini vote. Nou konnen ozordi i annan plizyer antite ki pe travay avek dan sa bann domenn avek nou bann zanfan.

I annan travayer sosyal li menm, zofisye Tribinal Lafanmir li menm, Lapolis, bann o zofisye dan bann Sant Detansyon, ek bann profesyonnel dan bann servis legal.

E kestyon ki bokou dimoun pe demande ozordi la, kantite travay osi ki pe ganny fer osi, ler ou pe koz dan kote sosyal, vi ki Minis osi i la ozordi avek nou.

Se ki pour ankouraz plis nou bann travayer sosyal ozordi par donn zot bann plis bagaz ozordi, pour zot fer fas ek sa bann problem ki devan nou ozordi, ki souvandfwa i ariv devan Tribinal Lafanmir.

Mwan mon kapab dir Mr Speaker, dan mon distrik mon sanse pour mwan annan mwan en *social worker* ki vreman aktiv. I en dimoun ki fer bokou louvraz teren.

Me parfwa ler nou ganny sans pour nou dialog ansanm e ler i annan bann sityasyon enn pti pe serye ki bezwen latansyon Lotorite Distrik ki nou zwenn ansanm, pour nou

rod en *way forward* parey nou dir.

Ou santi parfwa kekfwa mannyer bann keksoz pe arive ozordi, nou santi ki nou pour bezwen revwar en pe louvraz travayer sosyal osi, dan sa klima ki nou pe koze.

Bokou dimoun parfwa i koz lo saler koman en keksoz enportan. Wi, parey nou tou nou konnen. Larzan osi i zwen en rol dan lavi toulezour.

Me selman osi ler nou pe koz lo formasyon, pour zot osi kapab fer fas ek bann nouvo *challenge*, defi ki lavi pe anmennen, si ozordi dan en Lalwa, nou pe fer lamannman lo vyolans domestik. Parey mon pe dir ou Mr Speaker, nou lannen 2025 ozordi kan nou pe koze.

Ki enn pti pei parey Sesel ki napa bokou zabitan, problem domestik ozordi i bezwen war li ariv dan Lasanble Nasyonal, ansanm kot Tribinal Lafanmir pour nou met en Lalwa enn pti pe pli sever lo la. E sa dan li menm Mr Speaker, i fer ou demann bokou kestyon.

Me selman parey nou tou nou kontan dir, napa person ki annan pouvwar lo later pour ziz person. Me selman tousala i reste bann kestyon parfwa ki ler nou rod larepons i enn pti pe difisil parfwa pour ou vwar.

Ler nou pe anmenn Lalwa ozordi parey mon'n koze pli boner pour nou fer Tribinal Lafanmir, vin pli efikas avek enn pti pe plis pouvwar. Ler pe koz sa seksyon kot seksyon 6 la kot i pe koz lo lakantite larzan. Sa Tribinal ozordi ki pour fer desizyon lo lakantite larzan ki sa paran, parey nou'n dir alimoni.

Ki sa paran pour ki sa zanfan pour benefisye avek. Nou bezwen osi Mr Speaker, ler nou - si bann dimoun ki pe ekout mwan ozordi ki pe al enterpret sa Lalwa koman en Manm Lasanble.

Mon ti a kontan dir ki ler bann lenplikasyon parey pe ganny arrive. Sirtou ler nou pe koz kantite larzan ki en zanfan li menm li i pour benefisye. Me parey Onorab Arissol ki'n koze avan mwan in fer resorti, ki ozordi osi nou annan en ta papa osi kekfwa dan en serten sans lavi osi ki vwar la parfwa en pe difikilte pour li sonny son zanfan.

Nou pa pe dir ou ki pa pe fer li par ekspres, me ou santi parfwa mon pe koz dan bann kapasite koman en Manm Lasanble Mr Speaker.

Parske pandan sa 4an ki mon'n dan distrik, nou'n war plizyer case ki vin devan mwan

ki bann dimoun in vin rod en rekour, en *advice* parey nou dir.

E ou santi parfwa ki i annan bann serten lobstak osi ki arrive. Me parey osi nou konnen konmela osi nou annan sibstans drog ki pe kontrol en pe nou zenn sosyete ki nou pe viv ladan ozordi.

Tousala mon krwar ler nou pe fer bann desizyon osi, nou bezwen revwar sa bann case lo tou son profon, avan menm parey nou dir nou donn en serten kote rezon.

Akoz apre tou ler nou pe koze la se sa zanfan li menm li ki pour, ki pe ganny afekte dan diferan desizyon ki Tribinal Lafanmir i pour fer li menm li ozordi.

Se pour sa rezon ki mon pe met en pe lanfaz ozordi dan mon pti lentervansyon la Mr Speaker, se ki nou bezwen osi met enn pti pe plis ranforsi parey nou pe fer lo Lalwa.

Lo kote *training* kot sa bann domenn, sa bann *stakeholders* swivan ki mon'n nonmen oparavan, ki travay avek Tribinal Lafanmir, ouswa ki pe travay dan kominote ozordi. Zot kapab osi pli azour avek kwa ki pe pase ozordi. Pour zot kapab war zot louvraz enn pti pe pli fasil.

Me nou konnen bann keksoz parey ki nou pe koze. I

pa sitan bann keksoz fasil parey nou kapab zis koze. Me selman ankor ler bann aksyon pe ganny arive souvandfwa i annan bann diferan rezon ki al dan bann diferan direksyon. Mr Speaker, an terminan mon pa pour tarde lo sa *Bill*.

Mon ti a kontan ki Minis ansanm ek bann lazans ki pe ekout nou ozordi, ki zot kontinyen met plis ranfors lo *training* ankor pour zot bann *staff*.

E pour fer sir osi ki zot azour osi ek sa lemond ki nou pe viv ladan. Parey nou pe dir, Sesel i enn pti pei. Me selman nou pa eparye ek tou sa ki pe arive otour nou. Avek sa Mr Speaker, mon ti a dir ou mersi.

MR SPEAKER

Mersi Onorab. Laparol pour Onorab Larsen.

HON CECILE LARSEN

Mersi Mr Speaker. Bonn apre midi a tous. Espesyalman zabitan Au Cap ki a lekout. Sa Lalwa i vreman enportan me mon annan en serten konsern. Proteksyon drwa e byennet nou bann zanfani, i enn parmi bann lobzektif pli sakre ki Leta i kapab pran.

Bokou in ganny dir lo sa Prozedlwa. Me mwan mon pour konsantre lo sa pwen alimoni.

Fodre nou rapel ki alimoni pa en faver ki i en paran i fer. Me i en lobligasyon legal e moral pour asire ki zanfani i ganny soutyen finansyel apre ki paran in separe. Nou tou nou konn difikilte ki bann zanfani i gannnen ler en paran pa fer son devwar.

Ler en paran pa pey alimoni i pa zis en lofans legal, i en krim moral kont en zanfani. Me sa pouvwar ki Tribinal pe gannnen se pour pini e met lord. A mon pwennvi, mon krwar nou bezwen get pli profon. Pa koman pour pini sa paran.

Me koman pour ed sa zanfani. Annou fer referans kot en paran i mont prizon pour pa pey alimoni. Sel drwa ki ganny pran avek li se son drwa mouvman.

Me eski nou pe vreman get sa zanfani? Eski nou pe get konsekans ki sa santans i kapab anmennen pour sa zanfani? Mon krwar i enportan ki pandan ki nou respekté Lalwa e nou fer respekté lobligasyon alimoni.

Nou osi rod bann mezir pli balanse ki pour ankouraz paran fer zot devwar san bezwen toultan ariv li lo santans ki destriktif.

Par egzanp ankouraz konsiltasyon, plan azistab pour peyman e pli sipor pour bann

paran ki vreman dan difikilte finansyel. Akoz Lalwa i devret pe protez zanfan, pa pini zot ankor plis par bann desizyon ki fer zot lavi vin pli difisil. Mersi Mr Speaker.

MR SPEAKER

Mersi Onorab. Laparol pour Onorab Romain.

HON GEORGES ROMAIN

Mersi Mr Speaker. Bonn apre midi Mr Speaker, Minis. Bonn apre midi ek ou *panel* e tou dimoun ki a lekout. Mersi Mr Speaker, pour donn mwan enn pti letan pour mwan kapab dir enn de pti parol lo sa lamannman sa *Bill*.

Akoz mon osi mon pa pour long lo la. Akoz sa problemn i pa afekte en spesifik distrik. Mon krwar nou tou nou annan sa problemn dan nou distrik.

Mwan Mr Speaker, mon ti a kontan premyerman al lo seksyon 8, kot ler in fer resorti ki si sa paran, en manm paran ki pa pe okip sa zanfan. Kot i pa'n donn en leskiz. Par egzantp en leskiz legal, parey in fer resorti. Kot i kapab war li pe kondann en maksimonm pa plis ki 3an. Oubyen pey R30mil lanmann, oubyen i kapab fer fas ek tou le de.

E mon annan enn pti pe konsern la, mon santi ki i byen

nou bezwen fer Lalwa vin pli sever, pour fer bann paran pran zot responsabilite.

Me selman par kont mon santi kekfw si ti annan lezot fason osi pour fer ki nou ti kapab ede ouver sa bann paran ki pe rankontre sa – ki pe *face* sa sityasyon; fer zot konpran mon konnen zot in deza fer sa louvraz, lo kote sosyal zot pe fer an tou leka.

Me selman mon pe mazin si sa i pour vreman ede, pour fer sa bann paran sanz zot nide pour kapab okip zot zanfan.

An plis, mon konnen si sa sityasyon ler i arive enn sa bann paran i mont prizon, byensir en paran pour war li, li tousel ek son zanfan.

E la nou konnen nou tou koman bann Manm Lasanble nou rankontre. Menm nou konnen i annan bann travayer sosyal dan nou distrik.

E nou, nou ganny dir ki ler sa bann paran parey mon pe dir Mr Speaker, in vin war nou. I eksplik nou zot problemn, ler ou dir – mon dir zot in dir nou ki enn zot lot paran i prizon par egzantp. E byensir zot annan en problemn.

E la nou vwar ki Gouvernman i bezwen entervenir pour kapab asiste sa bann zanfan pour kapab

mentenir, donn zot en lavi ki enn pti pe pli konfortab.

Be alors mon ti a kontan ler Minis i fer son *right of reply* si ou ti kapab pour tous enn pti pe lo la. Ki kalite bann lezot demars ki zot in fer, ki zot ariv lo sa bout ki pour, sa kondannasyon.

Apre mon ti a kontan fer enn pti an pasan osi Mr Speaker, lo seksyon 17 kot sa mon vreman an faver sa enn. Mon vreman siport sa byen aköz kot pour ogmant lakantite manm kot Tribinal. Ki mon kapab mazine ki a fer zot louveraz vin enn pti pli travay pli avek plis efikasite parey nou kapab dir.

Akoz mwan pour mwan detrwa fwa, ankor enn fwa ler bann - nou dimoun dan nou distrik i vin vwar nou, ler ou mansyonn zot eski ou'n ale kot Tribinal?

I dir ou wi in ale kot Tribinal, nou *case* i laba. Me selman par kont, i ankor travay i ankor pe ganny fer lo la. E alors mon krwar ek sa logmantasyon bann manm, mon mazine sa louveraz i ava al enn pti pe pli vit ki sa bann paran i a ganny enn pti pe plis rekour.

E an plis ki sa, Mr Speaker parey mon'n dir mon pa pour vreman long lo la. Aköz mon

santi tou bann paran i bezwen pran zot responsabilite.

E la mon le fer enn pti rapel Mr Speaker, ki tou bann paran ozordi. Ki pe viv ansanm - zot en koup ki pe viv ansanm pa ankor vin paran. Si zot pa ankor konfortab pour zot kapab fer zanfman mon konnen plizyer fwa sa in ganny dir dan Lasanble.

Minis in dir plizyer fwa. Mon krwar sa ledikasyon i merit vini pour zot pa fer sa zanfman pour lemoman. Si zot santi kekfw, zot pa pour kapab vreman okip sa zanfman.

Mon konnen sa i en kekyon, en keksoz mon pe met devan enn pti pe difisil pour paran la deor konpran mwan bann adilt, konpran mwan. Aköz lafen dizour Mr Speaker, i sa zanfman ki vin sa viktim.

E apre problem i leve, bann diferan problem sosyal i leve. Kot nou war nou bann Manm Lasanble oubyen menm bann travayer *social workers*, ki zot war zot pe *face* bann sityasyon kot kekfw ti kapab ganny evite.

E la mon le lans en lapel osi avek Minis, zis an pasan. Mon le profite dir ek Minis. Si atraver Sosyal zot annan bann kote bann prevansyon. Bann program prevansyon ki edik

bokou bann adilt ozordi dan nou kominote?

Ki pour zot – konmsi sansibiliz zot bokou lo la. Ki zot ava realize avan zot vin en paran ki – zot a mazin detrwa fwa. Mr Speaker, parey mon'n dir mon pa pour vreman lontan lo sa *Bill*. Lo sa lamannman akoz mon santi vreman koman en Manm mon ti bezwen pran laparol.

E osi la mon le profite Mr Speaker, pour mwan felisit Minis ek PS ek tou son travayer kot Sosyal pour sa bon travay ki zot pe fer. Akoz parey nou pe dir sa travay i nob, i pa en travay fasil.

E i demann bokou e alor mon swet zot tou de bon pour zot kontinyen dan sa travay. Ki mon espere dan bann lezot lannen ki pe vini nou a vwar en keksoz amelyore.

E osi mon ti a kontan Mr Speaker, pour felisit tou paran ki pe pran zot responsabilite pour okip zot zanfan. Ki zot zanfan pe grandi byen ki i ava vin en model pour lezot paran ki pe ekoute ozordi. Mersi Mr Speaker.

MR SPEAKER

Mersi Onorab. Laparol pour Onorab Bastienne.

HON DESHEILA BASTIENNE

Mersi Mr Speaker. Bonn apre midi Mr Speaker. Bonn apre midi Minis avek ou delegasyon. Bonn apre midi tou koleg Onorab e bonn apre midi tou dimoun a lekout.

Mr Speaker sa Lalwa ki la, sa *Bill* ki devan nou in vin ek en Lalwa ki tre, tre enportan. Sirtou kot nou pe koz lo lentere zanfan. Mr Speaker, Lalwa zanfan i en Lalwa tre fondamantal ki la pour protez drwa ek byennet tou zanfan.

Sirtou bann ki ankor anba laz dan nou pei Sesel. I osi definir ki mannyer paran gardyen e osi lezot manm lafanmir ou lezot dimoun dan lasosyete. Dimoun tre responsab i devret pe pran swen e protez nou bann zanfan.

Mr Speaker, sa *Bill* ozordi, pour donn Tribinal Lafanmir plis sa *power* mon kapab dir, pour kapab fer. Ki desizyon ki zot pran, kont okenn endividi ki pa pe onor zot responsabilite ki aksyon sever i ganny pran kont zot imedyatman.

Mr Speaker, ozordi nou ganny bokou konplent e menm tandé ki bokou *case* kont en papa ki al devan Tribinal Lafanmir pa pe ganny pran serye.

Case i ale vini devan Tribinal Lafanmir ziska i ariv en letan kot manman i *give up*.

Perdi lespwar e sa la i al mor lo ASP, atraver sa bann lamannman ozordi ki devan nou. Alor i a fer ki en *case* i ganny zize dan pli pti gin dele letan.

Me osi nou kapab demande ki i pa ale plis ki 3 mwan devan Tribinal Lafanmir. En zanfana pa'n demande pour li vin lo later. Zanfana i inosan, dan nenport ki fason ki in ganny konsewar. Me ler i arive i nou devwar pour donn li tou swen nesaser e protez li a tou pri.

Mr Speaker, nou menm ou war ki serten papa i fer par ekspre pour pa sonny zot zanfana. Zis aköz enn pti problem ant manman avek li. La nou demande be ki sa zanfana i annan pou fer ladan?

Akoz sa zanfana i bezwen sibir problem ki napa nanryen pour fer avek sa bann keksoz parey. Oli ou responsabilté anver ou zanfana?

Mr Speaker, pour sa *Bill*, ki devan nou ozordi. Nou pour donn tou nou sipor pour ki Tribinal Lafanmir i vin sa seksyon ki vreman morde. I vin serye e met lentere nou zanfana an premye.

Mr Speaker, mon santi ki an term - ki en term prizon i pa tro pli bon solisyon ki nou kapab pran.

En papa i devret deor pe travay pour siport son zanfana, travay pour donn li sa swen ki i nesaser. I tre enportan ki prosedir pour fer respekté lord Tribinal Lafanmir i ganny byen définir e i anvoy sa mesaz kler la deor pour tou bann ki krwar zot par lao Lalwa, e kot menm letan zot ganny somonn zot refize pour raporte.

Mr Speaker, i pour osi enportan ki nou aret tande ki Ziz in dir ki i pour bezwen *dismiss* en *case*. Zis aköz swa papa, swa manman zot refize vin Ankour. Alor person pa konnen kote zot ete.

Mr Speaker, Sesel i enn pti pei, tou dimoun i konn kanmarad. I konnen kote ou reste, kote ou travay. Si ou mars dan bis, si ou mars lo en bisiklet, swa si ou annan en loto.

Mr Speaker, ler nou vot pour sa lamannman. Nou pour ekspekte war en gran sanzman dan fason travay Tribinal Lafanmir kot parey mon'n dir. Lalwa i a morde, ou'n fer ou zanfana ou pour devret sonny li.

E alor tou mannev nesaser pour bezwen pran pour ki swa manman, swa papa, i raporte e ankor zot pran zot responsabilté ki nesaser.

Mr Speaker, ozordi mon pe osi war kot bokou manman

zot osi zot negliz zot zanfàn parfwa pour zot fer plezir zot *partner*. Zot abiz zot zanfàn e la nou pe rekomande ki Tribinal Lafanmir i osi pran bann tel ka parey serye. Ki zanfàn i kapab arive grandi e epanouir dan sekirite avek lanmour sa paran.

Mr Speaker, mon pa pour long, mon pour donn mon sipor anver sa Lalwa, kot tou dimoun konsernen i pran zot responsabilite e ki zot ava resevwar sa mesaz ki nou pe anvoye tre kler. Mersi.

MR SPEAKER

Mersi Onorab. Laparol pour Onorab Bijoux.

HON GERARD BIJOUX

Mersi Mr Speaker. Bonn apre midi Mr Speaker. Bonn apre midi *panel*. Bonn apre midi tou Manm Onorab. Mon pran laparol ozordi apre midi pour donn sipor sa *Bill*.

Akoz mon war ki i vreman enportan. I en *Bill* ki pe vini, pour protez en pe dinyite nou bann zanfàn.

Annefe letan en paran oubyen de paran i deside fer zanfàn. Zot osi bezwen mazinèn ki i pour zot responsabilite pour fer sir ki sa zanfàn i ganny mentenir. I ganny tou son bezwen de baz an mezir ki i grandi.

Mr Speaker, i vre ki par sirkonstans lavi sa de paran. Par ler pa reste ansanm, zot separe. E ou war sa zanfàn i pri dan milye. I desizyon Lakour prezan ordinerman pour deside kote ki zanfàn i reste? E ki mannyer i pour ganny mentenir.

Alors mwan ki mon pe sey dir se ki, menm si nou pa pe reste ansanm, i nou responsabilite pour fer sir ki sa zanfàn i ganny mentenir.

Tribinal Lafanmir i la pour protez sa zanfàn, pour met bann lobligasyon lo sa bann paran pour kontribye pour sa bann zanfàn kapab sirviv.

Mr Speaker, nou okouran ki i annan en kantite sa bann ka e sanmenm ki nou vwar ki sa Lalwa pe ganny amande.

Pour ki i annan plis manm lo Tribinal Lafanmir pour ki sa bann ka i ganny pase e ki napa retar lo sa bann ka.

Sa osi pour donn zot plis pouvwar pour zot kapab annan swivi, lo sa bann lord ki Tribinal i donner. E ki fer sir ki zot ganny aplike. Lo kote bann sarz.

Wi, parey bokou nou bann Manm Onorab i dir ou war li enn pti pe sever ler nou regard bann sarz larzan ziska R30mil. E letan nou mazinèn si en

paran pa pe kapab siport en zanfán. Swa i pa travay.

Alors menm si i kas sa lord kot i pour al ganny sa larzan pour li peye? Son lot remed se prizon, wi in fer son fot. I pa'n peye nou met li prizon.

Me ki mannyer i pour kapab mentenir sa zanfán? Petet ler i dan prizon nou fer li travay e sa larzan nou kapab anvoye pour mentenans sa zanfán.

Be mwan mon krwar pli bon fason se ki par medyasyon nou kapab koz avek sa de paran. Plas sa paran ki sipoze donn mentenans dan en loubraz, fer li travay pour ki li i a kapab donn larzan pour mentenir sa zanfán.

Mr Speaker, mon pa pour tro long akòz laplipar in ganny dir lo sa Lalwa. Mwan mon vwar ki i ase bon parey nou pe dir. Menm si son bann sarz i o, mon krwar i a vin en fason pour fer bann dimoun, bann paran konsyan poudir zot annan en lobligasyon.

Zot sipoze fer sa e si zot pa fer, se sa pinisyon ki annan pour zot. Alors mon pour siport sa Lalwa parey i ete e mon remersi Minis avek son lekip pour kapab anmenn sa lamannman devan. Mersi.

MR SPEAKER

Mersi Onorab. Onorab Georges ou annan laparol.

HON BERNARD GEORGES

Mersi Mr Speaker. Bonn apre midi Mr Speaker. Mr Speaker Sesel i en drol pei. En zoli pei. Me dan serten ka en drol pei. Sel landrwa ki mwan mon konnen, kot en dimoun i decide i pour fer en parti laniverser e apre i pour sey al tap lo laport partou pour rod en *sponsor* pour li fer son parti laniverser.

I pa *save* son larzan avan li. Non. I decide fer en keksoz apre ki i pour al rode. Oubyen i decide i annan en promosyon, mon mont *Dubai* oubyen *Maurice or whatever - Sud Afrique*. E apre i pour al rod lafason pour li fer sa arive.

E sa se en keksoz ki nou tou isi dan sa Lasanble nou konnen, akòz annan de fwa sa bann dimoun i vin tap lo nou, nou laport. E nou asiste zot akòz i nou devwar pour asiste dimoun ki napa le mwayen pour fer en keksoz ki nou, nou fer.

Me i montre ou en serten, en serten latitid ki mon krwar sa *Bill* ki malgre i pa pe dir li dan sa fason. I pe sey adrese. E sa se, mank responsabilite. *It's as simple as that.*

Mwan mon – preski tou bann Manm ki'n koze in mansyonn sa mo responsabilite. *Of course that's what it is.* Ou war Mr Speaker ou pa kapab fer en zanfan apre pa sonnyen.

Oubyen ou pa kapab koman en madanm, fer taye al fer en zanfan aköz *whatever* i gou. Epi pa kapab arive, sonny sa zanfan e nou war sa tro, nou war sa tro souvan dan nou pei.

Nou war sa dan tou nou bann distrik. E ozordi plizyer dimoun ki'n koze in dir. Nou bezwen trouv en fason pour nou responsabiliz dimoun.

Wi. E responsabilite e anmenn en serten responsabilite endividyel e kolektiv se enn bann priorite sa Gouvernman. Fek dir sa yer dan Lasanble. Me ki mannyer – ki mannyer ou arive atraver en Lalwa fer dimoun pran zot responsabilite?

En lepok, en lepok Mr Speaker, e nou tou nou konn sa tre byen. Se enn bann fason pour ou mont premye lo lalis lakaz. Sete pour ou fer 2 zanfan, e ou sot tou sa bann dimoun ki zot, zot in peye, zot in kontribye, zot *in save*.

Me ou zis aköz ou ou'n fer 2 zanfan e ou lakaz ou manman i tro ptipti. E ou menm ou napa travay, e ou menm ou papa sa

de zanfan, ki souvandfwa i de diferan dimoun pa pe pey zot kontribisyon.

Alor lasosyete i bezwen aköz i bezwen donn nou en lozman. E mon konnen i annan plizyer dimoun ki pe ekout mwan ki pour grense, isi anndan e deor.

Me larealite se larealite nou bezwen fer fas a realite. Ki mannyer? E ozordi nou pe fini lo en bonn note Mr Speaker. Nou tou nou pour vot an faver sa Lalwa e mwan mon pour dakor avek en propo ki Onorab Pillay in fer bomaten.

E sa se *what is our fallback? What is our fallback?* Ki mannyer eski nou pour trouv en solisyon a sa mank responsabilite endividyel? San ki nou perdi anvi lefet ki en sosyete i bezwen siport bann dimoun ki pli vilnerab.

E enn, enn bann Manm mon krwar enn bann Manm in dir, me kekfw sosyete i devret *step up* e pey sa *maintenance* pour sa zanfan. Ki sa papa pa peye aköz finalman *the welfare of the child is of paramount importance*.

Se ou bezwen fer sir ki sa zanfan li, aköz pa li ki responsab, li i en inosan in ariv dan lemonn. I pa kapab pey pour lefet ki son papa pa

responsab oubyen son manman pa responsab.

Me eski sa i en - i en solisyon oubyen i zis en *elastoplast*? E sa Lalwa i anmenn nou fer en kantite, en kantite refleksyon lo sa problemn mank responsabilite ki a labaz, ki a labaz sa Prozedlwa ozordi.

E i pa premye fwa ki *Children Act* i sey trouv en solisyon. Ler i ti ganny enakte mwan mon rapel trey byen. Bann ki ti fer pas sa Lalwa, ti dir ki, la dan en fason senp, annou dir ki sak zanfan i pour bezwen ganny 15poursan *of the take home pay of son papa. 15percent.*

E an teori i en ekselan nide, ekselan nide. Me ki sa ki nou'n war? Ler papa i bezwen pey 15poursan pour en zanfan i vin devan Tribinal i dir, wi, bon mon annan ankor 3 oubyen 4, oubyen 5. E dan enn de ka 21.

Ki mannyer ou pour al pey 15poursan, *or* ennler ou'n pey 15poursan 4 fwa. In fini pran 60poursan *of the take home pay*, tir lakaz, tir tou keksoz avan. I pa'n marse. *So with the best will in the world* sey *fix* en paramet pa'n marse.

Akoz? Akoz de sityasyon pa parey enn avek lot. E en Lalwa i bezwen sey *capture* tou sa bann diferan posibilite. E la

ozordi nou'n retourn, lo en baz bokou pli ouver. Kot sa Lalwa pe dir, nou pa pe mete okenn barenm. Nou pour les sa *Tribinal* deside.

Akoz sak ka i diferan *what should be the compensation, the maintenance*. E i ava pran konsiderasyon si sa dimoun i travay si i pa travay? Konbyen zanfan i annan? Konbyen i pe peye? Ki *stay home pay* i ete? Tousala.

Ki kontribisyon i pe fer dan bann lezot sekter? *But at the end of the day*, i annan en serten kategori zanfan kot sa pour marse. Akoz sa paran pa pe travay oubyen sa paran pe travay zournalye.

E zanmen ou pour konnen konbyen larzan i annan. E annou pa bliye ki enn bann pei avek – (ki mannyer ou apel sa?) Kot ou pa travay dan en - sekter enformel. I pli o isi. En kantite dimoun i travay *full day*, me *tax* zanmen i war zot. Zanfan zanmen i war zot avek zot konpansasyon oubyen zot *maintenance*.

Ki mannyer ou pour fer ki en striktir legal pour kapab asire ki sa zanfan i ganny sa ki i bezwen. E parey mon'n dir Lalwa i pe sey anfen i pour – i donn sa laliberte avek Tribinal pour Tribinal deside.

Akoz finalman se Tribinal ki *the best* pour kapab decide aköz li i pour kapab pran tou sa bann keksoz an konsiderasyon. Me parey mon'n dir i annan serten ka kot sa pa pour posib e ki ou pour fer ler sa pa posib?

Ou pour bezwen retourn e fer sa ki nou fer toultan e fer sa dernyen pa dan en masin sosis e sa se anvoy sa dimoun prizon. Napa lot fason, napa lot fason. Me i en solisyon reaktiv - anvoy en dimoun prizon pa - *of itself* i pa fer nanryen.

Enn dimoun ki kekfwal ler zot in pas 2 zour prizon zot ava sorti, e dir gete *alright* mon a sey fer en fason mon a fer en deboury. Aköz zot pa anvi reste laba. Me i annan bokou, ki nou konnen ki pour reste prizon.

E kestyon in ganny demande apre midi par tou dimoun ki'n pran laparol. Ki mannyer anvoy dimoun en dimoun i rezourd problem *maintenance* pour en zanfani ki bezwen *maintenance*?

Donk, parey mon'n dir, Onorab Pillay in demann sa kestyon, *what is the fallback option?* E *that's the key, what is the fallback option?*

Ki ou pour fer pour asire ki "A" bann dimoun i pran zot responsabilite e "b" ler zot pa pran zot responsabilite, zot koerse - zot ganny forse pour

zot pran zot responsabilite, *which is* dan sa ka pey *maintenance*. Oubyen aret bat sa manman, oubyen aret bat sa zanfani.

Mannyer ou pour fer sa? *And this is the question*, ki mon kapab dir, *the sixty-thousand-dollar question* ki devan nou la apre midi.

Akoz napa en solisyon Mr Speaker. *There isn't one*. E war parey e bann travayer sosyal i konn sa tre byen. Parey drog, parey kriminalite *success is failure*. Annou pa dir ek nou lekor ki avek en *magic wand* tou keksoz pour normal, aköz nou pe pas sa Lalwa. I pa pour arive.

E nou bezwen aksepte sa. Nou bezwen aksepte parey bann travayer sosyal i aksepte toulezour ki ou travay avek en dimoun 6 zour li 7tyenm zour i tonbe. Ou *success rate* i ba, *hence* sa Lalwa. E mon konnen ki e Minis e Sef Ziz ki ansarz Tribinal. Zot tou lede zot fristre aköz nou pa kapab ariv a en solisyon, permanan pour *solve* sa problem.

Me ziska zour kot dimoun pour pran zot responsabilite, en zenn *homme* avek en zenn madanm pour decide ki fodre zot antre dan lanplwa, formel. E zot annan en trwa lo zot latet, avan ki zot fer en zanfani. E otan ki posib sey gard sa zanfani dan

sa fwaye e nou pa al senm ou larozwar partou dan kanton.

Ziska zour ki nou'n ariv la, nou pour bezwen *deal* avek sa bann problem. E sa mon krwar nou tou, nou tou nou realize. Alor mwan mon felisit Minis e *Cabinet*. Bann ki'n travay lo sa *Bill*.

Pour zot sey trouv en solisyon ki pa pour permanan mon konnen i pa pour permanan. Me *at least* sey trouv en solisyon ki pour kapab anmenn en serten *relief* a sa problem. E zot in trouv 2 solisyon.

Enn se *the stick*. R30mil ek prizon. Si ou pa fer ou pour ganny konnyen. An ekspektasyon ki sa i ava fors dimoun pran zot responsabilite.

Me i annan serten ki *still* pa pour pran, zot pour prefere al prizon asize e les zot zanfann mor lafen e les boper, oubyen belmer, oubyen *MNA* aste *pampers* ek dile pti baba pour – solman mon napa zanfann be ou konnen konbyen *pampers* avek bwat dile mon'n aste dan mon lavi mon?

E mon pa pe dir li, mon pa pe dir li aköz pour fer dimoun anbarase *but* me se sa nou travay, nou. Bann *MNA* nou en travayer sosyal nou osi. E nou bezwen fer sir ki nou bann dimoun i viv byen.

Alor, dezyenm keksoz ki sa Lalwa pe fer, se i pe ogmant kapasite Tribinal Lafanmir. E la mon bezwen Mr Speaker, an tout fransiz mon bezwen dir Tribinal Lafanmir *chapeau! Chapeau*.

I sa Lakour isi Sesel ki travay plis. I sa Lakour ki annan plis kliyan. E i sa Lakour ki bezwen sey trouv solisyon pour bann keksoz ki difisil. I fasil si en boug in vole ou'n war son *fingerprint* pour anvoy li prizon 6 mwan.

Me i difisil pour ou *assess*, *assess* dan en fanmir kot sa msye i annan en travay me i pa kapab pey tou son bann benefis ki i bezwen peye pour son bann zanfann. Aköz i napa sifizaman larzan, *this becomes a complication*.

E mwan mon ava dir ou Mr Speaker, anmezir ki mon ti pe prepar mon lekor pour ozordi. Mon'n demann avek enn mon, enn mon bann asosye dan mon biro avoka, ki li depi 8er bomaten ziska Lendi ziska 4er apre midi Vandredi. I fer zis *case* Lafanmir Tribinal, Lakour eksetera. E i dir mwan ki *the Family Tribunal is an excellent Tribunal*.

E otan ki zot kapab dan kapasite ki zot annan, zot desarz zot travay tre, tre byen. Alor mon bezwen, mon ti a

kontan felisit zot. Me zot *still sit* enn de zour par semenn e sa pa ase zot pa kapab arive kouver tou zot bann *case*. Se pour sa rezon ki sa Lalwa pe demann nou *increase* kapasite.

Met plis manm, fer dezyenm *Vice-Chair* pour ki ou ava annan en *Chair*, ou ava annan de *Vice-Chair* kekfw 3 Lakour i a kapab sit an menm tan. E sey degaz en pe sa aryeraz ki annan e en lot keksoz ki mon'n aprann.

Akoz mwan toultan mon demann mon lekor. Be aköz ki nou met manm lo Tribinal? Aköz nou met 2 dimoun ki pa Ziz, ki pa Mazistra lo Tribinal? Aköz sa zis i fer ou depans plis larzan, kekfw en Ziz i ava al pli vit i konn Lalwa eksetera. Akfer ou met 2 dimoun asiz avek li?

E ankör enn fwa, mon asosye i dir mwan non. *There is a very good reason*. Aköz sa bann dimoun zot angaze. Zot angaze avek bann problemm lafanmir, aköz zot bann dimoun ki ganny swazir aköz zot *background*. Zot anmenn en serten konesans. Zot fer ki sa Tribinal i mars pli byen ki si i ti zis en Tribinal Lalwa ki ti pe ziz *x, y, z, next, next, next*.

Zot angaz zot lekor avek problemm. E dan sa ka mon felisit, parey mon'n dir Minis pe anmenn sa Lalwa aköz zot in

rekonnet ki Tribinal i annan dan son konpozisyon, i annan en travay nob ki i fer.

E donk Mr Speaker, pour konklir, nou pa pour arive trouv en solisyon. Me enn pti pe parey Levek Harel, in dir ler i ti'n fek vin Levek. "Pti pa, pti pa, pti pa nou pour arive". E nou bezwen, nou bezwen regard sa travay koman en travay *long term*, en travay *longue haleine*.

Nou pa pour arive imedyatman atraver sa Lalwa, trouv en solisyon. Me *it's another step in the right direction*. E ziska zour ki nou'n kapab responsabiliz tou nou dimoun. Ziska zour ki nou bann dimoun i pran zot responsabilite anver zot zanfan e pa larg sa lo lezot dimoun e lo Tribinal Lafanmir. Nou pour *still* bezwen fer fas avek sa bann problemm.

En dernyen, en dernyen parol avek ou permisyon Mr Speaker, mon realize ki mon'n plis letan ki mon ti'n devret. Mon retourn lo *the fallback* e *the fallback* i enportan.

E nou bezwen regarde si striktir ki nou annan la, pa pour anmenn solisyon. Ki striktir ki nou pour met an plas ki pour anmenn solisyon?

E en pwen ki bokou Manm in fer resorti, se si sa boug pa oule peye. Aköz zeneralman i

papa, me *let's assume* ki si sa paran pa pe peye pour mentenans pour son zanfani.

Olye zis anvoy li asiz prizon annou fer li travay dan en serten fason ou dan en lot, pour li kapab ganny en larzan ki ava al direktteman kot sa zanfani. E mon parye avek ou si sa i ganny fer nou a bokou plis pros a en solisyon ki si nou pa fer li.

Alor *while* prizon i en bon nide. *Let us* - annou travay ansanm. Sa Lasanble pe al fini dan detrwà erdtan, nou pa pour ganny letan fer li nou menm. Me selman sa Lasanble ki pe vin apre, i ava kapab fer li.

E en lide ki mwan mon anvi lanse se ou annan en problemn drog, e ou annan en problemn papa ek manman ki pa pey *maintenance*, e ou annan en problemn lalyann anvaisan.

So let's kill a bird with two stones. Parey en dimoun ti dir mwan en fwa. Olye dir mwan *kill two birds with one stones* i dir mwan *let's kill a bird with two stones. Let's kill two birds with one stone.* Fer sa bann dimoun travay e an menm tan aret lalyann anvaisan dan en serten fason. Mon sir ki si nou trouv en lankadreman, nou ava kapab arive trouv en solisyon.

Mr Speaker, avek sa, mon remersiman pour letan ki ou'n akord mwan apre midi. Mon le dir avek Minis, mersi Minis ou pour ganny nou sipor. Mersi bokou.

MR SPEAKER

Mersi Onorab. Laparol pour Onorab Sultan.

HON VALDANA SULTAN

Mersi Mr Speaker. Bonn apre midi Mr Speaker. Bonn apre midi Minis ek ou *panel*. Mr Speaker, ler mwan mon pe zeneralman get tou sa bann lamannman ki pe anmennen.

Pour mwan mon pe enterpret li ki i responsabilite paran pa kapab ganny ignore. Alor tou paran i bezwen pran zot responsabilite dan nenport ki fason.

Mr Speaker, mwan ozordi mon ozordi mon pe koz koman en manman, koman en ser koman en dimoun ki krwar dan lazistis ek lanmour ki krwar dan responsabilite ek valer lafanmir.

Mon anvi koz pour sa zanfani ki pe viv e soufer dan silans. Akoz li lo li menm i pa kapab defann son lekor, ki pe esper sa sipor ki pa zanmen arive. Ki pe esper sa pti vizit ki'n ganny promet ki swa par sa

manman ou par sa papa. Me ki pa ariv zanmen.

Mon anvi nou realize ki zanfan, pa'n swazir lavi, i pa ni swazir soufrans. Me i pey pri negligans granmoun. Mr Speaker, mon dan mon parkour koman en ansennyan souvan ou'n fer fas avek bann zanfan ki parfwa dan 2erdm i ou war li i vir, vire la, i vir vire la ziska en zour ou pour bezwen demann li be ou pa ale ou akòz ou la? Mis mon pa anvi al dan lakour.

E parfwa dan ou kapabilite koman en ansennyan, dan ou kapasite koman en ansennyan i pa ou plas pour ou demann li akòz. Akòz sa i louvraz sa *counsellor*. Li ki mandate pour fer sa.

Me parfwa ou santi ki sa zanfan i met sa konfyans dan ou. E ler ou pou dir li be akòz pa anvi al dan lakour la i pour donn ou zistwar.

Mis, mon papa ti sipoze vin sers mwan i pa ankò vini.

Mis, sepa mon annan tel problem dan Lakour, ki bann problem ki ras leker.

Parfwa nou sanse dan nou pei ki nou annan bann dimoun ki pran responsabilite sa bann zanfan, parey laplipar mon bann kole in koz lo la. Bann granmanman ki pran sa bann responsabilite.

Oubyen lezot endividi dan vwazinaz ki swa zot pran zot adopte pour met kot zot, pour zot pran sa responsabilite ki sa paran pa pe pran. Oubyen menm zis siport zot.

Mr Speaker, si mon pour koz lo mon menm mwan. Mon'n en paran pour 27an akòz mon premye zanfan i annan 27an be mon krwar dan sa 27an mon annan – mon'n adopte 5 zanfan ki pa pour mwan. Ki swa mon'n fer reste ek mwan, oubyen mon'n senpleman siport zot pour ki zot kapab fini zot letid.

Alor nou sosyete nou annan bokou dimoun ki fer sa me ki zot pa pe vin devan, zot pa pe vin rod laglwar lo la. Zot senpleman fer li ek zot leker. E pour tou bann dimoun ki fer sa pour mwan mon aplodir zot, mon dir zot en gran felisitasyon.

Mr Speaker, sa lamannman ki nou pe anmennen ozordi i a fer ki - sa i a fer ki i a pli fasil pour sa bann zanfan dan bann sityasyon ganny led. Par ki nou pour met plis manm Tribinal. I a fer ki petet nou a kapab *deal* avek plis ka dan en pli kourt letan.

Akòz nou tou nou konnen bokou paran i koz lo la sirtou bann manman ki pe fer sa pa devan pour al rod sa lasistans. I a fer ki bokou plis ka e ki sa bann paran pa ava esper bokou

letan e sa bann zanfàn par soufer pour pli bokou letan.

E mwan mon pe dir avek bann dimoun ki pe - mon pour dir zot pe komet sa lofans ki zot pa pe rebran zot responsabilté Lalwa ki kapab met presyon lo ou.

Met presyon lo ou pour *maintain* ou zanfàn. Pour fer sa kontribisyon finansyel, me mwan mon pe demann ou. Pour osi donn ou letan, donn ou lanmour ou zanfàn, donn respe pour sa lavi ki ou ou'n kree. Akoz sa lavi i en bout.

Mr Speaker, nou bezwen aksepté poudir parey nou pe demande pour ki swa zot ganny santans 3an prizon or zot pey sa lanmann. Nou bezwen aksepté osi ki i annan bann paran ki pa pour zanmen kapab *maintain* sa zanfàn finansyerman. Akoz zot sityasyon, petet si zot dan sibstans oubyen bann lezot sityasyon sosyal.

E la souvan nou war bann manman, ki malgre parfwa zot pa anvi zot, zot kanmi, zot prop dinyite zot pa anvi al rod lasistans sosyal zot. Me solman zot ariv lo pwen kot zot napa swa. Alor zot ale, e souvan ki i normal bann premye parol ki petet zot pour ganny demande, oli sa papa, al rod sa papa.

Dan plizyer ka sa bann Manman in fatigue rode sa papa.

Parfwa i annan papa ki'n fatigue rode sa manman. Dan tou le de kote zot in rode zot, me zot in ariv lo sa pwen kot zot napa swa. Alor zot bezwen vin rod sa lasistans sosyal. Me petet la sa Lalwa i a fer ki swa sa manman, swa sa papa i a pran son responsabilté.

Petet parey serten zot Onorab in dir, si nou pour kondann zot. Zot napa larzan deza, si zot pa pe kapab *maintain* ek R1000 ki mannyer zot pour al ganny R30mil.

Petet nou pour met zot prizon e mwan mon konn dimoun ki dir ou be mon'n fer enn pti letan prizon apre mon trounen.

E sa moman ki i prizon i pa pe peye. Sa zanfàn pour *still* pa ganny lasistans, sa manman i bezwen al rod sa lasistans sosyal. Petet i fer ganny met dan bann travay kominoter, ki i konnen ki kondisyon son travay e i konnen poudir sa larzan ki ou pour gannyen *from* sa travay i al anver lasistans ou zanfàn.

Akoz lo ou menm ou pa pe kapab fer li alor Leta pe rod en fason pour ankadre ou pour ou kapab fer li. Nou dir zanfàn nou bezwen elve zot, be i annan adilt osi ki nou bezwen kontinyelman elve li. Pour pran serten pa dan son lavi.

Akoz parfwa i kapab zis mank en gidans dan son lavi ki'n fer ki in *end up* koumsa. Mr Speaker, mon mazine avek sa bann lamannman ki nou pe fer, sa i a ranforsi prensip dan lentere sa zanfani, ki sa lentere sa zanfani i primordyal aköz nou tou nou konnen ki dyalog.

Ki ler nou pour annan sistenm medyasyon kot nou kapab ganny sa paran koz ek li pour nou ganny en bon dyalog. Nou tou nou konnen ki dyalog i pli for ki divizyon. E solisyon i pli for ki en santans. E se solisyon ki pour anmenn plis benefis pour sa zanfani.

Alor Mr Speaker, mwan, mon dir si nou pa sipor sa lamannman nou pe senpleman dir ek sa bann zanfani, ou soufrans napa ase lenportans.

Me mwan non Mr Speaker, mwan pour mwan koman en paran mwan osi soufrans sa zanfani i mon soufrans.

Alor mon santi mwan ki mon bezwen e mon oblize e mon bezwen donn mon sipor sa lamannman. Alor Minis, kont lo mon sipor. Mersi.

MR SPEAKER

Mersi Onorab. Bon, nou a termin deba ek Onorab Adelaide.

HON FRANCOIS ADELAIDE

Mersi Mr Speaker. Bonn apre midi Minis avek ou delegasyon e tou dimoun ki a lekout.

Mr Speaker, mwan osi mon pou aport mon sipor pou sa *Bill* ki Minis avek ou delegasyon in anmennen. Mon vwar ki i en *Bill* ki parey tou dimoun in dir i devret ganny tou sipor dan sa Lasanble Nasyonal an mezir ki sa i preski dernyen zour ki nou pou servi dan setyenm Lasanble Mr Speaker.

Mr Speaker, dabor mon oule remersye tou bann travayer dan ou Minister Minis, avek tou bann *advocator* ki zot rode e ede dan en fason pou nou kapab *at least* solidifye sa bann zafer drwa zanfani.

Mr Speaker, mwan dan tou mon lenperfeksyon ki mon annan zanfani i en size ler i annan bann keksoz pou fer ek zanfani i en size ki mon met bokou lanfaz lo la. E mon ti a swete ki tou Seselwa dezormen nou pran sa koman en lobligasyon pou nou kapab ede pou fer grandi nou bann zanfani dan en fason ki byen.

Mr Speaker, la nou pe pas en bon moman avek *CJSOI*, e bokou bann zanfani ki petet in pas atraver sa bann sityasyon ozordi zot pe fer nou pei fyer. E mon krwar nou tou nou kontan

e byensir en *good beginning is have the job*.

Mon krwar si nou tou nou donn en bon komansman mon krwar byensir tou nou zanf an i ava ganny sa lavi ki nou al deor partou. Sesel i ganny felisite pou bokou keksoz me mon krwar si sa osi ti en, petet en domenn ki nou ti pran li bokou pli serye mon krwar i ti pou vremen en loner pou nou pei.

Mr Speaker, mon i annan keksoz ki mon *être* demokratik lo la, i annan keksoz ki mon liberal, me si i annan en size ki mon pou petet pran li koman zot a dir ki mon en diktater me solman i en keksoz ki vremen serye. Si ou'n fer en zanf an Mr Speaker, ou bezwen sonnyen.

Petet mon konpran poudir i annan enn de kontrent la, petet Minis petet ou kapab aprofondir nou en pti gin lo sa zafer. Mon konnen poudir i annan bokou bann msye, byensir en zanf an pou en manman i zanf an sa manman be i annan bokou bann msye ki par ler zot kestyonn si sa zanf an i pou zot, e par ler mon'n tan en pe zistwar i pa vedir ki mon byen e ki zot ganny forse avek Tribinal pou zot sonny zanf an ki zot, zot dir pa pou zot.

E petet Minis, si ou ti kapab eklersi nou si ou kapab, ki manner ou *resolve* sa bann

problenm? E petet eski dan sa bann letan ki ler Tribinal pe fer sa bann prosedir si i annan en fason, si i annan- mon konnen i an annan lasistans sosyal, me par ler nou vwar ki i tro tarde aköz parey tou mon bann kolegin dir, sa zanf an pa'n demande pou ne li, me solman in ariv lo later.

Me ler in annan bann proses legal ki pe pase sa zanf an definitivman i bezwen manze toulezour e mon panse ki- mwan mon santi ki par ler keksoz- aköz mwan koman *MNA* mon fer fas avek sa bann problenm par ler, mon krwar ki keksoz i tard en pti gin. Petet osi kantmenm i pa dan Lalwa la, be sa osi ti ava en keksoz nou ti ava regarde.

Mr Speaker, mwan mon kontan avek sa *Bill* aköz mon enn parmi sa *MNA* ki'n demann kestyon Minis, sirtou bann letan Bidze, pa pou enport lo bann lezot dimoun pou kontribye en pe plis, be mon ti war ki tou bann *rates* pe sanze *be it* nenport ki, be selman sa *rate* pou mentenans en zanf an pa'n zanmen ganny revize ouswa si in ganny revize petet i pa'n al sa alaoter ki i reflekte kou lavi ozordi an zeneral.

So, mon pou vremen mon pou donn mon sipor sa *Bill*, be solman i enportan, nou pa pe

fer politik avek sa size, Seselwa ler ti dir in ganny liberasyon, vreman petet mon krwar bann Polisi par ler ki nou'n fer in ede pou kontribye en pti gin dan kot nou pep in arive, Onorab Georges taler in dir lontan pou ou ganny en lakaz asiste ek en lakaz fodre ou ti annan zanfan e mon krwar sa i en move mesaz ki nou'n anvoye.

E mon krwar ki ozordi Gouvernman ozordi in realize se ki nou bezwen responsabiliz, nou bann paran pa ale pou nou e zanfan me plito rod bann lezot keksoz avan *then* apre nou ava fer zanfan.

Mon konnen poudir statistik nasyonal in montre ki nou popilasyon pe desann, byensir nou pou bezwen nou pa kapab atraver bann Lalwa ki nou pase dekouraz dimoun pou fer zanfan, be solman mon krwar si nou fer li avek bokou plis responsabilite mon krwar i pou ede pou fer nou pei, nou popilasyon monte e byensir sa i ava en keksoz enportan pou nou, me osi nou bezwen fer sir ki nou zanfan i ganny grandi dan en bon fason.

Mr Speaker, mwan sa laz ki mon ete mon annan 2 zanfan, mon pa ankore vin en gran papa, be solman mon annan 2 pti zanfan, konpran mwan savedir mon ankore zenn,

me solman mon annan 2 pti zanfan.

E Mr Speaker, mon pa konnen ki kantite lanmour i mon annan konmsi ler mon get zot pe grandi mon dir sa mon baton vyeyes e petet mon *look forward* petet pou donn zot sa ki mon kapab akòz mon konnen si ou zanfan akòz mon pa'n konmans dan sa bon *beginning*.

Be mon oule tou le mwe pou mon bann zanfan e mon bann pti zanfan pour ki zot osi zot kapab pli tar vini dan lasosyete kontribye pou nou kapab fer nou pei monte e byensir nou popilasyon i ava en pe pli an bonn sante.

Mr Speaker, apre en lot pti keksoz ankore, petet mon ti a kontan ki nou reviz en pe bann Polisi ki nou annan, parey avan nou ti annan bann Polisi-Gouvernman ti bezwen pran ou *from cradle to the grave* e sa osi in ede pou fer dimoun perdi sa sans responsabilite.

E mon krwar i pa zanmen tro tar pou nou kapab re aranz sa bann Polisi pou nou kapab fer nou bann Seselwa vin en pe pli konsyan e byensir sa osi i pou ede en kantite dan sa *Bill* ki nou pe pase.

Mwan osi mon vreman kontan ki Tribinal Lafanmir, mon konnen zot travay bokou, mon ti a kontan ki zot osi zot

ganny maksimonm led, maksimonm led ki zot kapab gannye pou zot kapab dil avek sa bann sityasyon. Akoz souvandfwa nou koman adilt nou kapab rod en lot fason pou nou kapab sirviv, me pou bann zanfan par ler i vremen difisil.

E mon krwar mesaz sorti kot sa Lasanble ozordi i devret en mesaz pozitiv ki nou pou siport Minis, nou pou siport ou *Bill*, nou pou siporte ki Tribinal Lafanmir i ganny maksimonm led ki zot bezwen pou zot kapab fer zot travay.

Menm ki mon annan serten rezervasyon lo serten size kot mon krwar zot pe met resours ki mon krwar zot devret priyoritiz zot bann resours sirtou lo kote bann drwa zanfan pou fer sir ki nou bann zanfan Seselwa, i ganny asiste kan i nesese pou zot kapab anmenn sa bon lavi pou zot kapab zot osi fleri e fer nou pei fyer.

Mr Speaker, Minis, mon kapab dir ou i pou en dernyen *Bill* ki mwan mon pou kontribye lo la pou sa setyenm Lasanble, byensir mon pou trounen dan wityenm Lasanble avek bokou plis bann keksoz pozitiv ankore, me selman sa enn la mon krwar ou pou gannye nou sipor e esperan ki travay i aret la.

Mon pa ti anvi zis nou konsantre lo Lalwa, me rod

bann lezot alternativ ki annan parey Onorab Georges in dir nou kapab fer Lalwa wi, me selman Lalwa pa tou kou ki i ganny- ki kapab adres en sityasyon. Annou sey rod bann lezot fason, byensir nou Lasanble nou pou la, nou ou donn ou tou ou sipor *be it* setyenm, *be it* wityenm pou ou kapab anmenn pli bann- bann pli bon sizesyon ki bon, sa enn i vremen bon.

E mon ti a kontan ki ou kontinyen fer Lasanble konfyans isi ou avek ou bann *staff* byensir par ler kantmenm bann size in en pe sofe pa pran nou mal, sa ki nou, nou la nou prezant Lepep, so par ler i annan bann size ki en pe konsyansye nou bezwen koze me solman ler zot pe fer en keksoz ki byen nou kontinyen felisit zot, kontinyen fer sa bon travay pou nou pei e byensir nou pou donn zot tou nou sipor.

Minis ou kapab kont lo mwan, lo sa kote latab pou donn ou sa sipor. Mersi bokou.

MR SPEAKER

Mersi Onorab. Minis mon ava apel ou pou donn nou repons lo deba.

MINISTER **PATRICIA**
FRANCOURT

Mersi Mr Speaker. Mr Speaker, mon oule remersye tou bann Manm ki'n aport zot kontribisyon pozitiv lo sa Prozedlwa e ki zot in konpran akoz sa bann lamannman i nesaser pou Tribinal Lafanmir donn en pli bon servis nou piblik. I fer nou byen ankouraze kot Departman Zafer Sosyal e mon asire ki *Judiciary* osi zot vreman ankouraze.

Mr Speaker, pou mwan anmenn sa *Bill* kot Lasanble in pran en kantite kozri avek *Judiciary* kot mon asize avek mon tim lo *CJ level* lo *Chief Justice level* avek son tim pou nou dyaloge. E akoz nou fer sa? Nou fer sa akoz nou war poudir si nou pa donn lenportans sa size ki konsern zanfan nou pou toultan an aryer e nou pou vir an ron, vir an ron, an ron e zanfan toultan pou ganny met a lekar.

So, letan nou asize nou ti fer sa bann diskisyon plizyer fwa, nou koz onnet nou pare pou met nou lanmen kot nou konnen poudir nou pa pe fer tre byen, nou pran *ownership* nou dir e *vice versa* kot *Judiciary* osi i krwar poudir zot osi zot kapab fer pli byen, *they put their hand but doing that* nou kapab koz fran e nou kapab war ki manner nou kapab montmars devan pou nou fer keksoz

vin pli meyer sirtou kot i konsern zanfan.

E pou nou met sa *Bill* ansanm in en travay kolektiv ki'n ganny fer pou nou kapab fer sir poudir tou sa ki nou'n met ater koman bann difikilte ek bann *challenges* in byen ganny regarde e in byen ganny konsilte ansanm pou nou kapab annan bann solisyon.

E parey bann Manm in dir tou lede kote latib, i pa vadir *this is the solution* e tou keksoz pou *nice and rosy, it's far from it*, akoz sa pti mo responsabilite ki zot tou zot in dir *it keeps coming up and coming up and coming up*, nou kapab dir dimoun mil fwa, 10 mil fwa ou devret fer sa, me si zot swa e zot, zot swazir pou pa fer sa aksyon sa nou, nou napa kontrol lo la.

E, *definitely*, mon pe *wish* ki sa konversasyon la apre midi i sirtou sa moman ki *recess is coming up* i ava en konversasyon ki reste dan lespri dimoun *for a very long time* e i ava en konversasyon ki dimoun i kontinyen koz lo la.

E mwan mon *welcome* sa bann diskisyon lo *social media*, alor ki dimoun i *bounce back ideas* e tou dimoun lir ki pe pase lo rezyon- *social media* e diferan leres platform e zot a kapab war solisyon lo en

problenm ki plizyer, plizyer, plizyer lannen pa zis dan Sesel dan leres pei osi i reste en konsern.

So, Mr Speaker, parey mon'n dir letan mon ti pe entrodwir *Bill*, plis ka ki devan Tribinal Lafanmir i annan pou fer avek byennet zanfan. Tribinal i entervenir selman ler paran i neglig ou refiz pran zot responsabilite apre en separasyon. *This is the key issue*. Letan in ariv en separasyon *this is where things actually go wrong*.

Dan sak separasyon si paran pa tonm dakor swa lo *custody*, swa lo *maintenance* sa zanfan i vin viktim sa sirkonstans. I malere pou dir ki annan de fwa nou bliye poudir i annan en zanfan *in between* dan sa *equation*.

Sa bann lamannman ki nou pe fer ozordi se pou anvoy en mesaz for pou bann paran *both* manman oubyen papa ki ler zot pa kapab tonm dakor e Tribinal in fer en lord pou zot okip zot zanfan e zot pa fer li Tribinal Lafanmir pou pran bann mezir neser pou ranforsi lord ki'n fer pou byennet zot zanfan. E i enportan ki i annan sa entervansyon.

Mr Speaker, i annan serten merit lo konsern ki'n leve

lo serten paran ki pa servi lasistans sa larzan lasistans zanfan byen me sa i *minimum*, sa ki nou, nou war kot Servis Sosyal aköz mazorite paran i servi larzan *maintenance* zot zanfan byen. Sa pa devret vin en leskiz pou serten paran pa fer zot kontribisyon. O kontrè, zot devret retourn kot Tribinal avek akse ase levidans e demann Tribinal pou fer sa paran vin rann kont ki i pe fer avek larzan *maintenance* sa zanfan.

Nou war Mr Speaker, ki sa bann lamannman pe donn Tribinal sa pouvwar pou vin pli sever dan bann tel ka, e nou kot Departman Sosyal nou *rely* en kantite lo bann konversasyon ki dimoun i kapab vin dir nou. E ler sa i vin dan nou latansyon lanmenm ler nou osi nou kapab reazir e *bring to* latansyon swa *social worker* ki pe reprezant sa fanmir *through the* Tribinal letan i annan zot *Sitting*.

Alor, nou kontinyen dir sa larzan i la aköz i pe soutenir sa zanfan, be Mr Speaker, petet dan mon refleksyon e mon tim avek mwan letan nou pe koze nou demann nou lekor be ki *benefits* i anmennen letan nou pe pey sa lasistans, sa *child support* parey nou dir ki nou devret donn nou bann zanfan.

E si bann paran pe ekoute, zot bezwen konpran sa bann *benefits* ki sa i anmennen, pou nou fer grandi en zanf an pa fasil, e sa larzan sa *child support* ki i anmennen kot lakour e i la *irrespective of* ki diferans sa 2 paran i kapab annan sa zanf an i la dan milye, sa larzan i la pou kapab soutenir sa zanf an e sa i *remain the most important* konsiderasyon ou kapab dir.

Sipor pou donn zanf an osi mon pou dir i drwa sa zanf an, akoz ou ki'n met sa zanf an o monn, i drwa sa zanf an pou li ganny siporte e pou li ganny son *maintenance*.

E letan Lakour i aprouv sa bann peyman i pou drwa sa zanf an li osi i annan son drwa e paran i bezwen konpran bann *basic needs* parey nou dir ki en zanf an i annan.

Zanf an i bezwen son lozman, *so definitely* i dan en lakaz, zanf an i bezwen manze e nou konnen poudir ler zanf an i pli pti e ler i vin en *teenager* ki mannyer zot *consume* manze i diferan e nou konnen kan ki kout pli ser. So zanf an i annan en drwa pou li ganny manze, zanf an i annan en drwa pou li ganny son lenz, zanf an i annan en drwa pou li ganny son ledikasyon.

So, si i pe al lekol i pou bezwen annan tou son bann keksoz neser pou li kapab ganny son ledikasyon. E alor, sa larzan finansyel i la pou nou kapab siport drwa sa zanf an, so nou, nou'n koz plis lo paran i devret fer sa, pran i devret fer sa, me selman pa bliye poudir zanf an osi i annan son drwa.

E sa *co-parenting* parey nou dir, nou bezwen koman 2 paran partaz sa responsabilite finansyel pou nou kapab fer grandi nou zanf an. E bann *cost* ki vin avek parey nou konnen i ogmante, i ogmante e i ogmante. Boner nou ti pe demande par egzant, eski i pli ser pou *raise* en pti baba olye en *teenager*? Tou lede i vin avek son diferan *needs* e tou lede son *needs* i vin dan diferan fason i ogmante an mezir.

So nou pa kapab *actually* met en sonm lo enn en lot sonm lo lot, tou lede i vremen diferan. Alor pou nou kapab devlop sa *sense* mon kapab dir letan nou pe koz responsabilite *of* osi valer ki i annan en Onorab in koz lo la, sa valer i enportan pou nou realize poudir sa lenpak ki nou kapab anmennen lo en zanf an letan nou pa pe *adhere* ki Lalwa in dir nou oubyen nou obligasyon i kapab anmenn en keksoz en pti pe advers lo zanf an e nou vwar.

Bokou sa bann zanfan i kapab annan bann *issues behavior* dan lekol. I kapab annan bann *issues* emosyonnel e nou vwar zot menm lasante, parey letan en Manm Onorab in dir poudir zanfan pa oule sorti lekol pou li al dan lakour. I annan en rezon aköz i pa oule sorti kot lekol pou li al dan lakour.

Eski i pou al ganny en manze dan lakour, wi oubyen non? *I don't know, you know*, me si nou, nou'n pran nou responsabilite koman paran alor nou bezwen fer sir nou *adhere to* e nou konnen avek zanfan poudir ler nou adilt nou annan nou bann *stress* oubyen nou bann lakoler ek nou bann *anxiety*, zot osi sa i reflekte lo zot. So, la nou war devlopman zanfan i osi i annan en lenpak.

So Mr Speaker, mon pou dir poudir koman paran parey bokou Onorab in dir tou lede kote latab si nou annan sa lanmour pou nou zanfan, si nou *care* pou nou zanfan alor nou bezwen *fulfil* nou responsabilite. E paran i bezwen kapab annan en latitid pozitiv letan nou pe koz lo sa medyasyon.

E pou bann Onorab ki'n demann medyasyon, *mediation* i *throughout* sa *process* dan Lakour. So, Lakour in pran-

Tribinal in pran sa responsabilite *to set up* ki zot kapab annan sa *mediation* ki *take place* menm nou siport Minister Lafanmir. Zot osi zot annan en bout ki zot kapab anmenn ladan pou kapab ed bann zanfan, bann paran letan pe *go back and forth* e pa pe tonm dakor.

So, primordyal se annan sa medyasyon so *that* zot kapab tonm dakor lo en lagreman, e se sa ki nou pe dir. Paran parey mon'n dir i annan en obligasyon zot loblasyon i pa vin- *no matter what is going on between the two of them* sa loblasyon i reste lo zot pou fer sir ki zot zanfan pe byen ganny *look after*.

Mr Speaker, si posib mon a pran enn de bann pwen ki bann- ki Onorab in fer resorti zot pou mon kapab donn *clarity*. Bann ki'n koz lo medyasyon parey mon'n dir se pou redwir sa konfli.

Onorab Samynadin ou'n fer sa sorti vremen for se pou redwir sa konfli e i kapab annan en *compromise* pou zot kapab koze.

Prizon parey bann ki pe montre konsern *is the last option*. Penalti avek sa *fine imprisonment* i diskresyon Tribinal, ler nou'n dir *it goes up to 30 thousand* i pa vedir 30 mil, i kapab 3 mil, i kapab 4 mil, i

kapab 4 mil, i kapab 5 mil. So mon bezwen fer kler i a *the maximum* i diskresyon.

Dan prizon osi anprizonnan i osi i diskresyon Tribinal i kapab 1 an, i kapab 6 mwan, i kapab 3 an i kapab bann *maximum is the 3 years*. So, again sa is the last option.

Onorab Esparon letan ou'n koz lo bokou travayer i pa dan lanplwa formel, *you're right*, me selman en keksoz ki nou'n *agree* en prosedir oubyen en stratezi ki nou'n *agree* letan nou ti pe fer nou diskisyon avek Zidisyer se ki sirman letan zot pe al prizon i annan program dan prizon pou zot al travay.

The program is already there, e sa i pou an lord Lakour ki letan si zot pe al prizon *they will have to go and work*. E sa mon krwar i *quash* en kantite zot bann kestyon i pou zot tou pe demande si sa dimoun zis pou al asize dan prizon, non, pou annan- i annan bann program ki zot kapab al travay e resevwar sa larzan *and that money as maintenance will go to bann zanan*.

In adisyon avek sa, i annan en konversasyon ki Departman Sosyal avek Lanplwa pe fer kot nou *already* nou avan ler en dimoun i sorti dan prizon, Departman Lanplwa i al kot prizon, kekfw

zot pa ti konnen nou al kot prizon avan i sorti pou *enroll* li, *enroll them*. So that we know from the start nou i pe sorti dan 2 mwan, dan 3 mwan, dan 4 mwan e letan ou pou sorti nou'n fini ganny ou lo nou *database*.

So toultan nou, nou pe get avek Lakour pou annan en lord, so an Order will automatically dir sa dimoun pe sorti, i bezwen vin kot Departman Lanplwa e nou, nou fer *referrals*. E letan mon vini toultan mon dir zot nou annan plis louvraz ki dimoun savedir si nou pe refer ou 5 fwa, 10 fwa, 20 fwa ou pa ganny louvraz ou pou bezwen eksplike avek Lakour aköz ki ou pa ankor pran en louvraz, sirman dan 10 *referrals*, dan 20 *referrals* i bezwen kapab annan en louvraz ki ou'n ganny pran.

So Lakour nou pe *go all the way* ki tousala in vin an order, right so sa diskisyon avek Lanplwa avek Sosyal nou a pe fer *actually* pou nou kapab travay lo la. Bann ki'n lev kestyon lo *drug dependence* nou osi annan en program mon koz lo la avan lo bann dimoun ki lo drog, Departman Lanplwa i annan en program.

So i kapab i lo son drog nou pe fer son *reskilling* e nou pe ed li pou plas li dan louvraz e si i dan louvraz e sa petet i a

vin en *automatic deduction* parey nou konnen ki kapab ganny sa larzan. I pa fasil, nou seye, me selman i pa fasil.

Nou fer resorti ki letan zot pe al prizon i pa vadir sa sonm larzan i ganny efase, *the amount that is owned is still remain*, *right* si li i bezwen *still* war en fason pou li kapab montre e sa mon krwar ki dan sa *Bill* pe eksplik byen ou bezwen eksplik me donn en rezon akoz ki ou pa ankor kapab pran en lanplwa pou ou kapab antre dan en lanplwa formel me osi fer ou komitman.

Onorab Aglae wi, nou note ki Tribinal i annan *backlog* e se pour kwa sa *Bill* pe adres sa avek ogmantasyon avek kantite manm ki nou pou annan. Sa *Bill* i egzakteman pou nou kapab re adrese bann keksoz ki pa pe marse. Mon pran not ki toultan nou'n ganny lasirans avek *Judiciary at any point* Tribinal pe fer sa konversasyon avek sa i dimoun ki pa pe *meet* son obligasyon pou regard opsyon, solisyon, opsyon solisyon.

Be i annan en pwen zot bezwen *agree* avek mwan ki si napa zefor ki si napa en *good will* lo par sa dimoun tou aksyon i bezwen annan son kondoleans, *right*, so i annan en pwen ki nou bezwen ale e

hopefully sa aksyon i a vin en *deterrent*. So, parey mon'n dir program prizon i la e i deza pe marse.

Then nou regard lo bann responsabilite nou'n koz bokou lo la ki tou dimoun i bezwen kapab pran son responsabilite.

Onorab Vidot, ou'n koz lo fer sa larzan *maintenance become compulsive* letan pou sorti dan zot kont. I annan *what we call attachment of earnings order* e sa i *part of the maintenance order* e i an plas deza e *deductions* i ganny fer lo sa bann saler e peyman, bann peyman i ganny resevwar kot Lakour. So, deza sa i an plas.

So nou annan mekanizm kot pou fer sir parey mon'n dir ki dimoun i pran en lanplwa. *The reskilling program* i mars byen, *supervision access* mon kapab osi dir zot in tann mwan mon vin plizyer fwa kot Lasanble mon'n koz lo sa *crisis center* bann ki ti pe koz akse avek zanfana.

Pou le moman nou en pti pe partou letan akse i ganny fer pou zanfana akoz nou napa en landrwa ki permanan, me solman avek Bidze ki nou'n gannnen pou nou *crisis center* ki pou komans demare sa lannen avek 2026. Ladan nou pou kapab annan en *room* kot bann vizit, bann *access* i ganny

fer dan en landrwa ki *safe* be osi dan en landrwa ki *conducive*. Kot sa paran ki sipoz war sa zanfan i kapab vini.

Onorab Pillay in demann mwan si petet sa ki nou pe fer i zis *punitive*? Parey mon'n dir letan ou'n *exhort as much* ki ou kapab i annan en pwen ki ou bezwen la dan aksyon i bezwen annan son konsekans e sa mon mazine poudir li menm li i ava en *deterrent* pou bann dimoun letan zot pou mazine poudir ou konnen kwa mon pou al prizon pou sa serten letan eski i *worth it*.

So, mon'n eksplike osi poudir sa louvraz dan prizon i la pou kapab donn sa larzan *back to* nou bann zanfan. Onorab Arissol in demann mwan si i annan plis zonm ki madanm, mon napa *statistics* me selman nou konnen poudir i annan bokou plis bann imsyé ki pa pe pey *the maintenance order*. Be selman *I can- I know they have the statistics we can share that* me selman *it is the pattern*.

Konpozisyon zis pou reasir ou Onorab, konpozisyon *panel* i balanse *between* imsyé avek madanm, konmsi pou fer sir ki tou lede kote i ganny byen ekoute.

Ok, Onorab Labrosse ou'n demann mwan *the work of*

social workers, e wi nou louvraz i kontinyen e nou bann *training* i kontinyen, zanfan nou pou fini annan *training* Onorab aköz se evolisyon, sa louvraz ki nou fer avek bann *issues* ki *emerge* dan pei zanmen pou fini annan *training*, be nou fer sa ki nou kapab avek Bidze osi ki nou annan.

Mon krwar bann Mr Speaker, bann kestyon ki'n leve i preski en pti pe *parallel* so mon krwar mon'n kouver *as much* ki mon kapab. Parey mon dir nou *still hold it* koman en obligasyon ki paran i pran zot responsabilite e fer sir ki zot fer dan ki zot devret fer in *relations* avek zot zanfan.

So, pou terminen Mr Speaker, mon oule asir Lasanble ki sa bann lamannman pou ganny akonpannyen par bann restriksyon entern dan Tribinal pou li ogmant kapasite sekretarya Tribinal, pou fer Tribinal vin pli efektiv, pli reaktiv an menm tan fer bann paran vin pli responsab parey zot tou zot in dir anver byennet zot zanfan. E an plis respe pou Tribinal Lafanmir.

En dernyen petet refleksyon ki mon kapab dir petet piblik ki pe ekout mwan, e bann paran ki pe ekout mon, ki manner zot pou santi letan zot

zanfan pe grandi e zot zanfan i konpran poudir mon paran ti bezwen e ganny forse par en Lord Lakour pou fer mon grandi. Ki mannyer ou koman en paran ou pou santi?

Eski ou zanfan pou *hold this against you* en zour pou dir *we had to force you through the Court*, swa ou ti bezwen al prizon, swa Lakour ti bezwen met en lord lo ou pou fer mon grandi koman en zanfan. So zot bezwen mazin lwen e mazin lavenir ki mannyer zot zanfan pou santi, pou li sa zanfan me solman pou li sa zanfan santi atraver sa paran.

E mon asire tou paran ki met en zanfan o monn nou responsabilite se pou kontan sa zanfan. Be mazin *long term*, ki mannyer sa zanfan pou santi letan i pou realize ou ti bezwen ganny forse pou fer mon grandi. Mersi Mr Speaker.

MR SPEAKER

Mersi Minis. Avek repons Minis nou'n pare pou vot pou *Bill* dan *Second Reading*, Manm ki vot an faver lev lanmen silvouple. Mersi. Tou Manm in vote. Okenn Manm ki'n vot kont?

Lo *general merit Children (Amendment) Bill, 2025* 29 Manm in vot pour, 0 kont, 0 abstansyon, *Bill* in aprouve dan inanimite par Lasanble.

Madanm Clerk a fer *Second Reading*.

MADAM CLERK

Mersi Mr Speaker. *A Bill for an Act to amend the Children's Act*. Mersi Mr Speaker.

MR SPEAKER

Mersi. Nou'n ariv apre ler pran poz, me selman mon war i annan en pe lamannman me selman i sanble mwan ase *straight forward*. So mon krwar nou a kapab prolonze e fini avek *Bill* an se moman.

Nou a pas dan Staz Lasanble- dan Staz Komite. Onorab Hoareau ki pou *lead* lamannman, Onorab Hoareau ou kapab komanse.

HON JOHN HOAREAU

Mersi Mr Chair. Mr Chair, nou premye lamannman i ganny trouve anba seksyon 2 (a) katriyenm laliny kot i dir "*for a child*" after this word "*child*" nou retir "*for whom*" ou ranplas li par "*who*" apre i kontinyen "*the parent is liable to maintain*".

Apre nou al lo *subsection (b)* premye laliny after the word "*excuse*" i vin "*the proof of the lawfulness of the excuse*"

MR SPEAKER

Wi, Onorab Arissol ou ti annan en pwen la?

HON SANDY ARISSOL

Mr Speaker, mon ti annan zis en klarifikasyon mon ti a kontan demann avek *panel*.

Letan kot nou'n fer premye lamannman, "*such parent shall pay such sum as may be determined by the Tribunal a maintenance*" mon ti a kontan demann zot eski i annan en sif sa? Eski i annan en sif ki sa paran i peye, i ganny determinen dapre son saler? I annan en poursantaz, i annan en norm ki nou peye? Konbyen i egziste sa? silvouple. Mersi Mr Chair.

MR SPEAKER

Panel i oule reponn?

PS LINDA WILLIAM-MELANIE

Mersi Mr Chair. Mr Chair, pou reponn sa keston parey Minis ti eksplike dan letan i pe donn *rational*, lentrodiksyon sa *Bill*, *the sum will be determined by Family Tribunal* apre ki in ekout sa 2 parti in konpran zot *income*, zot *expenses* e avan ki i fer en lord, Tribinal i demann sa parti ki sa enn paran ki sa lot pe demann li *maintenance* si i agree avek sa sonm ki pe ganny demande avan ler ki i fer sa lord.

So, the sum is not prescribed, me Tribinal i sa-normalman sa paran ki fer sa laplikasyon i demann en sonm, e dan letan ka pe ganny pran par Tribinal, la sa sonm i ganny met devan sa paran ki nou apel li *the defendant* dan sa laplikasyon e la i deside pou li donn son lesplikasyon Tribinal si i aksepte oubyen si i pa aksepte.

E i annan de ka kot Tribinal i demann servis sosyal pou fer en lanket en *socio economic report* dan sa ka avan ler *the final sum* i ganny aprouve par Tribinal e lord i ganny fer. Mersi Mr Chair.

MR SPEAKER

Onorab Arissol, terminen.

HON SANDY ARISSOL

Non Mr Speaker, mon anvi klarifikasyon avan mon vot lo sa *Bill*. Mwan sa ki mon ti a kontan demann avek *panel* savedir ler nou pe koze la nou napa en sonm fiks, savedir sak paran ki vin devan Tribinal zot sif i kapab diferan konpare avek kanmarad depandan lo lord Tribinal? Mersi bokou.

MR SPEAKER

Ou a klarifye *PS*.

PS LINDA WILLIAM-MELANIE

Mersi Mr Chair. Wi Mr Chair, sa ki Onorab Arissol pe dir i korek.

MR SPEAKER

Thank you. Onorab Hoareau.

HON JOHN HOAREAU

Nou a kontinyen lo dezyenm laliny *after the word “which”* nou retir sa mo “*proof*” e nou kontinyen lo *second paragraph* anba (b) ankor, trwazyenm laliny *after the word “be”* nou *include or insert “an”* e *after the word “appropriate”* nou met “*sanction in the circumstances*”.

Nou al lo *clause 3*, trwazyenm laliny *after the word “excuse”* nou met “*the proof of the lawfulness of the excuse of which*” apre nou retir “*proof*”. Nou al lo paragraf ki swiv 6, trwazyenm laliny *after the word “with”* nou tir “*the relevant*” nou met “*an order*”.

E nou al aprezan lo *clause 5*, lo *clause 5* katriyenm laliny *after the word “and”* nou met “*11 other*” nou retir “*such number of*” e *after the word “members”* nou retir “*as a Chief Justice may consider necessary*”

MR SPEAKER

Ok, en moman. Onorab Arissol.

HON SANDY ARISSOL

Mersi Mr Chairman, mon anvi en klarifikasyon avek *panel* la. “*There shall be a Family Tribunal consisting of a Chair Person, Vice Chairperson and 11 other members*”.

Mon ti a kontan demann avek *panel* si i ariv okenn moman kot bann manm sa *panel* zot *recue* zot lekor an ka si i annan en manm fanmir sa garson, sa imsyen in deza avek mon ser prezan ki bann diskisyon ki bann desizyon ki ganny pran i pa ganny pran lo lemosyon me baze lo bann fe ki reel devan zot? Mersi bokou.

MR SPEAKER

Mersi. Minis, ou *panel* i ava adrese, PS in lev lanmen wi.

PS LINDA WILLIAM- MELANIE

Mersi Mr Chair. Wi Onorab, mon kapab asir ou ki bann *members, even bann Vice Chairperson or the Chair* i tir zot lekor dan bann, dan *Sitting* ler i annan en ka ki swa zot konn en dimoun ki pre avek zot, swa en manm fanmir swa bann ka ki i kapab annan serten kontrovers ki zot santi i kapab petet afekte desizyon oubyen dimoun i kapab konplent desizyon ki zot fer. Mersi Mr Chair.

MR SPEAKER

Mersi. wi Onorab Aglae, ou kapab al premye wi.

HON EGBERT AGLAE

Mersi Mr Chair. Mon oule en klarifikasyon anba menm sa-dan fonksyonman Tribinal.

Akoz plizyer Lalwa ki nou'n pase letan i annan bann konpozisyon parey, en keksoz ki mon pa'n remarke ladan se par egzanp si i en desizyon in ganny pran *ok*, e swa en parti pa pe kontan e en lot parti, napa en sanz pou fer en *form of appeal panel* la ki zot bezwen fer dan sa bann-

Par egzanp sa ki Tribinal in deside desizyon in dir mon pou donn tan, e petet sa lot paran ki li in fer *case* i santi ki *it's not a fair decision*, dan sa konteks. Ki i fer li?

MR SPEAKER

Thank you. Panel. Yes, PS?

PS LINDA WILLIAM- MELANIE

Mersi Mr Chairman. Mon pe konsilte avek *the legal draftsman*.

Me selman mon konnen osi zis mon partaz avek Lasanble, i annan sa posibilite apre en serten letan si i pa'n *appeal* deswit i pe verifie *the original Act* en, si i pa *appeal* tro deswit apre en serten letan sa *defendant* i ganny drwa pou li

retourn kot Tribinal pou li fer en laplikasyon pou fer en *variation of the order*.

I kapab pou *custody* i kapab pou *access* i kapab pou *maintenance* anba Lalwa i donn li sa permisyon sa drwa pou li fer sa. So, e posibleman ankor parey nou pe dir i kapab pa menm *panel* ki ekout sa laplikasyon *variation order*.

MR SPEAKER

Thank you. Nou a kontinyen, Onorab Georges ou ti annan en pwen.

HON BERNARD GEORGES

Yes, Mr Chair. Mr Chair, mon ti avek ou permisyon mon kapab retourn lo *sub clause 6 to clause 3?*

Kot nou tir "*the relevant*" e nou'n ranplas li par "*an*" mon pe regard sa ankor e mon demann mon lekor si aneife i pa sipoze "*the order*"? Akoz si nou lir li byen, nou vwar *in issuing an order the Tribunal may prescribe default sentences which may be enforced upon proof of non-compliance with it should be the order.* Akoz *it's the order that they have issued.*

So, mon pe propoze *an amendment to the amendment* avek ou permisyon *to replace "an" by "the"*. Mersi.

MR SPEAKER

Panel ek Manm i dakor? Panel in dir wi. Mon krwar lengwistikman ou annan rezon, “the order has been referred to”. Onorab Hoareau kot ou'n arive ou a kontinyen please?

HON JOHN HOAREAU

Mersi Mr Chair. Mr Chair, nou kontinyen avek *sub clause (b)*, anba *amendment to section 77* e premye laliny *after the word “at least one or”* nou met *“of the Vice-Chairperson”*.

Apre dezyenm laliny.

MR SPEAKER

Eskiz mwan dan mon versyon i napa en “s” avek *“Chairperson”* la. So, eski i devret azoute? Regarde Onorab Hoareau, si mon pa konnen si mon versyon i parey ek pou ou. *If it's one of the it has to be “Vice-Chairpersons”, ok. Thank you.*

HON JOHN HOAREAU

Nou ava *include* en “s” avek *“Vice-Chairpersons”*. *And substituting therefore the words “at least two of the Vice-Chairpersons”*.

MR SPEAKER

Thank you.

HON JOHN HOAREAU

E nou al answit anba *clause 6* trwazyenm laliny *after the word mediation* nou *include “if it is in the best interests of the child and”, e after the word “appropriate”* lo menm laliny nou retir *“and if it is in the best interest of the child”*. So *after appropriate* i vin en *full stop*.

E Mr Speaker, sa i dernyen lamannman e mon ti a profite pou remersi tou bann Manm *Bill Scrutiny* e osi tou bann dimoun kot *Attorney General's Office* ki'n ed nou avek bann propozisyon, bann lamannman ki'n ed nou ki'n travay ansanm avek nou pandan sa lannen ki nou'n kapab kouver *clock*, mon krwar *175 Bill* si mon pa tronpe.

Alor, mon pe remersi tou sa bann dimoun e osi nou *staff* sekretarya ki'n la a kote nou, ki'n donn nou sa sipor pou sa travay e tou bann lezot Manm ki'n kontribye. Mersi.

MR SPEAKER

Mersi Onorab. Bon, nou'n terminen avek amendment nou a kapab bouz dan Staz Lasanble. Pran *Third Reading*. Nou a ganny Mosyon pou *Third Reading* Onorab Arissol.

HON SANDY ARISSOL

Mersi Mr Speaker. Bonn apre midi ankor enn fwa. Mr

Speaker, anba *Order 76(1)* mon oule *move* ki *Bill Children Amendment Bill, 2025* as amended i ganny lir en Trwazyenm Fwa. Mersi.

MR SPEAKER

Mersi. seconde Onorab Esparon.

HON REGINA ESPARON

Mersi Mr Speaker. *Motion seconded.*

MR SPEAKER

Mersi. Nou a vot lo *Bill* dan *Third Reading*. Manm ki an faver lev lanmen. Mersi. tou Manm in vote. Napa Manm ki vot kont?

Lo *Formal Third Reading Children Amendment Bill 2025, as amended* 29 Manm in vot pour, 0 kont, 0 abstansyon, *Bill* in aprouve par Lasanble. Madanm Clerk a fer *Third Reading*.

MADAM CLERK

Mersi Mr Speaker. *This Act may be cited as The Children Amendment Act, 2025 and shall come into operation on such date as the Minister by notice in the gazette appoint.* Mersi Mr Speaker.

MR SPEAKER

Mersi. *Bill is passed.* Mon bezwen dir ki i en gran soulazman, en gran lankourazman ki sa *Bill* in ganny aprouve avek en vot inanim lo lapar Manm, i en senbol ki i annan en serten nivo korperasyon ler i ariv ki bann size kot i annan lentere an komen.

E donk i vreman en pli gran lankourazman akòz sa i nou dernyen *Bill* pou sa term e i byen i donn ou en bon santiman pou fini lo en not konsanti e pozitiv. Mersi bokou pou zot sipor.

Mersi Minis ek zot delegasyon zot partisipasyon mon a swet zot bon depar e bonn kontinyasyon mon a les zot sorti e Manm i a tenir en pti moman. Mersi.

Nou pou annan en pti *item* ki annan pou fer avek *Bill* e sa se dapre en dernyen revizyon *Order Paper* ki ganny sirkile avek zot, zot in war nou'n met en *Bill* ki lo devan Lasanble ki ti ganny *First Reading* depi en pe letan e ki zanmen Lasanble in pran e i annan en nesosite ki nou dil avek zot e Onorab LGB in propoze pou *withdraw* sa *Bill* e sa se *Mayor of Victoria Bill*. Donk, LGB ou a pran laparol lo la.

HON BERNARD GEORGES

Mersi Mr Speaker. Mr Speaker, mon Mosyon i vin anba *Order 77*, lannen koudeta, anba *Order 77* nou *Standing Orders* pou mwan *withdraw* sa *Mayor of Victoria Bill, 2021* si mon pa tronpe, 2022? 22, eskiz mwan 2022.

Permet mwan Mr Speaker, donn en pti leksplikasyon pou bann Manm avek piblik ki pe swiv nou aköz mon pe fer sa Mosyon.

Annefe ler sa *Bill* ti ganny gazete, swa avan oubyen apre son *First Reading* mon pa rapel lekel, Lasosyasyon bann Distrik Victoria ADV, sa 7 distrik ki konsiste ou ki anglob Victoria nou ti rankontre pou regard sa *Bill* e nou ti realize ki ti annan serten defayans ladan e ti annan serten kestyon ki pa ti permet nou sipòrt sa *Bill* manner ti ete e i ti ava bon retourn e annan en pe plis konsiltasyon lo la.

Me malerezman sa zanmen in arive e se pour sa rezon zanmen mon'n demande pou met sa *Bill for Second Reading* e mon eskiz mon lekor devan Lasanble, devan piblik Seselwa ki nou pa'n kapab fer sa.

In toultan nou lentansyon me zanmen nou'n *get round to it* aköz i ti pou en diskisyon en pe gran e se pour sa rezon donk ki

la ki nou pe al ariv a lafen nou Lasanble nou'n santi li bon olye les li trennen pou met en lafen avek sa *Bill* i ava retourn devan Lasanble a en moman apropiye ki Gouvernman i swazir e dan en laform ki Gouvernman i ava swazir.

Donk, mon Mosyon se anba *Order 77* pou *withdraw the Mayor of Victoria Bill, 2022*. Mersi.

MR SPEAKER

Mersi. Mersi Onorab. Bon nou pe termin la lo *Bill*, me selman nou pe rebran Lasanble, nou pou pran en poz mon'n propoze avek *Assembly Business Committee* ki nou fer en pti sesyon pou termin sa trimes Lasanble e osi rekonnet lafen sa term Lasanble.

So nou pou pran en poz nou a retournen pou nou fer en sesyon lo la e mon ou le dir ki sa i pou enkli en lenvitasyon pou sak Manm fer en pti mesaj pou zot *constituent* parey nou fer tradisyonnelman letan nou termin en lannen.

So, mon enform zot sa pou zot kapab fer en pti refleksyon si neser e letan pou tre kourt pou adres sa mon pe propoze 1 minit, letan pou kot aköz i annan 34 zot la dan lasal apard enn de ki manke. So i pou pran en bon pe letan, so zot bezwen

kourt. Donk, nou a pran en poz e nou a rebran 4er 20. Mersi.

(BREAK)

MR SPEAKER

Bon, mon bann koleg bann Manm parey zot sirman konnen kantmenm nou pa ti ankore fer okenn lanons ofisyel ozordi i dernyen *sitting* Lasanble pou sa trimes. E an prensip pou sa term osi, pou sa 7enm Lasanble. Nou'n fini avek bann Prozedlwa ki ti devan nou ki nou ti'n dir nou pou pran.

E parey mon ti deza anonse dan ABC, e osi avek bann Manm nou pe termin avek sa kot nou'n arive. Mon regrete ki nou pa kapab pran sa 2 Mosyon ki lo *Order Paper* osi. Me selman nou'n aksepte poudir sa bann Mosyon i kapab pas dan en lot Lasanble. Alor, se pou sa ki mon'n dedye sa porsyon nou *sitting* sa dernyen morso pou mark en konklizyon lo sa term Lasanble, lo sa trimes ek sa term.

Mon ti a swete kapab fer en seremoni pli formel pou termin sa term Lasanble. Me selman nou'n prese dan bann dernyen moman avek bann travay ki'n devan nou. E nou'n bezwen fer legzisans pou sa bann Prozedlwa. Donk, nou pou zis fer en keksoz en pe pli senp.

Me avan mon al lo lafen termin sa term Lasanble, mon oule eklersi en size ki mons anti mon oule fer en konklizyon lo la pou Manm e pou piblik. E sa i plito en size pa administrative me avek travay Lasanble. E sa se size Rapor Komite lo Deklarasyon Byen, (*Declaration of Assets*). Mon oule fer 2 keksoz;

1. Mon oule donn mon *Ruling lo matter of privilege* ki Onorab Pillay ti leve bomaten.

Premyerman mon oule dir Onorab Pillay ti prensipalman lev koncern lo legalite bann summons ki son Manm in gannnen pou aparet devan Komite. E swivan mon demann Onorab Pillay in donn mwan son *Matter of Privilege* an ekrire, ki mon pou enkli avek sa rapor dan son dosye.

Onorab Pillay, ti dir premyerman ki *summon* anba en *Standing Order 88(3)* ki son bann Manm ti'n gannnen premye ti mal, akòz sa *Order* i aplik pou FPAC. E mon oule dir sa i korek, mon dakor ki sa *summon* pa ti annord.

I ti osi obzekte lo dezyenm *summon* ki ti ganny fer anba Lartik 104(c) Konstitisyon. Lo la mon oule dir ki mon'n konsilte Lartik 104 Konstitisyon. E Lartik 104 i efektivman dir ki

tou Komite Lasanble i kapab *summon* dimoun pou aparet devan en Komite ki'n ganny konstitye. Lobzeksyon Onorab Pillay, ti ki sa *summon* pa ti'n devret ganny sinyen par sekreter sa Komite. E sa i ti fer referans plito avek *Assembly Powers Privileges and Immunities Act*.

Mon konsidere ki lareg apropiye pou Komite apel dimoun dan *summons* i anba *National Assembly Procedures for Committees*. E sa dan son rule 24, sa dan son *rule 24* i dir *summons*es to attend a Committee meeting shall be issued under the hand of secretary or the Clerk under the directions of the Speaker or the Chairperson of the Committee.

Mon krwar Komite pa ti mansyonnen sa lareg. Selman Komite mannyer in fer son *summons* i annakor avek lareg Lasanble. So, mon konsidere ki dezyenm obzeksyon Onorab Pillay i pa valab aköz i annan sa lareg ki permet Komite *summon* son Manm e ki permet sekreter sinyen, si *Chairperson* oubyen *Speaker* in donn li direksyon.

Alor, donk mon krwar ki poudir sa size *summons* i ase kler pou mwan kapab *rule* lo la. Prezan mon oule donn en *ruling* provizwar lo rapor sa Komite li menm. E mon dir provizwar

aköz mon'n fer en premye letid ladan. E sa ki mon pe dir i pa neseserman egzakteman parey mon pou met li an ekrir pou atas avek sa rapor. Se pou sa ki mon dir li provizwar, mon pe zis enform zot konteni plito ki i pou annan ladan.

Sa rapor in ganny soumet avek mwan pou pran aksyon. E mon fer remarke ki sa rapor pa'n met okenn sanksyon kont okenn Manm kwa ki in admet in rekonnet, ki in kapab annan serten mank *compliance* avek Lalwa Deklarasyon Assets. E Komite in raport in mansyon rezon aköz Lasanble pe ariv a lafen egzakteman. E zot pa war validite met sanksyon kont Manm. Mon aksepte sa.

Sa rapor son ki pa rekomann okenn sanksyon disipliner. Me sa ki i fer in war ki i annan en mankman, e ki i bezwen adrese. E in rekomande ki lareg Lasanble setadir *Standing Orders* ek *Code of Conduct* i ganny amande pou asire ki Manm i reste an konformite avek tou Lalwa e regilasyon ki neseser pou protez lentegrite.

Alor, sa ki pou arive se ki mon pou soumet sa rapor avek bann rekomandasyon avek mon komanter lo sa bann rekomandasyon, avek *Standing Orders Committee* pou li fer sa

premye travay lo revizyon. E mon pe envit li osi pou regard *Standing Orders* e *Code of Conduct*, pou kapab war ki manner zot kapab swiv bann rekomandasyon ki mwan mon pou zize i apropiye. Sa i lo sa size sa Rapo *Declaration of Assets*.

Prezan mon oule pran en pti moman pou adres Lasanble lo lafen nou term, e lo *recess*. Nou pe al dan *recess* apartir ozordi, e sa i pou en pe pli long ki labitid. Zot konnen poudir normalman, nou pran 5 a 6 semenn *recess* ki kwensid avek vakans lekol. E ki normalman tonm zis avan 15 Out.

Sa voyaz nou pe pran en *recess* en pe pli long. E li i pou al pou apepre 7 semenn. Rezon prensipal pou sa se ki nou pe enprimann proze sanz twatir Lasanble. An diskisyon avek kontrakter atraver SIA Lazans Lenfrastriktir, nou'n etabli ki sa proze pou pran omwen 6 semenn. Me selman nou'n aksepte ki i kapab pran 8 semenn pou fer konpansasyon pou okenn retar par lapli oubyen non, oubyen bann keksoz koumsa.

So, Lasanble pe pran *recess* ozordi, e nou pa pe repran travay ziska ler term Lasanble i terminen. Prezan lo lafen term Lasanble. I annan en

pe konfizyon si Lasanble i devret ganny dizourd oubyen non. Mon pou eksplik bann lareg Konstitisyon ki adres disolisyon Lasanble. Lartik 106 dan Konstitisyon i prevwar ki lafen en term Lasanble i ariv a lafen natirel i ariv a lafen son 59enm mwan apre ki in ganny konstitye.

So, i Lartik 106 (2) ki nou pe aplike an se moman. E mon met a latansyon piblik ki'n lev size Lasanble i bezwen dizourd i annan 2 lezot posibilite dan Konstitisyon ki permet disolisyon Lasanble, sa se anba Lartik 110 kot Prezidan i kapab dizourd Lasanble. E anba Lartik 111 kot Lasanble i kapab dizourd son lekor.

Nou pa pe pran okenn sa 2 provizyon a mwen ki sirkonstans i sanze, aköz Lasanble i ankor an fonksyon, i ankor egziste ziska ler i ariv a son term natirel ki i tonm le 28 Septanm setadir ki kwensid avek eleksyon zeneral. E sa in dat in ganny preskri dan 11enm lamannman Konstitisyon parey zot konnen. Donk, vwala sa se sityasyon ki nou ladan la.

Donk, nou pe anvizaze pran *recess*. Me parey mon'n dir menm ki in mank nou serten seremoni mon ti a kontan pran sa lokazyon pou permet sak Manm pou kapab dir en mesaz

zot *constituent* e pou limit zot lekor briyevman pou 1 minit sirtou pa depas 2 minit. E nou a kapab servi sa koman en moman tradisyonnel pou nou termin nou term Lasanble. Donk, mon ava apel bann Manm dan lord alfabetik zot sinyatir.

Mon annan en lalis sinyatir la. E mon pou apel dapre sa, selman i reste ki mon mank enn, aköz mon pa'n met li byen dan lord alfabetik. Pa trakase si mon apel enn ki mon pa apel en lot ki avan mon a retourn lo li. Donk, pou komanse mon ava apel Onorab Francois Adelaide s ii anvi adrese.

HON FRANCOIS ADELAIDE

Ankor enn fwa bonn apre midi Mr Speaker. Mersi pou donn nou sa sans poudir de pti mon pou nou *constituents* e nou *constituency* pou lafen nou term. Dabor mon oule remersi tou zabitan Baie Lazare ki'n met konfyans dan mwan. E mon'n vin sa lavwa pou zot dan Lasanble Nasyonal. E esperon zot in apresye mannyer mon'n travay. Mon pa bezwen donn bokou leksplikasyon, tou levidans i la.

E mon oule remersi mon DA ki'n travay avek mwan pandan sa 5an. Tou bann lezot

dimoun mon clerk, e tou bann *leaders* dan Baie Lazare ki zot osi zot in aport soutyen pou mwan pandan sa 5an ki mon'n travay. Esperon ki zot osi zot satisfè. E mon ankor a zot dispozisyon pou sa 8enm Lasanble. Esperon ki zot a fer bon swa e zot a met mwan dan Lasanble pou mwan kapab kontinyen fer sa travay pou Baie Lazare. Ankor enn fwa mersi bokou pou zot tou.

MR SPEAKER

Mersi Onorab. Onorab Egbert Aglae.

HON EGBERT AGLAE

Mersi Mr Speaker. Dabor mon ti a kontan remersi Bondye Papa, ki'n kapab gid mwan sirtou pou kapab termin sa 4an edmi sote dan sa Lasanble.

Mon osi remersi rekonnet tou zabitan Port Glaud, tou siporter, e osi bann ki'n pa neseserman siport mwan dan en fason ou en lot.

Me selman ki nou'n kapab travay ansanm, ki mon pou la a kote zot pou kontinyen donn sa sipor e soutyen nou distrik.

Travay Lasanble in ganny gide avek osi travay ladministrasyon distrik, mon remersi DA ek son lekip ki'n donn sipor dan en fason ou en

lot, pou kapab fer le nesese dan distrik.

Osi mon le remerci mon manm fanm ki'n sipòt mon dan en parkour ki i pa vman fasil, e tou mon bann kole Onorab, ki la avèk nou ki nou'n pas dan en parkour difisil.

Osi mon rekonnèt *secretariat Lasanble* ki enkli ou Speaker, pou bann travay ki ou'n fer ki nou kapab vini sa 2 zour Lasanble pou nou fer nou bann travay.

E avèk sa mon remerci Lepep Seselwa osi, pou met konfyans dan nou travay, dan nou parti lo kote isi sa kote latab, e ki nou pou kontinyen travay, e ki mwan mon pou la pou vini dan 8enm Lasanble. mersi.

(APPLAUSE)

MR SPEAKER

Onorab Clifford Andre, pa dan lasal, me nou'n dakor pou dir bann *Leaders* i a pran laparol dernyen, e si zot le dir en mo lo lapar zot bann Manm ki pa avèk nou ozordi zot kapab fer li a se pwen. Alor mon ava al kot Onorab Phillip Arissol.

HON PHILLIP ARISSOL

Mersi Mr Speaker. dabor mon ti a kontan remersye ou avèk ou secretariat, tou travayer

Lasanble, *Caucus* mon *Caucus LDS*, e tou lezot Onorab, bann travayer dan *Caucus LDS*.

Spesifikman mon ti a kontan remersye Gouvernman Sesel, pou sipòt ki'n donn mwan koman *MNA* pou distrik Anse Boileau, e anefè bann dimoun Anse Boileau osi tou mon ti a kontan remersye tou zabitan Anse Boileau.

Ki nou'n kapab fer sa parkour 5an ansanm, e mon konnen pou dir zot in vwar pandan sa 5an progre ki Anse Boileau in fer, e mon ti a kontan dir avèk zot kontinyen kit sa parti o pouvwar ki sa dimoun ki vin apre mwan i a kapab kontinyen pou anmenn Anse Boileau kot nou anvi arive.

Mon ti a kontan remersye *DA*, mon *clerk*, spesyalman mon fanm ki'n sipòt mwann pandan sa 5an. Mersi.

MR SPEAKER

Mersi Onorab. E nou lo Manm Arissol, Onorab Sandy Arissol.

HON SANDY ARISSOL

Mersi Mr Speaker. Ankor enn fwa, bonn apre midi tou dimoun ki a lekout. Mr Speaker, mon ti a kontan komans par ou menm pou dir ou mersi, koman sa Speaker, ki'n gid nou ki'n annan bokou lasazes, e

pasyans anver nou koman bann Manm.

Mon ti a kontan remersi ou Clerk avek ou *Deputy Clerk*, de dimoun ki nou'n angaz en kantite avek ki'n donn nou bokou sipor, e sa mon pe koz Clerk avek *Deputy Clerk*, mon pe osi enkli zot *staff*.

Depi sa *staff* ki resevwar nou dan baro ziska sa enn ki netway nou lofis kot nou, nou asize koman sa *Caucus*, e mon anvi profite pou dir mersi tou bann zofisye Gouvernman ki'n vin dan Lasanble Nasyonal, ki'n rann nou en servis avek zot bann zofisye.

Bann Minis, zot bann zofisye ek zot bann profesyonnel ki'n donn nou sa lankourazman dan sa travay ki nou'n fer.

En mersi spesyal i al pou mon *Caucus* Mr Speaker, pou tou mon bann Manm, i annan Manm ki ankor la, e nou osi annan bann Manm ki ti zwenn nou boner 4an pase, e apre zot in ale.

Par egzanp, nou ti annan Clive Roucou, nou ti annan Jany de Letourdie, Onorab Flory, ek Onorab Naddy, mon anvi dir ek zot mersi bokou.

E letan mon pe dir mersi Mr Speaker, nou osi mazin nou ser Rosie, ki en fason ou en lot ti kit nou, be selman i osi in fer

son kontribisyon ansanm avek nou *Caucus* e pou nou koman bann Manm Lasanble Nasyonal.

Mon ti a kontan dir en mersi tou bann constituency *clerk*, tou bann constituency *clerk* bann ki'n la, bann ki'n ale, bann ki ankor la pe fer zot travay, enkli DA Bel Ombre avek tou son *staff*.

Mr Speaker, pou konklir mon ti a kontan dir en mersi spesyal pou tou bann dimoun ki get nou, ki swiv nou lo radyo, televizyon swa ou viv isi swa ou viv aletran- ou reste isi swa ou viv aletranze.

Mersi pou zot sipor, mersi pou zot *text* zot *WhatsApp* ki zot in anvoy nou, pou zot kontribye zot osi dan sa travay ki nou fer.

En mersi spesyal mon ti a kontan se zabitan Bel Ombre, se zot ki ti elekte mwan pou mwan kapab vin dan Lasanble Nasyonal pou reprezant zot, koz pou zot.

Mersi pou zot sipor, mersi pou zot konfyans, e mersi pou zot kindness ki zot in ofer mwan pandan sa dernyen 5an ki mon'n la. Mersi bokou Mr Speaker.

MR SPEAKER

Mersi Onorab Arissol, e nou a swiv avek Onorab Bastienne.

HON DESHEILA BASTIENNE

Mersi Mr Speaker. Mr Speaker, an premye mon le dir en gro mersi tou zabitan *Ile Perseverance*, ki'n met konfyans dan mwan pou fer mwan vin zot lavwa isi dan sa Lasanble.

Mersi pou tou bann aktivis ki siport mon, e ki ankore dan mon kote. Mersi pou mon *clerk* ki la avek mon ozordi, e osi en mersi spesyal pou Hazel Arame, ki ti komans koman mon *clerk* an premye.

Mon dir osi mersi Madanm Claudette Agathine, mersi pou mon de *DA*, Langia avek Nicole, ki ankore la pe travay.

E osi mon pou dir en mersi Aaron Bonnelame, ki nou ti komans sa travay ansanm, e mersi tou travayer dan tou lede ladministrasyon distrik *Ile Perseverance*.

Mon osi annan en mersi pou koleg lo kote *Caucus US* ki pou zot *friendship*; en gro mersi i al pou mon *Caucus LDS* pou tou zot sipor ek bon konsey ki zot ti donn mwan.

En remersiman spesyal pou ou menm Mr speaker, pou tou ou sipor dan diferan fason, mersi pou tou bann travayer isi kot *head office* Lasanble Nasyonal, zot osi mon remersi

zot pou zot sipor ek zot *friendship*.

Remersiman ankore i al pou Gouvernman Sesel, pou tou sipor ki'n donn mwan ler mon ti dan mon letan malad, dan mon bezwen, e osi pou bann endividi ki'n donn mon sa sipor pou mwan kapab reste travay dir dan *Perseverance*.

E mon remersiman spesyal i al pou tou mon manm fanmir ki'n la dan mon kote, ziska la ki'n donn mwan tou sa sipor ek soutyen. Mersi.

MR SPEAKER

Mersi Onorab. Onorab Bijoux.

HON GERARD BIJOUX

Mersi Mr Speaker. Mr Speaker, mwan osi mon le dir mersi pou mon parti *LDS*, ki'n donn mwan sa sans pou mwan vin dan Lasanble koman en Manm Proporsyonnel.

Mon le osi remersye ou Mr Speaker, avek tou ou *staff* Lasanble, pou sa bann konsey ki mon'n gannye pandan sa bann- pandan sa 5mwan ki mon'n la dan Lasanble.

Osi en mersi spesyal pou mon madanm, pou son konprenezon, avek sanzman mon karyer. Mon le remersi osi mon *clerk*, ki pe travay ase pre avek mwan dan distrik.

E osi mersi bokou bann dimoun Anse Royale, bann zabitan Anse Royale ki pe kontinyelman donn mwan sa sipor, e mon konvenki ki dan 8enm Lasanble mon pou la koman zot *MNA* Anse Royale. Mersi.

(APPLAUSE)

MR SPEAKER

Mersi Onorab, prosen Onorab Esparon, eskiz mwan Onorab Bistoquet, avan.

HON ANNE BISTOQUET

Mersi Mr Speaker. Bonn apre midi tou dimoun a lekout. Mr Speaker, mon osi mon le remersye Parti *LDS* pou konfyans ki zot in met dan mwan, menm si mon pa'n vin dan Lasanble dan en sirkonstans ki dezirab, me selman parey nou tou nou konnen avek maler Onorab Rosie Bistoquet, ti bezwen annan en ranplasan, e mon remersye *LDS* pou konfyans ki zot in met dan mwan.

E osi *Caucus LDS* pou zot sipor ki zot in donn mwan tou dilon ziska la. Mr Speaker, mon oule osi remersye ou pou ou bann gidans, pou ou sazes, e pou lafason ki ou'n diriz Lasanble, mon le remersye ou

secretariat, e tou *staff* Lasanble pou zot sipor kontinyel osi.

Mon le osi remersye mon *clerk*, premyerman Daniella Arissol, ki ti mon *clerk* komansman, e apre ki mon'n ganny mete koman en reprezantan Roche Caiman, mon le remersi mon *clerk* Doris Philoe, pou tou bann travay ki nou pe fer ansanm.

Mon oule osi remersye Ladministrasyon Distrik Roche Caiman, bann Minister, pou ki zot in kapab ekout bann konsern ki mon'n anmenn devan pandan sa letan ki mon'n ganny mete koman reprezantan sa distrik pou *LDS*.

E mon remersye osi tou zabitan Roche Caiman, pou zot sipor pou bann ki'n akey mon devan zot laport, e menm si pa nou tou ki annan menm lopinyon, me zot tou zot in vreman akeyan pou mwan vin kot zot.

Mon annan en remersiman spesyal osi - i al pou Onorab Jany de Letourdie, pou son travay ki'n fer pou Roche Caiman, e pou son sipor kontinyel ki pe kontinyen travay avek nou e siport nou.

Mon oule osi remersye *MNA* Elekte Roche Caiman, pou bann konsern pandan sa 5an ki'n anmenn pou son distrik, e mon swet li tou de bon, tou le

meyer dan sa eleksyon ki pe vini. Mersi.

(APPLAUSE)

MR SPEAKER

Mersi. Onorab Esparon, prezan wi.

HON REGINA ESPARON

Mersi Mr Speaker. Mon ti a kontan dabor remersi ou menm Mr Speaker, Madanm Clerk, Madanm *Deputy Clerk*, tou *staff* Lasanble dan *secretariat*, bann madanm *cleaners*, serzan, e lezot ki'n donn zot korporasyon diran sa 5an.

Egalman mon ti a osi kontan remersi zabitan Glacis, ki mon pe reprezante dan sa Lasanble, *DA*, mon *clerk* pou zot sipor pandan mon manda.

Mon bann koleg *MNA*, e *staff* dan biro *LGB*, *LGB* menm, *Chief Whip*, in en parkour enteresan ansanm.

Mersi pou zot sipor, e kanmaradri nou'n serye kan ti fodre, nou'n riye kan ti gou, e nou'n osi plere ansanm kan maler in tap nou laport, e la i fer mwan mazin nou defen ser defen Rosie.

Me nou'n reste touzour solid, bonn sans bann ki pe al konteste sa eleksyon, e en swe se fotespere sa 8enm *Cohort* a

retourn ek plis madanm reprezantan dan Lasanble.

Mersi pou mon *Caucus* Madanm ki nou'n travay pre ansanm, mon *Vice Chairperson* Onorab, Onorab Vidot, e i pa en orevwar, me i en *adieu*. Mon dir bonn sans, e mersi bokou.

MR SPEAKER

Mersi Onorab. Onorab Gabriel.

HON CONRAD GABRIEL

Mersi Mr Speaker. Mon a dir bonn apre midi a tous, tou dimoun ki a lekout. Dabor mon ti a kontan remersi tou dimoun ki'n ed mwan depi 2020 ziska la, e sa i konpri mon fanmir, mon bann zabitan Pointe Larue, ki ti fer mwan sa konfyans pou reprezant zot.

E osi mon Komite Egzekitiv, ki enkli mon *CC Member*, e mon clerk, e tou lezot ankor zot konnen lekel zot. Mon remersi bann travay isi kot sa Lasanble komansman par ou menm Mr Speaker, malgre tanzantan ou'n koup, koup mwan. Sa i *ok*, in fer mwan pli for.

Deputy Speaker, Clerk, Deputy Clerk, e an desandan ziska kot nou bann *housekeepers* mon dir zot en gro mersi.

An terminan, mon ti a kontan remersi sa 10 Manm lo

sa kote lataab, e sa mon komans avek *LOTO* Onorab Pillay, *Chief Whip* Onorab Lemiel, *I wish you a speedy recovery* Onorab Lemiel.

Deputy Whip[Onorab Aglae, Onorab Gill, Onorab Vidot, Onorab Tamboo, Onorab Larsen, Onorab Uranie, e Onorab Loze, san oubliy Onorab Gislain, Onorab Sophola, Onorab Ernesta, Onorab Willbert Herminie, Onorab Spiro, e finalman Onorab Cosgrow, ki ti form parti sa lekipe depi komansman.

Avek Conrad Gabriel, koman zot *MNA*, Pointe Larue pou bouze, e fer plis progres sa mon garanti zot. Byensir i annan bokou travay pou fer, e malgre ek bokou difikilte e lobstak ki mon'n pas ladan mon pa'n dekouraze.

Me kontrere mon'n vin pli mesan, e pli determinen ki zanmen avek zot sipor travay pou kontinyen, pou nou konnen ki egzakteman pe arive ek nou *Airport*, e tou lezot nou bann proze ankor.

E lo sa *note* mon a profite pou swet tou nou bann atlet ki pe partisip dan sa sanpyonna *CJSOI*, espesyalman bann ki sorti dan distrik Pointe Larue, e i annan en bon pe zot, bonn sans e bon kouraz ki Bondye i

beni zot, e beni nou pti pei Sesel. Mersi.

MR SPEAKER

Mersi, Onorab Gill.

HON CHURCHILL GILL

Mersi Mr Speaker. Bonn apre midi tou Manm, e tou dimoun ki pe ekout nou. Premyerman mon le remersi zabitan Baie Ste Anne pou zot rezilyans, e zot patriyotik.

E mon le zis dir zot, nou travay pou kontinyen Lasanble ki pe al dan *recess*, me nou travay pou kontinyen. mon le remersye mon *clerk* e mon tim travay dan distrik Baie Ste Anne.

Mon le remersye nou *Leader*, *Leader* nou *Caucus* Onorab Sebastien Pillay, avek tou nou bann Manm *United Seychelles*, pou sa travay eksepsyonnel ki nou'n fer pou pep Seselwa.

An menm tan mon le remersi you bann Manm ki nou'n travay ansanm lo diferan Komite, pou bann travay ki nou'n kapab fer dan nou responsabilite pou fer nou Lasanble fonksyonn pli byen.

An menm tan mon le remersye tou *staff secretariat*, enkli ou Speaker, e tou bann lezot *staff* Lasanble, ki'n donn

nou bann sipor ler nou'n la pandan sa 4an edmi.

Mon le osi remersi *staff* dan biro *Leader* Lopozisyon, pou bann sipor ki zot in donn nou bann letan ki nou'n la dan sa 4an edmi.

E pou fini mon le remersi tou Seselwa, e mon swete ki tou travay i a kontinyen, e tou dimoun a kapab viv anpe, e fer bann desizyon ki zot anvi fer dan lape. Mersi.

(APPLAUSE)

MR SPEAKER

Mersi, Onorab Henrie. Onorab Henrie.

HON GERVAIS HENRIE

Mersi Mr Speaker. Bonn apre midi tou dimoun, partikilyerman bann zabitan distrik Mont Buxton. Dabor mon le remersi sa 1,449 endividi parmi sa 2,552 voter ki ti partisip dan eleksyon pour Lasanble Nasyonal an Oktob 2020, dan distrik Mont Buxton.

E konfye mwan, responsabilite pou reprezant zot dan 7enm Lasanble Nasyonal avek 58.5poursan vot, in en loner, privez e plezir reprezant zot isi, e mon priye ki zot in fyer avek mon reprezantasyon.

E ki zot donn mwan en lot loportinite pou reprezant zot ankor ziska 2030. Mon le dezyenmman, dir mersi mon bann koleg dan *Caucus LDS*, ki ti konfye mwan sa responsabilite *Deputy Speaker*, mersi enfiniman pou sa loportinite.

E mon swete ki mon'n desarz li avek lekspektasyon zot ti ekspekte. Trwazyenmman mon le dir, mersi tou dimoun san eksepsyon Mr Speaker, ki'n travay avek mwan dan en fason ouswa en lot.

Parmi sa bann dimoun, mon le premyerman remersi mon *partner* ki'n sanses ekout tou mon bann diskour, koriz bann mo, e fer ki mon'n kapab fer en bon reprezantasyon.

I annan *staff* ki dan lofis *Deputy Speaker*, mon *constituency clerk*, administrater distrik avek tou son bann *staff* dan lofis *DA*, bann aktivis, e volonter politik dan distrik Mont Buxton, e san oubliy bann *staff National Assembly Service*.

Katriyenmman, mon bann koleg *MNAs* espesyalman bann ki'n deservi avek mon lo *Bills Committee*, avek *Standing Orders Committee*, mersi pou zot lanmitye lapartaz.

E pou bann Manm lo sa kote latab, mersi pou travay ki

nou'n fer pou tenir Sesel atraver Bidze, e bann Lalwa ki granmersi nou'n la pou siporte.

Senkyenmman Mr Speaker, mon le remersi Gouvernman pou tou bann devlopman ki'n annan dan distrik Mont Buxton, Parti *LDS* pou sipor ki'n donn mwan, e san oubliy nou bann siporter atraver pei ki kontinyen ankouraz nou, e priy pour nou toulezour.

Last but not least Mr Speaker, mon le dir ou mersi personnelman, pou ou *leadership*, ou pasyans, e lasazes ki ou'n demonte, e ou'n ed mwan grandi koman endividi mon remersi ou enfiniman pou sa. Mersi bokou.

MR SPEAKER

Mersi Onorab. Onorab Hoareau.

HON JOHN HOAREAU

Mersi Mr Speaker. Bonn apre midi tou dimoun, e en bonn apre midi spesyal pou bann dimoun Beau Vallon. Mr Speaker, mon le remersi premyerman mon *clerk* Nathalie Jeanne, mon le remersi osi bann aktivis Beau Vallon ki'n *form* parti mon parkour.

Mon le remersi nou bann group lazenes dan Beau Vallon,

e osi nou group vye dimoun, e osi zeneralman tou zabitan Beau Vallon ki'n met konfyans dan mwan, pou donn mwan en term 5an, e ki nou'n akonpli bokou pandan sa term 5an.

Mr Speaker, mon le remersi Bondye Papa, li menm pou sa kouraz pou lasazes enkli pou tou sa travay byen fer ki mon'n fer pou mon distrik li menm.

Mr Speaker, mon 100poursan konfidan ki sa responsabilite ki zot in donn mwan dan distrik, in ed mwan kapab anmenn Mosyon, anmenn reprezantasyon, anmenn kestyon, e osi bann travay ki mon'n fer dan Lasanble dan Komite Lalwa, in nobou kapab anmenn bokou plis pou pei an zeneral.

Mon le remersi Gouvernman Lokal, *SLTA* tou bann lezot lazans ki nou'n travay tre pre dann distrik pou anmenn bokou pou nou zabitan, bokou bann pti proze ki'n tous bann dimoun endividelman, e bann proze osi ki'n tous distrik dan en fason ou en lot.

E pou sa osi mon le remersye mon fanmir ki'n donn mwan sa sipor, ki'n la a kote mwan touzour, e osi mon le swet tou bann Manm ki pe retournen koman kandida dan

sa eleksyon koman tou le meyer ve.

Ki sa eleksyon i ava determinen sa bann ki'n pli byen reprezant zot distrik dan Lasanble, e dan son kominote. E alor mon remersi tou dimoun an zeneral dan Sesel osi. Mersi.

MR SPEAKER

Mersi Onorab. Onorab Labonte.

HON ANDY LABONTE

Mersi Mr Speaker. Mr Speaker, tou mon koleg Onorab, zabitan La Rivyer Anglez, premyerman primordyalman mon anvi remersi Bondye Papa, ki kre lesyel later, e ki donn mwan sa lasazes, kouraz malgre tou difikilte, e in ed mon sirmont nenport ki nenport kwa Mr Speaker.

Dezyenmman mon bezwen dir mersi tou zabitan La Rivyer Anglez, san leksepsyon ki'n fer mon konfyans, e kontinyen siport mon dan nenport ki fason, aköz san zot mon pa ti pou la, e mon dir mersi pou zot konfyans zot in met dan mwan.

Trwazyenmman Mr Speaker, mon anvi dir mersi DA Nicole, ki mon ti komans avek, ki in swivi par DA Gency, e tou bann *staff Local Government* ki'n la ki'n siport mon menm bann lezot lazans dan distrik.

Mon osi mon anvi dir mersi mon premye *clerk* ki ti Flory Rosette, e dezyenm ki Catheline Cha, ki osi in donn mwan tou sipor. E lot Mr Speaker, mon osi bezwen dir mersi mon *Caucus LDS* ki'n la ki'n kontinyen siport mwan dan tou sort fason, ki ozordi mon fyer.

E mon osi remersye Parti *LDS*, e Prezidan Wavel John Charles Ramkalawan, Vis Prezidan, tou Minis, e tou bann *PS* ki zot in vin la dan Lasanble zot in kontinyen travay ansanm ki nou'n kapab avans nou distrik La Rivyer Anglez pli devan.

E Mr Speaker, mon osi bezwen remersye ou, enkli Clerk, *Deputy Clerk*, tou *staff* Lasanble Nasyonal, ki zot osi zot in siport nou ki nou'n kapab travay ansanm e bouz pei an avan, e fer fonksyonnen.

Mon osi bezwen mazin mon fanmir Mr Speaker, ki mon fanmir malgre tou difikilte zot in la zot in kontinyen siport mwan, enkli mon *partner* osi ki'n la dan mon kote dan nenport ki fason in la in kontinyen siport mwan, e mon dir tou sa bann dimoun mersi.

Mr Speaker, i enportan pou mon fer konpran en keksoz, se ki La Rivyer Anglez ti pran li en desizyon 2020, e La

Rivyer Anglez, nou kontinyen reste for solid.

E avek sa de mo Mr Speaker, mon pou dir poudir mon Andy Labonte, mon pare e mon pou la pou mon kontinyen reprezant mon distrik avek lagras Bondye Papa Tou Pwisan, mersi zot tou. Mersi Mr Speaker.

(APPLAUSE)

MR SPEAKER

Mersi, Onorab Labrosse.

HON RICHARD LABROSSE

Mersi Mr Speaker, pou donn mon laparol. Mr Speaker, dabor avan mon komanse parey mon bann lezot kole, byensir tou laglwar i al pou Bondye Papa Tou Pwisan, pou son lafors ek gidans ki'n donn mwan pandan sa 4an edmi ki mon'n isi.

E osi pli gro mersi i al pou sa 1,452 zabitan ki ti met konfyans dan mwan 2020. E Mr Speaker, mon ti a kontan dir ki sa nouvo parkour ki mon ti pran 2020, en keksoz ki mon pa ti pe zanmen mazine mon ti pou fer.

In anmenn mon dan diferan, in fer mon ganny diferan leksperyans, e ozordi mon kapab dir mon kontan osi ler mon pe termin Lasanble. mon pe asiz lo Manm Egzekitiv,

ki konvni bann Parlman SADC PF, ki sa i en lot leksperyans ankor li menm.

E Mr Speaker, osi dan tousala mon bezwen osi remersi mon bann *Leaders* ki'n a kote mwan pandan sa parkour 4an edmi.

Sa se pa lot ki mon *Chief Whip*, en zonm byen serye, byen *strict*, e mon *LGB* osi ki tanzantan mon bezwen demann li bann serten sipor e *advice* pou mon kapab fer mon louvraz byen.

Mr Speaker, mon anvi osi remersye tou dimoun dan Gouvernman ki'n travay tre pros avek mwan Mr Speaker. Mon napa en rezon pou mwan dir ki sa bann dimoun i pares isi laba, mon'n ganny tou sipor ki mon ti merite gannye avek zot.

Mr Speaker, mon pou osi remersye mon *clerk* Ms Nadia, ki'n akote mwan pandan sa parkour difisil, kot ansanm in parey en lot zepol ki mon'n kapab apiy lo la.

Mr Speaker, mon pou osi remersye tou travayer dan biro ladministrasyon distrik Plaisance, mon remersye mon *DA* ek son lekip, e osi mon ansyen *DA* Ms Lilianne Biong, ki nou ti komans ansanm ki li osi Mr Speaker, in ede pou

montre mon mannier serten keksoz i deroule dan kominote.

An terminan, mon ti a kontan remersi mon bann Manm dan koleg *FPAC*, mon bann koleg nou'n travay tre sanses, e mon'n aprann bokou avek zot koman en nouvo Manm.

E san oubliy osi mon bann lezot koleg ki dan *COGA* osi, ansanm ki nou'n fer en travay merveye.

An terminan Mr Speaker, mon pou dir mersi osi biro *LGB*, sa Ms Gerda, Pam, ek Emmie, pou zot sipor. Mersi Mr Speaker.

MR SPEAKER

Onorab Larsen.

HON CECILE LARSEN

Mersi Mr Speaker. Mr Speaker, e tou mon bann koleg Onorab, premyerman mon remersye Bondye pou son proteksyon, kouraz e benediksyon ki a vey lo nou pei, e delivre nou nasyon.

Mon ti a kontan dir en gro mersi mon bann koleg lo sa kote latab, e *Leader Parti United Seychelles*, pou zot sipor, zot gidans, zot solidarite, zot konsey e pli enportan pou sa travay kolektiv pou met lentere pep Seselwa devan.

Nou'n montre ki ansanm nou kapab travay pou en meyer Sesel. Mersi pou zot sipor, pou zot respe e pou sa zoli parkour ki mon pe *look forward* pou vin kontinyen koman Manm Elekte pou Au Cap.

Mersi tou lezot *staff* Lasanble Nasyonal, pou zot lakey e led, bann Manm lot kote latab in sey zot mye pou imilye mwan, e mon a dir zot mersi akoz zot in donn mwan bokou leson, e lafors.

E sa ki'n fer mwan pli motive pou vin travay pou zabitan Au Cap, ek gran ker. Mon oule remersi mon fanmir, zanmi, striktir distrik tou mobilizater, e zabitan Au Cap, pou zot konfyans, sipor, pou zot kritik konstruktiv e pou tou zot kontribisyon pandan sa letan ki mon'n pas dan Lasanble.

In en loner, e en privelez pou reprezant mon Parti *United Seychelles*, e i pou en loner pou retourn dan 8enm Lasanble koman lavwa zabitan Au Cap. Mon swet zot tou de bon pou lavenir. Mersi Mr Speaker.

(APPLAUSE)

MR SPEAKER

Onorab Loizeau.

HON NORBERT LOIZEAU

Mersi Mr Speaker. Mr Speaker, premyerman mon anvi dir en gran mersi zabitan Bel Air, dan son gran mazorite ki ti elekte mwan pou mon vin reprezant zot isi dan Lasanble.

Pa zis en fwa Mr Speaker, me trwa fwa konsekitiv, e mon konnen zot pou donn mon sa sipor kontinyel dan sa prosen eleksyon. Akoz nou konnen kot nou sorti nou dan Bel Air, e nou konnen kot nou anvi ale.

Mr Speaker, mon anvi dir en gran mersi mon fanmir ki dan botan, movetan mon *partner* sirtou botan, movetan in la a kote mon pou siport mwan.

Mon anvi dir mersi ou menm Mr Speaker, dan mon parkour politik ou enn dimoun ki'n a kote mwan, ki'n *mentor* mwan, e mon dir ou mersi pour sa, e menm ler ou'n vin dan Lasanble koman Speaker, sa respe ki mon'n annan pou ou in fer ki mon'n vin en pli bon dimoun.

Mr Speaker, mon anvi remersi tou *staff*, Clerk Lasanble, *Deputy* Clerk, e tou bann *staff*, spesyalman bann *staff housekeeping* ki'n toultan la pou kit nou landrwa annord.

Mon anvi remersi mon de clerk, mon bann *clerk* ki'n travay ek mwan dan distrik Fabiola Rose, ek Agnes Gerry,

mon dir zot mersi pou zot travay ki zot in fer ansanm.

Mon anvi remersi tou mon bann aktivis ki'n siport mon tou sa letan, e mon anvi dir zot mon kontan zot en kantite.

Mon anvi remersi tou bann *DA* ki'n travay ansanm dan distrik Bel Air, ek bann *staff* ladministrasyon distrik Bel Air, mon dir zot mersi pou sa travay ki nou'n fer ansanm.

Mon anvi remersi *Caucus LDS*, ek tou bann *staff* dan nou-ki'n ed nou dan nou lofis laba, mon anvi dir zot en gran mersi.

E en mersi spesyal i al pou mon Gouvernman dirize par Prezidan Ramkalawan, e *VP* Ahmed Afif. Mon dir zot mersi ki zot in fer ki ozordi stabilite, e progre i renye dan nou pei. Mersi.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Mr Speaker, mon le komans par ankouraz okenn zenn Seselwa ki anvi kontan pran sa karyer politik Parlmanter koman zot vokasyon, mon le fortman ankouraz zot pou zot fer li.

Lasanble Nasyonal i en landrwa defi, e i en landrwa kot ou aprann en kantite leson. Enn bann leson ki mwan mon'n

aprann personnelman, se ki en fason pou ou trouv lape se ki ou al dormi avek gratitud dan ou leker, e ou lev avek remersiman lo ou lalev.

E an di-z-an sa Mr Speaker, mon swete remersi Lepep Seselwa dan son antyerte, ki zot in vot ou siport mon Parti *United Seychelles*, ou non.

Lepep Seselwa dan son antyerte mon le remersi zot, pou zot pasyans, zot latansyon, zot tolerans e zot kapasite pou pardonnen.

Mon le remersi Lepep Seselwa ki'n siport, e soutenir nou pei dan bann moman difisil ki nou'n eksperyanse dan listwar resan.

Mr Speaker, nou annan en defi istorik devan nou ki en lot eleksyon ki pou probableman vwar ankor en letap sanzman dan nou pei, e mon swe ki nou pep Seselwa sa pep ki mon fek remersye.

E mon swe ki zot apros sa defi eleksyon dan lape, trankilite, linite, e lanmour. Annou pa san maye initilman, annou pa kre blesir ki pa pou kapab geri, annou pa la aköz en eleksyon bles nou vwazen, bles nou pros, bles manm nou kominote ki pou pran letan pou geri, e pa kapab geri ki dan 5 an

nou pa kapab koz avek kanmarad.

Sa i mon swe pou Lepep Seselwa, i egalman mon swe Mr Speaker, mon dernyen mo ki nou koman en pep nou met nou lenerzi pou batir nou fanmir.

Akoz se letan nou batir nou fanmir solid ki for, gro, gran an bonn sante, se sa ki batir nou kominote, e an rezilta i a forsi nou sosyete, ki nou sosyete i vin enn ki viv dan lape, e dan trankilite. Mon remersi ou pou pasyans, e ou lendilzans Mr Speaker, pandan sa dernyen 5 an.

MR SPEAKER

Mersi.

(APPLAUSE)

MR SPEAKER

Onorab Monthy.

HON PHILIP MONTHY

Mersi Mr Speaker. Mon a komans tou dabor par remersye mon Parti *LDS*, ki ti met konfyans dan mwan an 2020, pou debout koman sa kandida dan en distrik ki ti en *challenge* Cascade.

E prezan mon ava remersye tou zabitan Cascade ki ti met konfyans dan mwan 2020, ki'n anvoy mwan la.

Pandan sa 5an in en leksperyans enorm, inoubliyab.

E ler zot ti met sa konfyans dan mwan Mr Speaker, mon ti napa nide ki mon pou pas atraver sitan difikilte, difikilte in frap lo laport mon distrik, mon'n debout for, mon pa'n tonbe nou'n travay si ou pas Cascade la lan edmi apre sa ki ti arive ou pou vwar travay ki'n ganny fer, e mon asire ki zabitan Cascade dan zot mazorite, i apresye sa ki'n arive.

Be tout an prenon kont ki i annan serten menm si ou kapab anmenn lesyel pou zot, zot pa pou zanmen satisfè. Me travay i kontinyen, e mon remersye tou zabitan ki'n donn sipor, e tou dimoun ki ler mon distrik ti bezwen zot ti donn en koudmen pou ede, pou fer ki ozordi Cascade in re debout Mr Speaker.

Mon remersye ou osi, tou lekip Lasanble, Madanm Joan, ki mon zwenn dan bomaten mon enn bann premye *MNA* ki arive, li ki ouver laport *Caucus room* pou mwan, ennler li ki netwaye.

Bann zofisye Gouvernman, bann lazans ki'n donn sipor dan distrik mon *DA* ek son lekip kot ladministrasyon distrik, mon

clerk aktyel, e mon de *clerk* ki'n la prese daman.

Tou mon bann aktivis ki la a kote mon, mon fanmir Mr Speaker, mon partner ki anler nou antre tre tar aswar i bezwen esper mwan pou nou antre ansanm, so i en difikilte pou li, me i konpran sa louvraz ki mannyer i vini.

Mon vin devan zabitan Cascade Mr Speaker, ankor en fwa, e i annan bokou swa devan zot pou fer, me mon konnen pou dir zot en bann zabitan ki matir, e zot konnen kwa ki bon pou zot distrik, e mon asire ki le 27 Septanm zot pou fer sa meyer swa ankor.

Si ou pas Cascade ou pou war ki kantite progre in annan, ankor 5 an i vedir plis progre Mr Speaker. E pour sa mon dir zot met zot konfyans dan mwan, Cascade pou kontinyen bouze parey in bouze pandan sa dernyen 5 an. Mersi Mr Speaker.

(APPLAUSE)

MR SPEAKER

Onorab Naidu.

HON SATHYA NAIDU

Mersi Mr Speaker. Bonn apre midi tou koleg Onorab, ek tou bann dimoun ki a lekout, e ki

pe swiv nou dernyen bout 7enm *Cohort* ki mon kapab dir.

In en leksperyans enkrwayab, in enn ki'n atraver ki mon'n aprann en kantite leson, atraver ki mon'n vin bokou pli matir koman pli zenn *MNA* dan sa Lasanble.

Mon bezwen pran sa loportinite pou remersye zabitan St Louis, ki'n konfye mon ek sa responsabilite, e mon'n toultan konsyan pou dir ki si mon pa delivre mon pou ganny ranplase.

Sa i en keksoz ki mon'n toultan gard an tet, e se sa ki'n fer ki mon'n kapab delivre. Non selman atraver parol isi dan sa Lasanble, me an deor an term aksyon.

E antre dan distrik St Louis, pas dan tou kwen St Louis, zot pou war pou dir ki anba mon *leadership* sa distrik in bouze, e zisteman in posib atraver sipor ki mon bann *DAs*, diferan *DAs* in donnen pandan mon parkour kot ansanm zot in kapab konpran mon pli byen koman endividi.

Kot zot in kapab donn bann sipor nesaser, e sa i egalman aplik pou tou lede *clerk* ki'n deservi mwan pandan mon manda, sa i Mr Bevil Narty, e ozordi se Mr Carosin Adrienne.

Sa i enkli tou bann zofisye dan Gouvernman, ki'n vwar vizyon ki mwan mon'n annan pou distrik, e zot in donn mwan tou sipor nesaser kantmenm parfwa mon annwi zot en bon pe.

E i annan friksyon parfwa dan nou bann diskisyon ki nou tenir, aköz a lafen dizour sa rol, sa responsabilite ki mon'n ganny konfye avek i fer ki mon bezwen met sa presyon nesaser pou fer sir ki konsern mon bann zabitan i ganny adrese.

E zisteman isi dan sa Lasanble mon bezwen remersye ou Mr Speaker, pou ou pasyans lo lafason ki ou'n diriz sa Lasanble pandan sa peryod an antye, e sa i al ver bann *staff* osi ki egalman zot in annan sa pasyans pou zwenn nou bann demann tanzaot vizavi diferan fonksyon ki nou, nou annan pou deservi.

E mon osi pran sa moman pou eksprim mon apresyasyon ver bann Manm lo *Bills Committee*, atraver zot mon'n aprann en kantite, kot mon'n wi, parfwa mon'n silans - mon'n trankil.

Me selman mon kapab dir mon'n ekoute, mon'n obzerve, mon'n aprann en kantite, e atraver sa laprantisaz, e atraver sa leksperyans mon konnen ki ler moman pou arive pou mon

re debout e ganny elekte baze lo desizyon ki zot koman zabitan pou fer, mon konnen mon pou dan en pli bon pozisyon pou deservi sa responsabilite avek bokou plis efikasite, e konnen ki zot kapab kont lo mwan. Mersi pou tou zot sipor.

(APPLAUSE)

MR SPEAKER

Onorab Porice.

HON DOYACE PORICE

Mersi Mr Speaker. Bonn apre midi a tous. En gro remersiman i pou al pou Parti *LDS*, pou sa konfyans ki zot in mete dan mwan, pou met mwan koman en kandida dan distrik Baie Ste Anne.

E mon pou remersi zabitan Baie Ste Anne, pou sa sipor ki zot in donn mwan, e pou fer mwan ariv dan Lasanble pou sa 5 an, mon'n dir 5 an aköz avan sa 4an ekek mon ti deza lo Praslin pe travay.

Mon remersye tou zabitan, tou mon bann aktivis ki'n deryer mwan, e osi spesyal pou mon *clerk* ki'n touzour donn mwan sa kouraz, e determinasyon pou fer pli byen.

Mon osi remersi Gouvernman, espesyalman nou Prezidan, pou zot sipor anver ban nouvo proze ek devlopman

lo nou zil, espesyalman Baie Ste Anne Praslin. Mon pa bliye osi bann sponsors ki'n par deryer nou.

Remersiman i al pou mon fanmir ki mon'n bezwen deplase, ki zot in konpran mwan pou sa travay ki mon pe fer, e ki Bondye i a touzour donn zot sa sipor pou zot kontinyen donn mwan sipor pou al fer sa travay ankor dan distrik.

En remersiman i al pou ou Mr Speaker, pou tou sa ki ou'n fer pou mwan depi lo komansman ziska kot mon'n arive, mon remersi Clerk, *Deputy Clerk*, e tou bann *staff* kot Lasanble.

Espesyalman *LGB* avek *Chief Whip*, zot osi mon remersi zot bokou pou sa sipor ki zot in donn mwan. Mon remersi- pa fer sa.

Avek tou sa bann sipor in ed mwan ariv kot mon ete ozordi, e sa i pou ed distrik pou zot annan en bon desizyon an 2025. Mersi.

MR SPEAKER

Onorab Romain.

HON GEORGES ROMAIN

Mersi Mr Speaker. Premyerman mon pou dir mersi tou zabitan Anse Etoile, aköz se gras a zot ki mon la dan Lasanble, pou

tou zot sipor ki zot in donn mwan pandan sa 5 an.

Mon'n vremen apresye sa moman pou travay pou mon zoli distrik Anse Etoile. Mersi mon *clerk* Madanm Doreen Dugasse, ki'n toultan dan mon kote, e ki'n fer en vremen en bon travay, e osi *DA* Anse Etoile Ms Shirley Mussard, pou tou sa travay ki nou'n fer ansanm e tou lezot travay distrik.

Mersi Mr Speaker, Madanm Clerk, e Deputy Clerk, e tou travayer Lasanble pou sa travay ki zot in fer pandan sa 5 an. mersi tou mon koleg Onorab, sa mon pe dir tou Onorab dan Lasanble, en remersiman spesyal pou mon *Caucus LDS* pou tou zot sipor, e gidans ki zot in donn mwan.

Mersi tou mon bann *sponsors* dan distrik Anse Etoile ki'n la dan mon kote ler nou'n bezwen zot. Mon le dir osi, mersi pou mon Parti *LDS*, pou met ankor sa konfyans dan mwan pou sa lot 5 an ki pe vini, e mersi osi pour tou mon bann aktivis ki'n la dan mon kote pou fer sa travay dan distrik.

Pou terminen, en gro mersi pou mon fanmir ki'n la dan mon kote a tou moman, mersi Bondye, ki avek li tou i posib. Mersi Mr Speaker.

MR SPEAKER

Onorab Roucou.

HON MICHEL ROUCOU

Mersi Mr Speaker. Bonn apre midi a tous, bonn apre midi spesyal zabitan Mont Fleuri. Mr Speaker, komansman mon le dir mersi Bondye Papa, ki'n gid mon pou sa 5 an ki mon'n la dan Lasanble.

Mon le dir mersi mon fanmir, mon madanm ek mon zanfan. Tou bann ki'n a kote mon dan sa parkour. Mersi Mr Speaker, pou ou menm ou, bann *staff* Lasanble, *staff*, Clerk li menm li.

Mon bann koleg *MNA*, dan Lasanble *LGB*, *Chief Whip*, mersi pou zot gidans, e pou gid nou pou nou kapab anvi ki nou ti bann zenn *MNA*, kot nou'n kapab debourye dan Lasanble.

Mr Speaker, mon le dir en mersi spesyal tou zabitan Mont Fleuri, ki nou'n fer travay ansanm ozordi nou'n war pou dir nou distrik pe bouz en pti pe pli devan kot nou annan bokou devlopman, e nou pou kontinyen sa travay lannen prosen.

Mersi pou tou zabitan *Ile Aux Cerfs* osi tou, ki zot tonm dan mon distrik, e nou pou kontinyen bann travay ki nou'n komanse.

Mon le dir en mersi spesyal pou mon *clerk* Madanm

Madeline, e osi mon ansyen *clerk* Ms Marivonne Rose, Minis Ferrari, ki'n pous mwan pou mwan ozordi kapab pran sa latas Mr Speaker.

E DA, Mont Fleuri avek tou son bann *staff*, e osi tou aktivis LDS Mont Fleuri, mon dir zot mersi.

MR SPEAKER

Onorab Samynadin.

HON KELLY SAMYNADIN

Mersi Mr Speaker. tou dabor mon ti ava kontan remersi ou menm ou Mr Speaker, dan ou kapasite koman nou *Former Party Leader*, sa enn ki'n mon kapab dir en pilye dan mon parkour politik ou'n sa enn ki'n *groom* mwan pou mon kapab ariv la kot mon ete ozordi, so mon dir ou mersi en gro mersi.

Dezyenmman, mon ti ava kontan remersye mon bann aktivis, depi komansman zot in la ziska la, mersi pou ki zot in akonpany mwan pandan sa proses eleksyon ziska la ozordi.

Mon ti ava kontan remersye mon Parti LDS, ki'n donn mwan sa posibilite, ki'n donn mwan sa privez pou mon debout, e travay koman Manm Lasanble pou distrik Au Cap pou sa 5 an ki'n pase.

Mon ti a kontan remersye an priyorite zabitan Au Cap, ki'n elekte mwan depi Oktob 2020, pou mwan deservi zot koman zot reprezantan.

I pa'n en parkour ki fasil, in annan bokou defi, bokou difikilte, me selman mon kapab dir lankourazman ki mon'n gannye pandan sa 5 an in plis ki dekourazman, in annan bokou kritik, me selman mon pa'n ekout kritik akoz lankourazman in depas mon lekspektasyon li menm li. So, mon ti a kontan dir zot en gro mersi ozordi.

Mon ti ava kontan remersye mon fanmir, espesyalman mon garson, mon konnen mon'n neglig li en kantite. Me selman avek sa detrwa zour ki reste mon swete ki mon ava kapab pas en pti pe plis letan avek li.

Staff Lasanble Nasyonal depi Madanm Clerk ziska tou dimoun ki travay kot Lasanble ki poz son lipye pou travay pou byennet bann Manm isi kot Lasanble, mon ti a kontan dir zot mersi.

Bann *staff* dan biro LGB Emmie, Pam, espesyalman Gerda, mon krwar mon pa konnen ki mannyer nou tou la lo sa kote latab nou pou kapab fini dir Gerda, mersi pou sa travay ki'n fer, pou sa sipor ki'n

donn nou pandan sa 5 an en gro, en gro, en gro mersi menm Gerda.

Mon *clerk* Ms Beryl, ki pa tro lontan in zwenn mwan, mersi osi pou Emy ki'n mon *clerk* osi depi lo komansman, Darius Petrousse, osi ki'n deservi koman mon clerk, mon DA Ms Sabrina Assary, pou sa travay ki nou'n fer ansanm.

I pa'n en parkour difisil nou ansanm, me selman nou'n avek nou sa lanmitye ki nou'n devlope, sa travay kolektiv ki nou'n kapab fer ansanm nou'n kapab fer Au Cap bouze, e i annan ankor travay pou nou fer.

Mon ti a kontan remersye nou bann koleg lo nou bann kote latab, mersi pou sa sipor ki zot in donn mwan koman en madanm, koman en zenn dan sa Lasanble.

Bann kandida ki pe al re debout, mon swet zot tou le meyer dan zot kanpanny, e ki zot ava *come out successful*. LGB, mersi bokou pou ou sipor pou ou bann mo lankourazman, pou tou sa ki ou'n kapab fer pou nou, pou mwan an partikilye.

E an dernyen mon ti ava kontan remersye nou *Chief Whip*, Onorab Sandy Arissol, manrman sa Msye, in en dimoun ki'n la pour mwan depi

lo komansman, a sak fwa ki mon'n tonbe nou'n dispit parti dispit nou fek dispit en kou yer, me selman i sa dimoun ki mon kapab dir in sipor mwan - in sipor mon en kantite, en kantite menm.

E mon fyer ki ozordi li ki pe, li ki pe al debout dan mon plas koman sa kandida pou distrik Au Cap. E mon konnen, e mon konvenki ki Onorab Sandy Arissol, pou form par sa 8enm Lasanble koman MNA pou distrik Au Cap. Mersi.

(APPLAUSE)

MR SPEAKER

Onorab Sultan.

HON VALDANA SULTAN

Mersi Mr Speaker. Mr Speaker, dabor mon dir mersi Bondye tou laglwar i pou li, se aköz li ki mon annan kouraz, lafors, pasyans pou mon antre dan sa travay.

Mersi ou menm Mr Speaker, koman nou dirizan pou sa Lasanble, mersi pou tou bann travayer Lasanble, i annan ki parfwa zot in menm bann ki'n vin travay deryer lasenn.

Me ki'n fer sir toultan tou keksoz i mars byen, e zot travay in ganny apresye, mersi pou bann travayer dan biro LGB.

Gerda Pamla, Emmie, pou zot lasistans ki zot in donn mwan.

Mon osi dir mersi mon *clerk* Alain Ernesta, in en gran sipor pou mwan mon krwar i annan plis ki 4 an i a pe dir mwan, si mon deside pa ale mon krwar ou ki pou bezwen ale. Mersi Alain, pou lankourazman.

E mon osi dir mersi mon de zanfán, e mon konpanny pou konpran mwan, akòz mon'n toutan sa enn ki'n premye dan lakour pou fer tou, e pou zot konpran ki sa bann sanzman ki sa in anmennen, sa nou parkour in anmennen mon travay.

E mon osi dir mersi mon bann aktivis, mersi tou bann siporter, e an zeneralman bann zabitan Port Glaud. Bann zabitan Port Glaud, nou'n toutan byen e nou'n toutan reste byen, e nou pou toutan reste byen menm nou bann diferans politik.

Mr Speaker, mon osi dir mersi mon bann koleg Lasanble, espesyalman dan mon *Caucus*, pou zot lankourazman pou akey mon koman en Manm dan zot parkour, e pli gran mersi i al pou mon Parti LDS ki li in fer mwan sa konfyans pou antre koman en Manm Proporsyonnel.

Mersi mon bann koleg ankor enn fwa, pou bann lankourazman ki zot in donn mwan dan sa kourt parkour, mon kapab dir, me ki'n anmennen bokou leksperyans.

Mon osi dir mersi en bon zanmi Jany Letourdie, ki'n ankouraz mwan ler mon ti pe al pran sa desizyon ki'n dir mwan ale ou a fer li sa ou, alor mersi Jany, pou lankourazman ou osi.

MR SPEAKER

Mersi Onorab.

HON VALDANA SULTAN

Mersi.

MR SPEAKER

Mersi. Onorab Uranie.

HON ROCKY URANIE

Mersi Mr Speaker. An premye, mon dir mersi Bondye ki nou tou nou la ozordi.

Mon dir mersi mon fanmir, zanmi e tou zabitan Zil Pros ki ti *vote* pour mwan an 2020 konman zot reprezantan dan Lasanble Nasyonal pour sa 5 an ki pe al terminen. I pa'n en travay fasil, me mon'n toutan persevere.

Mersi osi bann zabitan Zil Pros. E kantmenm nou diferan politikman, me toutan reste

zanmi. Nou zwenn, nou diskite.
Mersi pour sa.

Mersi bann koleg *LDS*. En pli gro mersi mon bann koleg *MNA US*. Bann ki la, e bann ki ti'n komanse depi 2020, me ki pa la ozordi.

Mersi *LOTO, Chief Whip, Deputy*. Mersi mon koleg o bor mon Onorab Johan Loze, ki'n toultan la pou donn mon en sipor.

Mersi bann *Ex-MNA* La Digue, Monica Figaro, Mr Hensley Constance, Madanm Chantale Ghislain, Ms Noline Sophola. Mersi pour tou zot sipor e konfyans ki zot in donn mwan.

Mon dir mersi *DA* avek ou tim. Mersi ki nou'n kapab asize prioritiz bann proze ki pe ganny fer e pe kontinyen ganny fer.

Mersi mon *ex-clerk* Christine Rose. Mon *Clerk* Heidi Gabriel. Mersi tou mon bann aktivis. Mersi Parti *United Seychelles*, ki'n met konfyans dan mwan pou ki mon la ozordi.

Mersi Mr Speaker, avek Sekretarya, Madanm Clerk, Deputy Clerk, bann Sekreter lo bann Komite. E tou bann *staff* ki vin travay kot Lasanble pou donn nou en sipor dan en fason ou en lot.

E mon dir ankor en fwa en pli gro mersi zabitan Zil Pros ki'n fini pare pou donn mwan -

pou re elekte mwan le 27 Septanm. Mersi zot tou.

(APPLAUSE)

MR SPEAKER

Onorab Vidot?

HON AUDREY VIDOT

Mersi pou donn mwan laparol Mr Speaker. Premyerman mwan osi mon oule remersye Bondye Papa pour kouraz ek lafors, pasyans ek tolerans dan sa parkour ki mon'n deservi dan sa 7enm Lasanble.

Mwan Audrey Vidot en dimoun ki'n grandi dan distrik Roche Caiman e ki konpran tre byen koutim e kiltir zabitan mon distrik, mon oule personnelman dir en gran mersi tou bann dimoun ki'n ed mwan dan mon parkour dan mon distrik, zabitan Roche Caiman, pour ki mon kapab reprezant lavwa Roche Caiman.

E byensir, tou zabitan Roche Caiman, pe enport nou diferans lopinyon politik e relizyon. Me nou'n toultan otan posib kot nou'n kapab travay ansanm pou fer bouze distrik.

E mon dir zot mersi pour sipor ki mon'n kapab reprezant zot dan Lasanble. Mon'n fer li avek pasyans. Avek determinasyon. E a sak fwa ki mon'n entervenir anmenn

kestyon, Mosyon dan zot lentere.

San dout sa lot manda le 27 Septanm, nou pou travay ansanm pour nou fer sir ki Roche Caiman i bouz lo en lot letap. E mon garanti ki avek zot sipor nou pou fer li.

Mon pa kapab terminen pa dir mersi mon fanmir, zanmi e mon clerk ki'n – Madanm Linda Moustache ki'n akote mwan sa 2 term. Ki'n toultan la pou donn mwan sa sipor.

E byensir *leadership* parti avek tou mon bann koleg ki'n dan *United Seychelles*. Ki swa in servi dan 7enm Lasanble la ki ankor la, oubyen bann ki'n depar.

Osi byen tou bann lezot koleg Lasanble pour zot lanmitye ki nou'n nobou fer dan sa parkour dan sa 7enm Lasanble.

E byensir, tou bann travayer Sekretarya e tou piblik ki'n partaz zot bann pwennvi, zot bann konsern a mon latansyon, ki mon'n kapab koz pour zot. Mersi pour zot kontribisyon. Mersi pour zot sipor pour ki mon kapab fer mon lakonplisman dan sa travay pour Lasanble.

E mon san dout e konfidan ki dan 8enm mon pou kontinyen sa travay ler mon

pou reganny elekte le 27 Septanm. Mersi Mr Speaker.

(APPLAUSE)

MR SPEAKER

Onorab William?

HON WAVEN WILLIAM

Mr Speaker, pou konmanse mon remersi Bondye pour lafors, kouraz, lasazes, pridans, pasyans e perseverans dilon sa manda. Tou laglwar i pour li.

Mon remersi mon madanm ki'n en pilye akote mwan. E mon fanmir ki'n solider ek mwan dan botan e movetan.

Mon remersi tou zabitan Grand Anse, Mahe zenn konman vye, ki'n siport mwan pandan sa parkour. In en loner e en privez pou deservi zot. Ansanm nou'n akonplir otan e sa travay ansanm i bezwen kontinyen.

Mon remersi tou Seselwa ki'n solider ek nou dan bann moman ki bann mezir difisil ti bezwen ganny pran atraver vote dan Lasanble. Ozordi zot in konpran akoz ti bezwen fer li.

Mon remersi Prezidan e *Cabinet* Minis ki'n fer le neser ki bann swe distrik Grand Anse, Mahe an term proze e servis in ganny delivre.

Mon remerci *DA OM* e tou bann *staff* Ladministrasyon Distrik Grand Anse, Mahe.

Mon remerci nou *Caucus LDS* e tou *staff* pour sa travay dan linite, pou asire ki direksyon transformasyon devlopman Sesel i kontinyen. Mon fyer pou form parti sa lekip dinamik.

Mon remerci mon clerk Maria Boniface pour son sipor e pasyans akote mwan pou egzekut travay mon lofis dan distrik.

Mon remerci tou aktivis *LDS* ki pe siport mwan sanses. Mon remerci osi ou Speaker e Ladministrasyon Lasanble Nasyonal, e tou *staff* pour zot sipor.

Mon'n temwanny Sekretarya fer progres dan sa parkour. *Keep it up* ver lotonomi finansyel enn se zour.

Finalman Mr Speaker, mon anvi reasir pep Grand Anse, Mahe ki mon'n pare pou kontinyen sa travay ankor pour plis progres stabilite fonde lo konnesans, matirite e leksperyans ki mon'n akimile.

Dan mon kourt leksperyans politik, en bout parti inik, antre dan multiparti e form parti lekip sanzman gouvernans e konnesans sa lensertitid politik gouvernans mondyal, mon anvi dir avek pep

seselwa ki Parti *LDS* i ankor reste le sel opsyon pour Sesel, pour plis devlopman, progres, stabilite e loportinite. Alor, *no turning back*. Annou kit li lanmen letan vote le 25, le 26, le 27 Septanm. Mersi.

(APPLAUSE)

MR SPEAKER

Onorab Woodcock?

HON WAVEL WOODCOCK

Mersi Mr Speaker. Pou konmanse Mr Speaker, mon pou remercie ou menm pour ou pasyans e gidans. Parfwa i pa'n tro fasil. Ennler nou vremen so dan sa 7enm Lasanble Nasyonal.

Mon osi anvi profit sa lokazyon pou remercie tou bann *staff* Lasanble Nasyonal. Espesyalman bann *staff* ki'n ed nou pou travay lo plizyer nou bann Komite. Sirtou Komite ki mon Chair *MYSCC*. E osi Komite *IAC* ki mon *Vice-Chair* lo la.

Mon osi remercie tou mon bann koleg Onorab. Sirtou lo nou kote latib, pour zot sipor, zot lankourazman. E pli enportan Mr Speaker, mon anvi remercie mon fanmir e osi zabitan Grand Anse, Praslin pour zot sipor pandan sa dernyen 5 an, pou elekte mwan

dan 7enm Lasanble Nasyonal konman zot *MNA*.

Mon osi remersye tou Pralinwa, mon *clerk* Machela Constance. Nou 2 *DA*, Berty Cedras e Chantal Souffe. Tou Lotorite lo Praslin, pour zot devouman e kontribisyon enportan pour nou zil Praslin pou avans nou zil pli devan.

Nou'n akonplir en kantite ansanm. Avek sipor Gouvernman, nou'n konplet plizyer proze. Plizyer fasilite enportan. E konmans plizyer nouvo proze.

Parey nou'n war yer, nou'n met premye pyer pour nou Sant Mikro Antrepriz Grand Anse. E nou'n fer osi louvertir nouvo Kord Gard Baie Ste Anne.

Mon osi remersye Gouvernman. Ladministrasyon *LDS*, Prezidan Ramkalawan avek son *Cabinet* pour zot sipor. Pou konstrir bokou fasilite enportan e met an plas plizyer nouvo servis pou benefisye nou zabitan lo Praslin e osi lo La Digue Mr Speaker.

I annan ankore en kantite travay proze pour nou kontinyen fer pour devlopman nou zil e nou distrik. E mon donn mon langazman pou kontinyen sa travay ansanm avek nou Ladministrasyon *LDS* apre le 27 Septanm, 2025. Ki Bondye i kontinyen beni nou. Ki

Bondye i kontinyen beni nou zoli zil Praslin e nou pei Sesel. Mersi bokou.

(APPLAUSE)

MR SPEAKER

Avan mon donn laparol bann *Leaders*, eski mon'n mank okenn Manm? Non. *Ok*. Onorab Pillay, mon a donn ou laparol.

HON SEBASTIEN PILLAY

Mersi Mr Speaker. Mr Speaker, i en moman enteresan pour dan politik Sesel. E yer ler mon'n tann 🎵Arwi Sesel, oh mon Sesel🎵 pe zwe dan *CJSOI*, mon'n byen apresye limour deryer sa sanzon, Mr Speaker.

Mr Speaker, premyerman les mwan konmans par remersi Bondye ki'n donn mwan kouraz ek lafors e laglwar, e potansyel pou ariv kot mon'n arive ozordi.

Mon le konmans par remersye mon fanmir, mon madanm ek mon 2 zanfan ki'n bezwen aksepte rol e responsabilite ki mon'n gannnen.

Mon le remersi *leadership* mon parti. Kandida prezidansyel mon parti e *Leader* aktyel mon parti Dokter Patrick Herminie e lezot *leaders* ki'n fer konfyans pou met mwan dan Lasanble.

Mon bezwen osi mazine ki mon'n premye *Leader* Lopoziyon dan Trwazyenm Repiblik pour Parti *United Seychelles*. E mon debout lo zepol – *I stand on the shoulders of giants*, Mr Speaker, bann dimoun ki'n dan Lasanble avan mwan.

E la mon mazin Mr Speaker, Onorab Charles De Comarmond ki mon'n travay tre pros akote li. En dimoun ki'n ed mwan aprann en kantite.

Mon mazin mon ansyen koleg, Onorab Simon Gill ki'n osi mon'n aprann en kantite avek li. E lezot mon bann koleg ki'n ed mwan dan en fason ou en lot pou ariv kot mon'n arive.

Mon remersye mon bann koleg dan Lasanble isi la. Mon 10 Manm. Mon 10 solda. Mon krwar ki dan lavi mon pa ti pou zanmen kapab annan en pli bon group akote mwan ki'n siport mwan.

Nou'n annan nou bann moman difisil. Nou'n fer fas avek bokou defi. Me nou'n kapab sirmonte dan lentere Lepep Seselwa.

Mon remersi osi nou bann koleg ki'n avek nou e ki'n fer en pe letan ek nou. Mon mazin Chantal, Noline, Wilbert, Rachel e Paul. Mon remersi zot osi pour zot sipor e zot konpasyon, e zot kouraz e zot

determinasyon pour travay ki nou'n bezwen fer.

Mon osi mazin Mr Speaker, tou dimoun ki'n siport nou. Tou bann aktivis fidel *United Seychelles* ki toultan la akote nou pour donn nou en mo lankourazman.

Bann dimoun ki menm pa siport nou, pour zot kritik, zot konserne. Zot lot fason war keksoz. Zot lot lopinyon. E lafason ki zot ti a kontan war nou fer keksoz dan en fason diferan.

Mr Speaker, i reste osi pour mwan remersye mon bann koleg lo lot kote latab. Malgre nou'n annan bokou diferans, Lasanble Nasyonal in en *ring* kot nou'n debat, kot nou'n lager, kot nou'n dispit. Nou'n annan dezagreman. Me apre tou, nou kit tou keksoz la anndan.

Avek ou menm Mr Speaker, mon remersi ou pour - pour – parfwa nou'n annan bann dezagreman. Me lefe i reste ki ou'n Speaker Lasanble e mon remersi ou pour travay ki ou'n fer.

Sekretarya Lasanble. Clerk e Deputy Clerk. Espesyalman Deputy Clerk ki'n travay tre pros ek mwan atraver mon *Chairmanship* lo FPAC.

Mon annan en mo spesyal pour mon bann koleg lo lot kote

latab ki'n *form FPAC* avek mwan. Onorab Arissol, Onorab Romain, Onorab Labrosse, Onorab Mondon ki pa la. E lo mon kote isi, Onorab Gill e Onorab Gabriel.

Mersi pour travay e zot sipor ki zot in donn mwan pandan letan ki mon'n bezwen deservi fonksyon konman *Chairman FPAC*.

Mr Speaker, dir en remersiman o moman ki Lasanble pe fermen. Oubyen pe al ver son disolisyon natirel, i en keksoz tre nostalgik. I en keksoz tre emosyonnel.

E souvandfwa ler nou ganny loportinite pou fer sa, nou sey nou mye pou fer sir nou dir *the right thing*. E ki nou fer sir nou *strike the right note*.

Alors Mr Speaker, the *right thing* pou dir se ki, Sesel i bezwen en Gouvernman *United Seychelles*! Enportan sa. Le sel opsyon pour Sesel se en Gouvernman *United Seychelles*!

(APPLAUSE)

HON SEBASTIEN PILLAY

Avek en Prezidan sorti dan Parti *United Seychelles*. *The right note* Mr Speaker, se ki Sesel i ganny li en vre Lasanble pour Sesel.

(APPLAUSE)

HON SEBASTIEN PILLAY

E sa i vedir Mr Speaker, en Lasanble avek en mazorite *United Seychelles*.

(APPLAUSE)

HON SEBASTIEN PILLAY

Mon napa okenn dout Mr Speaker. Mon napa okenn dout, ki mon bann koleg ki lo kote latab avek mwan ki pe debout dan eleksyon.

Onorab Aglae, Onorab Gill, Onorab Vidot, Onorab Gabriel, Onorab Larsen, zot osi – Onorab Uranie, zot pou retourn dan Lasanble konman bann *MNA*.

Me la mon pou lir en mesaz osi Mr Speaker, pour Onorab Lemiel. E mon le dir Onorab Bijoux ki, *sorry* me, ou pa pouse devan ros Onorab Lemiel. E ou pa pou retournen dan Lasanble avan Onorab Lemiel.

(APPLAUSE)

HON SEBASTIEN PILLAY

E Onorab Lemiel i annan sa pou dir Mr Speaker, dan son labsans. Mon ti a kontan – Onorab Lemiel i dir sa bann mo swivan Mr Speaker.

“Mon ti a kontan dir mersi tou zabitan dan distrik Anse Royale pour zot sipor,

korperasyon e konprenezon pandan sa letan ki mon'n reprezant zot dan Lasanble Nasyonal.

Mersi Ms Charlotte Beauchamp mon *clerk* ki vreman travay dir pour mwan lofis e pour distrik. Mersi *LOTO*. I remersi mwan, e tou Manm dan nou *Caucus US* pour zot korperasyon e konprenezon pandan sa letan ki mon'n zot *Chief Whip*.

Mersi ou menm Mr Speaker, Madanm Clerk, Depite Clerk e tou *staff* Lasanble Nasyonal pour zot korperasyon e konprenezon.

Mersi tou lezot Manm Lasanble ki nou'n ganny sans travay ansanm. Espesyalman dan Komite. Espesyalman Vis-*Chair COGA* e bann Sekreter pour sa travay dir pandan sa manda ki mon'n *Chair* sa Komite.

Ankor enn fwa mersi zot tou ki'n ed mwan dan en fason ou en lot pandan mon manda dan 7enm Lasanble.

Aprezan Mr Speaker, ou ava osi permet mwan pou lir en *note* lo lapar Onorab Lisette Tamboo ki dir avek nou ki i remersi tou pep Cascade ki'n donn li sa kouraz, sa sipor pandan letan ki in vin dan Lasanble konman en Manm

Proporsyonnel. Me ki in travay akote zot.

I remersi *leadership United Seychelles* pour zot konfyans ki'n fer li. E tou siporter *United Seychelles* e lezot dimoun ki kontinyelman donn li sipor pour li kapab akonplir misyon ki in *embark* lo la.

I lans en mesaz ki i pe al tou pour li ganny sa eleksyon ki pe vini pour li debout konman *MNA Cascade* dan sa Lasanble Nasyonal.

(APPLAUSE)

HON SEBASTIEN PILLAY

An konklizyon Mr Speaker. An konklizyon. Mon le prezan remersi mon *staff*, Ms Eugenia Allagain, Ms Nathalie Samson, Mr Nigel Mirabeau e Mr Jossy Cedras.

Mon le dir ki san zot mon lofis pa ti pou kapab fonksyonnen. Zot in en group travayer formidab. Zot sipor, zot lwayote in fer ki nou'n kapab delivre dan sa Lasanble.

Mr Speaker, nou'n vin lavwa mazorite dan sa Lasanble malgre nou'n en minorite. Mersi.

(APPLAUSE)

MR SPEAKER

Onorab Georges?

HON BERNARD GEORGES

Mersi Mr Speaker. Mr Speaker, mon pran laparol o depar lo lapar Onorab Clifford Andre. E Onorab Terrence Mondon, ki tou le de pa kapab avek nou apre midi.

Mon konnen ki zot pou siport bokou bann propo ki mon pou fer lo mon non personnel. Me lo zot non, mon ti a kontan respektivman remersye lo zot par tou bann zabitan Anse aux Pins e Takamaka.

E tou zot bann aktivis. Zot bann travayer. Zot *constituency clerk* e tou bann dimoun ki'n fer e ki'n anvoy zot dan Lasanble, e ki'n siport zot pandan sa peryod ki zot in pase isi. Lo zot par, mon ti a kontan anmenn sa bann mo remersiman.

Mr Speaker, nou'n ariv a lafen ou preske a lafen nou parkour dan sa 7enm Lasanble. E parey i koutim, nou bezwen pas en mo remersiman.

Premye mo natirelman i al pour ou Mr Speaker avek ou Deputy Speaker Onorab Henrie. Sa Lasanble i ava mazin ou Mr Speaker konman sa Speaker ki'n donn nou, nou nouvo motto "*Serving a Modern Democracy*".

Ki'n donn nou, nou lemisik dan lekel nou pe asize la apre midi. E ki'n met nou lo semen en Lasanble otononm. Nou pa pou kapab bliy sa 3 gran pa ki ou'n fer e sa 3 gran kontribisyon ki ou pou lese konman ou peryod konman Speaker dan 7enm Lasanble.

Clerk avek Deputy Clerk mon anvi donn zot mon remersiman personnel pour zot travay, pour zot devouman pandan sa dernyen 5 an.

E atraver zot mon ava demann zot remersye *the whole of the Assembly Service*. Depi pli gran ziska pli pti, pti pour zot travay ek zot devosyon ek zot devouman.

Mon biro Mr Speaker. Mon *staff* dan mon biro e deza nou'n mansyonnn – in ganny mansyonnen plizyer fwa apre midi.

Be permet mwan pou azout en mo remersiman pour mon PA Gerda, pour mon Sekreter Pamela, pour mon drayver, mon *chauffeur* Dominic e mon 2 konsiltan Irene ek Emmie.

Zot in en lafors enkrwayab ki'n soutenir nou. Pa zis mwan, me tou nou *Caucus* pandan sa letan. E gran remersiman pour zot.

Mon *Chief Whip* e mon *Caucus* Mr Speaker, i al san dir.

E la mon enkli bann Manm ki la ozordi me bann ki'n vin avan.

In en loner ekstraordiner pou *lead* zot pandan sa dernyen 5 an koman Dirizan Zafer Gouvernman dan sa Lasanble Nasyonal. Mon remersiman pour zot tou prezan e absan i sorti dan fon mon leker.

Li nivo – lo nivo distrik Mr Speaker, mon oule met en mo spesyal pour mon 2 *DA* Claudette Louise e konmela, Mercia Denis. E mon 2 *clerk* Paquelina Moustache. E la prezan, Nathanielle Agricole pour zot travay ek zot sipor pandan sa peryod 7enm Lasanble.

Mon oule en – anvoy en mo spesyal kot mon *fellow Leader* isi dan Lasanble Nasyonal, Onorab Pillay ki'n fer mon lavi enn ekstrememan enteresan dan sa dernyen – dan sa dernyen 5 an.

(APPLAUSE)

HON BERNARD GEORGES

Mersi bokou Onorab. Mr Speaker, finalman lo sa *note* mon oule remersye zabitan Les Mamelles pour zot sipor, pour zot lanmour, pour zot lanmitye. E pour sa privez ki mon'n annan pou vin zot lavwa pandan sa dernyen 5 an.

E parmi zot i annan enn ki mon oule remersye spesyalman. E sa se sa zabitan Les Mamelles ki'n partaz mon lavi pour sa dernyen 42 an. E ki sa bann letan, i war mwan zis aswar. Nou nepli zwenn – nou nepli zwenn lizour. Alor, Annette mersi pour – mersi pour ou sipor.

Zabitan Sesel ann antye ki'n swiv nou e ki'n swiv deliberasyon Lasanble Nasyonal, in en lazwa e en sipor pour nou travay isi. E en mo remersiman i bezwen al pour zot.

Onorab Pillay, mon ava demann ou, atraver ou Mr Speaker, pou anvoy lo non nou *Caucus* isi dan Lasanble en parol pour Onorab Lemiel. Pour ki i fer en retablisman konplet e vit.

E finalman Mr Speaker, mon ti a kontan pran sa dernyen – sa dernyen moman apre midi pou swet tou kandida ki pou dan Eleksyon Lasanble Nasyonal, ki pou partisipe dan Eleksyon Lasanble Nasyonal an Septanm.

Lo sa kote latatab, me osi lo lot kote latatab e bann an deor, tou le meyer. E mon ti anvi anvoy zot en swe bonn sans. Akoz mon konnen ki Lepep Seselwa laba deor pou pran zot letan e zot pou fer en tre bon

swa le 27 Septanm. Avek sa detrwa parol Mr Speaker, mon ti a kontan ankor enn fwa remersye ou pour sa loportinite pou adres nou Lasanble apre midi. Mersi.

(APPLAUSE)

MR SPEAKER

Mersi tou bann Manm pour zot mesaz. E mersi pour bann ki'n mansyonnn mwan dan zot remark. Mon apresye bann parol ki zot in eksprimen.

Avan mon al pli lwen. Avan mon dir mon dernyen mo, permet mwan fer en pti latas ki Madanm Clerk in donn mwan.

E sa se pou zis rebran en pti gin lo travay Lasanble, travay twatir Lasanble pour piblik. Pour benefis piblik.

Akoz i santi poudir nou devret fer piblik konnen ki Lasanble pou bezwen fermen pour sa peryod ki nou dan *recess*. E kot travay pe ganny antreprann.

Akoz i pou en landrwa ki pou en sit konstriksyon e i pa pou permet relasyon avek piblik.

Donk, me selman i pe asir piblik ki loperasyon Lasanble i reste kontinyel. Bann *staff* pou travay se zot e zot in apepre pran en pe labitid avek sa *mode* travay.

E i osi annan en lanons lo nou *website* ki detay bann pwen kontak bann telefonn e bann *email* ki piblik i kapab servi.

E nou a rod posibilite pou fer sir ki piblik i gannyen tou sa bann kontak an ka ki zot bezwen en kominikasyon avek Lasanble.

Prezan mon bann ser koleg les mon a zis dir poudir sa peryod konman Speaker Lasanble in en letan memorab pour mwan. In en gran leksperyans. Zot tou zot konnen poudir mon'n fer en long parkour dan politik. Mon'n al a longer ditant evite pran rol Lasanble konman Manm Proporsyonnel.

Petet sa pa ti en tro bon keksoz aköz mon'n vin antre dan Lasanble konman Speaker san sa leksperyans Lasanble lo *floor*, ki mon krwar en Speaker ti devret annan.

Me toudmenm, mon'n santi poudir letan lapel in vini poudir i en bon mannyer pour mwan termin mon parkour politik. Donk, mon vremen apresye sa sans ki mon'n gannyen pou deservi Lasanble e pou deservi Sesel dan sa pozisyon.

I en souvenir ki mon pou al avek tou mon lavi e in bokou

anrasi sa ki reste mon bann lannen dan mon lavi.

E en pe remersiman pour sa i al ver zot bann Manm Lasanble, bann koleg, bann – tou lede kote. Ki mon bezwen eksprim mon lapresyasyon pour korperasyon ki mon’n gannyen. Menm ki i pa’n toultan agreab. Me travay Lasanble in progresse. In marse.

Mon’n toultan dir pou dir Lasanble i sel foronm politik ki egziste e ki kontinyel. E nou bezwen aksepte ki Lasanble i landrwa kot politik pou ganny prominans pou sorti. E mon kontan ki anmezir ki in annan sa latmosfer politik, me nou’n osi fer travay marse pour sa 2enm Brans Gouvernman ki i en pa enportan dan nou Sistenn Gouvernans.

Mersi bann Manm. Mersi osi *staff*, aköz mon’n vreman apresye zot profesyonnalizm e zot efikasite. Mon le dir ki apre en serten moman mon’n aprann aret trakase si Minis pou la Mardi. Si delegasyon pou annord.

E ler in annan levennman, mon’n aret trakase si levennman pou al byen, aköz mon konnen poudir *staff* i alaoter e zot pou fer li marse. Mon bezwen dir ki mon apresye lefe ki piblik in angaze avek nou toultan. Dernyerman

nou’n ganny sa bann nonm viziter ki’n vin dan Lasanble pou swiv nou travay. Mon konnen poudir tou sa letan nou’n annan sa langazman piblik e sa lentere piblik.

E mon demann piblik pou kontinyen reste konekte avek Lasanble. Aköz i enportan ki nou ganny zot persepsyon, zot perspektiv dan sa ki nou pe fer pour nou kapab kontinyen fer li pli byen.

Dan travay Lasanble, byensir nou’n an kontak e ganny enteraksyon avek bokou bann antite Gouvernman. Bann zofisye, bann Minis. Bann *staff* tou departman e lezot lorganizasyon. Donk, mon apresye sa korperasyon osi ki nou’n gannyen. Zot osi zot in zwe en par dan travay Lasanble.

I reste mwan pou dir mersi tou bann dimoun ki’n ankouraz mwan. Enkli dimoun otour mwan. Mon madanm Marguerite ki’n donn mwan bokou sipor.

E mon espere avek sa ki Lasanble i terminen la. Me Lasanble pou rene an Septanm le 28 ler rezilta in deklare. Nou pou war sa nouvo Lasanble.

E i reste mwan pou swet tou bann dimoun ki pe prezant zot lekor konman kandida isi, bonn sans e bon *courage* dan zot travay.

Travay Lasanble i en travay nob e nou bezwen – mon vremen apresye sa lapel ki dimoun i kontinyen enterese dan travay Lasanble. Donk, mersi bokou e i ariv mwan o moman pour mwan deklar lafen sa trimes. Mon pa pou deklar lafen sa Lasanble akòz i toultan – Lasanble i toultan reste an plas ziska ler i ariv a son disolisyon parey mon'n dir otour le 28 Septanm. Mersi bokou zot tou e mon swet zot bonn kontinyasyon. E bon kanpanny mon kapab dir. Mersi. Lasanble i *adjourn*. Mersi.

(Standing Ovation)

(ADJOURNMENT)